

大寶積經1卷4頁菩薩乃至求於阿耨多羅三藐三菩提時有所得者，即為著想。若著想者，於佛法外起有為想，於有為外起無為想，即於佛法而生想著，及起解執，起解執時，於佛法中堅住不捨，當知是人，不名為向無上佛道。何以故？以於佛法起想執我，而作勤修，則與我執數相應，而不捨離，則分別所分別，由是分別所分別處，則為所害。

5 不觀察者作一合想，不能銷滅我及我所，何名為我，執不實故。住種種想造諸世業，若如是者，彼執我相以為其我，何名我所，謂貪欲故名為我所。以於諸欲與身和合，即起貪心，起貪著已能壞戒蘊：一切愚夫，以我隨眠為愚夫法，是故說之，以為我所：若有眾生不聞此法，而說菩提及菩薩行，則為非行。言菩薩行者，實無所行，是菩薩行：若諸菩薩得行圓滿，無有缺減，清淨極清淨，遍清淨者，是人則能說此大法，名有勢力勇猛精進。其所說法等於虛空，而無積聚，為如理者，有功德者，能修行者：於是法中勿生執著，何以故？如來所說最為第一，為於最上應供有情，而發問故。我以勝法而為解說，云何勝法，謂無法想：菩薩具足護持最初淨戒，心不貢高，不造無間業，不犯比丘尼，亦不親近諸俗人家：離此諸事，如避惡狗旃荼羅輩，由住慈心，於彼一切所遠離者，乃至不起一念惡心，有二十處應當遠離：謂離女人，亦不與他調戲，麁言論義，諍訟於父母處及佛法僧，離不恭敬，若諸女人減二十眾，不為說法，

除有男子：尼僧說法會處，不應問訊諸比丘尼，不與女人作其書疏，或為他人傳書送彼，應付丈夫，勿付婦女。於一切時親族別請，終不受之，不以欲心經須臾頃住女人前：由修學故，證彼菩提，非不修學而能得證，若不修習得菩提者，猫兔等類，亦應證得無上菩提，何以故？不正行者，不能證得無上覺。

6 來世諸比丘等亦復如是，於聚落間或阿蘭若，與比丘尼聚集，言談問答法義，彼諸比丘及比丘尼，多生染心，少生法心。迦葉，汝觀是輩得菩薩名，墮大危險，取於惡趣。當於爾時，初為法緣而相親附，互相見已，欲火燒心，動於唇口，表其欲念：此之後當漸遣使，通致語言，道路期會，或於街衢，或在寺內遙相瞻視，於出入時間，其所由，互稱親族，結為姊妹，彼等由是數相見，故而相習住，既習住已，生於染心，生染心已，共為穢事，為穢事已，更以非梵行名而相呼召，由行非法，退失菩提，及以善趣，遠離涅槃，棄捨如來，違背正法，厭惡於僧，在於屏處，起欲害諸惡尋思。

7 佛告大迦葉，我不為汝說，然今因汝為順菩薩行，菩薩行者，謂前所說為菩薩行。佛告大迦葉，我不為汝說，然今因汝為

他敷演，汝今勿於如是大事而生疑惑，汝等亦當速證無上正等菩提：於未來世，有諸比丘，不修身戒，心不識義理，瞋恚熾盛，言辭麁獷，於是經典不能受持，如法讀誦，何以故？彼住色受想行識，生心故，未來比丘住是經典，表示法中，如住色受想行識，生故，復有一類諸比丘等，住在家法，於勝義諦無復志求，如生盲人，以金華鬘冠飾其首，而不自見，當於爾時，諸比丘輩亦復如是，聞是等經，言說文字，尚不受持，況復能入所修勝義。

8 如來所說十二處者，謂眼處色處乃至意處法處，此即眾生及眾生名字。

9 如來滅後：後五十歲正法滅時，當有比丘性懷貪著，猛利貪欲，映蔽其心，樂離間語，毒害於他，言詞麁獷，慘勵鬻鬻，住三法中，何等為三？所謂醫道、販易、親近女人。住此三法，退失四事，何等為四？謂退戒蘊、善趣、果證、如實見佛。由退此四，復成四法，不生厭離熾盛增長，云何為四？所謂嫉妬、增長熾盛、瞋恚惡心、增長熾盛、耽著種族、增長熾盛、貪著飲食、積聚眾味、愛樂衣服、映蔽心故、置之篋笥，專行此事，以為常業，於沙門法空無所獲。

3 卷12 若眾生成就四法，聞說此經，不生厭離，云何為四？多放逸，故不能深信，業異熟，故亦不深信，大地獄，故不能審信，我當死，故：若有一法，得成沙門及婆羅門，何者為一？於一切法，心無所住，如是一法，得

①正法念處3卷12頁：身中所有若內、內分風數所攝。若輕輕動覺分所攝…如是等風有八十種，動如虫行。13頁：身內分分處處風數所攝，輕動成熟有覺所攝名內風界。13卷73頁：八十種虫在其身體，一切身脈筋皮肌肉，皆悉遍有八十種風吹殺彼虫。謂八十種虫八十風所殺。64卷369頁：若蟲得味，我亦如是得此食味…病蟲亦先得。本經57卷：生七日已，身內即有八萬戶蟲…復為諸神病之所執持。所謂天神龍神八部所持及諸鬼神，乃至羯吒布單那。圖

成沙門及婆羅門：若起想者則為所害。為誰所害。謂貪瞋癡若執眼相。由著可愛不可愛色相故。為眼所害。乃至涅槃想。我得涅槃想。迦葉。以要言之。諸執著者處處起想。乃至於空性中起一切想。皆悉非作沙門婆羅門法。非沙門行。非婆羅門行。迦葉。如來說言。沙門婆羅門法者。譬如虛空及以大地。何以故。虛空之法終不念言。我是虛空。沙門婆羅門者。終不自謂我是沙門是婆羅門。

13 若於諸見起分別者。云何能得心一境性。為以幾何名心一境性。周遍推求。乃至一法亦不可得。隨所有心無所得者。是為心一境性。此即名入心之數也。 14

此劫過去已。滿於六十劫。當不聞佛名。何能生信樂。若人相會遇。饑餓苦所侵。母子是時中。互相食其肉。彼時所生子。幢惶行不安。住在己家中。猶生大怖畏。見聞此事已。知其生死燒。誰有智慧人。於中生愛樂。無明是生根。女人是欲根。蘊為苦惱根。是故應捨苦。世有愚眾生。耽著於女欲。人能離癡者。疾當得涅槃。由是種種難行苦行能得菩提。於恒河沙劫不應休廢。若於恒河沙劫學不休廢。則能現證無上菩提。應發如是堅固之心。以為勢力。以作策勤。終不捨離阿耨多羅三藐三菩提。若有菩薩發是心者。何所攝受。謂不取處。不取非處。何故不取處非處耶。若有取於處非處者。於無上覺則為障礙。以不取於處非處故。速得無上正等菩提。然是最勝修習

之法。謂堅固心性。 15 應受學三法。何等為三。謂常隨順諸佛如來。為他演說勤自修行。於眾生所修習慈心。於此三處受已。應學。復次。應當親近三法。何等為三。謂離捶打。不毀他人。說云卑賤。於怖畏者施其無畏。 17 成三法受身黑闇。何等為三。如來塔所取其燈明。於他諍訟而現瞋恚。於他黑人不預己事。橫加毀訾。由此三法其身黑闇。持酒勸他人。及與諸親屬。以成狂飲。故便為饒語匠。不解作刀鋸。及餘工巧處。唯能坐搖手。爐前鼓橐囊。自能修梵行。為他稱讚姪。此業異熟時。當為饒語匠。不解作刀鋸。不能鼓風橐。唯解奮長槌。礎前而鍛鐵。令他棄捨法。從茲而命終。速生工巧家。稟識常愚闇。初不見囊橐。亦不見鉗槌。其業報應然。悉破壞眾器。迦葉。應防意。及善護其言。永勿教他人。一切不善法。輪迴生死苦。由愛故增生。善法可勤修。應訶諸不善。 4 卷20

三界由想作意所生。是故說言三界虛妄。想及作意亦非真實。彼所有想即色執著。所有作意皆與受想行識相應。諸法本性亦無相應。非不相應。乃至非想亦非作意。想及作意本性皆空。所有言說亦皆虛妄。但假施設令性寂靜。如來一切結使皆捨離故。凡所演說終不唐捐。汝等於此。應善思惟。無令執著。於一切法勿生分別。離諸戲論。了一切法無有自性。而於眾生起慈悲想。思惟悟入如是法門。為利一切開示演說。云何法門。謂了無

明諸有為法。悟智見等諸無為法。應遍清淨。證入一切有為無為。無戲論智。非數入數。非數住數。隨順如是。非數法故。證入無為清淨法門。獲得遍持光明智慧。攝受諸法。令不失壞。能以覺慧方便善巧。廣為眾生演說諸法。無邊莊嚴。此是諸菩薩等入陀羅尼門。由是門故出生廣大差別覺慧。及能發起演諸法義善巧之智。諸法究竟不生不起。所有自性亦不生起。是故當知三世所說一切諸法自性無性。亦不應執諸法無性。此是諸菩薩無所執著。陀羅尼門。為諸菩薩門清淨故。如是開示。說一切法有形相者。所說形相即非形相。不作不壞。不愛不恚。是故當知形相門者。則為非門。清淨故。由是能得入無形相清淨法門。 21 如來嘗說一切諸法皆是佛法。以於諸法能善了知名為佛法。諸法本性與佛法等。是故諸法皆是佛法。 22 如來常說若不執著一切法者。是真勝義。 5 卷25 不於少法而生執著。由不執著無有所取。亦不觀察無二法智。亦不示現內智外智。不於少法而生厭足。亦不應以下劣精進希求上智。勤修一切甚深之法。所有難問隨義而說。應住自利及以利他。應善觀察自他之想。我今當令一切眾生與不可說法寶相應。假令眾生作諸重惡。終不於彼生慳法心。離諸慳惜。能為捨施。為法施主。我今當作如來之事。一切智事。令諸眾生捨離重擔。於大瀑流當以法船運度群品。能令眾生得於

纏及餘禽獸諸魅所持。或為日月星辰所厄。此等鬼神作諸病患。逼惱身心難可具說。110卷580：識捨於身作何色像。佛言。善哉善哉。大藥汝今所問。是大甚深佛之境界。唯除如來更無能了。如人影像現之於水。此像不可執持。非有無辨。身中渴愛受想與念皆不可見。身之諸大。諸入。諸陰。纏

一切安樂資具，菩薩當以如是悲心發生覺慧，速疾證於殊勝之法。

26 菩薩住於一切智智陀羅尼已，得阿耨多羅三藐三菩提，彼陀羅尼門句義差別，諸餘菩薩所不能知。若一生補處菩薩坐於道場，以清淨覺無師自悟，此陀羅尼而得現前，亦猶菩薩為菩提故，無量劫中積集善根，於其長夜久修梵行，得深法忍，哀愍一切諸眾生故，大慈悲心，方得現前。由是陀羅尼故，坐於道場，當證阿耨多羅三藐三菩提。我今於汝不可示說，汝得菩薩智慧現前，能證彼法。27 若以言說得一切法，本性自性，無有是處。於諸法中，無有少法，名為諸法，本性自性。一切諸法，本性皆空。一切諸法，自性無性。若空無性，彼則一相，所謂無相。以無相故，彼得清淨。若空無性，彼即不可以相表示。諸眾生無有智慧，為大煩惱之所覆蔽，無智慧故，假使少有明了，順說尚不能解，何況祕密非隨順說。若不住者，是則清淨。云何不住，謂不住善法及出離界。何以故，無出離界及界施設，於涅槃界，若不住者，名得涅槃。此涅槃名，但假施設。如是涅槃，無有所得，亦復無有得涅槃者。一切諸法，皆入緣起。若入緣起，是則無有中邊之說。若離言說，乃至無有少法可得。無有少法，不到彼岸。到彼岸者，即是涅槃。一切諸法，悉涅槃相。凡夫眾生，於無處所執為邊處，見邊處，故不得解脫。以於真實無處所故。28 此法中，善受持者，不顧身命，彼人則能流傳此經。當於後時，若有眾生，於此

法中，為聽聞故，勤修習者，尚難可得。何況有能書寫受持，讀誦通利，開示流布，為他廣說。7 卷³⁶ 我見眾生，心無淨信，或欲鬪諍，或欲損害，或欲惱亂，而來親近如來，知彼心所動作，隨其種類，以諸法門，而作覺悟，令其捨離不善尋思，及令發起諸善根因。

10 卷⁵² 如來之身，成鈎鎖體，猶如金剛，鏗然堅強，不可破壞。其如來身，無有生藏，亦無熟藏，復無堅軟，亦無不淨，大小諸便，欬唾之穢。53 若有菩薩，入如來祕要，是等不知，謂於如來至真，演有為之門，而如來法，悉是無為。55 此三千大千世界，有八十四億百千，姦眾生之類，言辭各異。如來言辭，決於一切眾生疑網，令無餘結。十方一切所有眾生，眾生成類，多於地土。此眾生之類，所行各異。

11 卷⁵⁶ 其化如來，無心意識，身口意，其行所在，至真示現，隨時能作佛事，化亦無想，亦無求念。如是寂意，道心如斯，猶如來化等，無有異。其所化者，所念無念，無身口心，因緣進退，目覩見之，皆作佛事，亦無所有。所謂化者，悉無所行。諸法如化，如來解是，成最正覺。

12 卷⁶² 心自憶之，如來至慧，入我身中，非我威勢，聖猛之力，佛言如是。如密迹言，如來道慧，所入至處，莫不蒙安。教佛弟子，班宣經典，皆承如來威神聖旨，以入如來空法之身。道慧玄妙，靡不通達。若不貪身，解脫身無身，何謂無身。身四大成，本亦無名，以了是者，意解虛偽，故曰不真，而不可得。皆由不真妄想，而興。若無所求，不懷妄想，不迷不惑，不作不

住，若無所住，則無瞋諍，其無瞋諍，乃曰寂然。為行憺怕，何所消滅，名曰寂然。消眾因緣，乃曰寂然。從其因緣，令心熾然，以無因緣，則無熾然。隨時消寂，因緣而不消滅，眾德根本，不興塵勞，因緣之對，興發諸亂，諸度無極，棄捨魔事，眾邪之業，不捨諸佛，道行緣業。

63 緣有為哉，心以住在積功累德，具足自剋，故緣無為哉，心以住在聖慧具足，故。皆由緣心，得至佛道，導一切智。

13 卷⁷⁰ 若有菩薩，見生死難，則見縛結，不至滅度。唯化眾生，乃成正覺。菩薩之法，普行勤修，在在生死常所在處，開導利益，無量眾生，悉令滅度，亦無所教。菩薩作行，宜重生死，不敬滅度。敬泥洹行，重於眾觀，便自墮落，沒在小節。若有菩薩，畏於生死，而懷恐難，樂泥洹行，當作是觀。如是菩薩，則為墮落，以無行，墮失如來行。於諸眾生，則有覺咎。

71 何謂菩薩所行。自正己行，而為眾生，宣成敗事，生死之難，受於無量生死之患，而無恐畏，不樂聲聞緣覺之地，習菩薩行，不近禪思，在於三界，曉了禪定，分別惡趣，習乎方便，盡了禪智，功德聖慧，而不可盡，發無生慧，為人，班宣一切本無，慧無所生，知其所受，了諸眾生，而無吾我，以慧開化，一切眾生。

14 卷⁷³ 世人，依倚陰衰，諸入十八諸種，行菩薩業，心無所著，是故與世而諍亂矣。所以者何，不同塵故。菩薩將護一切正法，便與世諍。以受正法，而護己身，亦護眾生，人壽命形，護一切法，為無所護，又問云，何受之。答曰

寂然吾我眾生憺怕，眾生已寂三世便默。三世已默，佛法便默。佛法已默，佛土便寂。佛土已寂，諸法便寂。其於諸法無所歸趣，是則名曰將護正法。護正法者，斯受一切於一切想而無妄想，已無有想於諸妄想無行放逸，是則名曰於諸一切法而無放逸。乃名道法。
16卷86頁

諸菩薩所行 不應生輕毀 可以一小草測量於大海 眾生之所行 不可得思議。若人為樂故 於惡色愚癡 破戒可厭惡 不可恭敬者 如是等人所 不應生輕慢 眾生之所行 甚難得知 猶如舍利弗 寂默入禪定 能於一心中 唯知五十心 猶如諸世尊 一念知無量 不應於諸佛而生於疑心 猶如阿羅漢 不知自境界 況復當能知 眾生之境界 是故一切人 不應作是言 我能知眾生 心中之所念

18卷94 彼國菩薩乃至菩提不墮惡趣 生生之處能了宿命 唯除五濁剎中出現於世 96 有墮於疑悔種 諸善根希求佛智乃至廣大智 於自善根不能生信 由聞佛名起信心 故雖生彼國於蓮花中不得出現 往昔世中過失盡已 然後乃出 彼於出時 心迷上下四方之所 當知疑惑與諸菩薩為大損害 19卷100 不動如來應正等覺 往昔行菩薩行 演說諸法及聽聞時 身之與心不生疲倦 何以故 彼初發心修菩薩行時 得法身威力 故 102 彼佛剎中得預流者 於此現身而得漏盡 非如此界經七返生 斯陀含者 即於現生能

盡苦際 匪如此界經一往來名斯陀含 阿那含者 彼於現身成阿羅漢 非如此界往上地生 不還來此名阿那含 20卷103 彼諸菩薩所有言議 皆與般若波羅蜜相應 互相尊敬 起導師想 彼佛剎中天魔波旬不為障礙 亦無魔業之所擾亂 舍利弗 譬如毒蛇神呪所伏 不能為害 一切諸蟲 見彼毒蛇亦無憂懼 然此毒蛇雖無毒害 由本業故 受此蛇身故名毒蛇 104 如佛所說 此世獲記菩薩與彼所生菩薩 等無有異 世尊 我今不知以何為等 佛告舍利弗 以法界等故 得無有異 106 此三千大千世界星宿 猶有數量 彼一一會無量 有情得阿羅漢 故諸會聲聞無有數量 復次舍利弗 彼剎天人 殖眾善本 餘界人天 縱以天眼亦不能見 107 為求此法門 故於彼村落城邑 聽聞受持 讀誦通利 雖出家菩薩 居白衣家 我說無過 亦隨聽住 何以故 彼善男子 善女人 於命終後 欲令此法當不隱沒 國中雨雹為災 非時霹靂 及餘種種可怖之事 應當專念 不動如來 及稱名號 是諸災害 皆得消除 由彼如來 往昔弘濟 百千諸龍 解脫眾苦 又由慈悲 本願誠諦 不虛迴向 善根要期 圓滿 故稱彼名號 憂患自消 唯除有情 宿業成熟 108 彼諸菩薩 皆當證得 阿耨多羅三藐三菩提 而於佛性 及一切智 攝受佛國 悉皆同等 菩薩聲聞 非無優劣 而於解脫 則無有異 22卷114 菩薩摩訶薩 安住正道 如理知故 正

道發趣如理見故 如理清淨則不分別 非不分別 而於分別不分別 中平等知見 若見有法可求可覓 則不平等 不住如理清淨知見 以無分別無不分別 於彼分別不分別 中而無執取 以無執取遠離分別 及不分別 於此道中 無有憐愍 無有施為 亦無增益 亦無取捨 住平正道 亦不分別 過現未來 遍能了知 一切分別 所有隨眠 於一切法 得住平等 無顛倒義 乃得名為住斯道者 無邊慧 何等為道 及道清淨 所謂說名八支聖道 25卷129 善男子 汝以無住而住 無處而住 於一切法 理趣善巧 方便安立 諸法無處 亦非無處 若處無處 皆隨世俗 若隨世俗 則於其中 無有少法 而可生者 而可了者 是故善男子 應加精勤 速於諸法 逮得解脫 26卷134 一切諸法界 法界體性 世尊 出法界外 無有所聞 若一切法 皆法界體性 眾生何處 有污染淨 法界體性 無污淨 故文殊師利言 大德 舍利弗 是諸眾生 身見顛倒 安住我勝 我所勝 是凡夫人 發起我想 是眾生等 執著我想 及著他想 起心心數法 是心心數法 造作諸業 若善不善 是諸眾生 行業 因故 獲得果報 若已有生 即有染污 是污染者 法界體性 若知污染 是法界體性 是名白淨 然第一義 無有污淨 舍利弗 汝斷諸漏 得於無漏 解脫心耶 舍利弗 言 我得無漏 解脫之心 住世諦 說心得解脫 第一義 中都無有心繫縛 解脫 若心有內有外 中者是得解脫 而是心者 無內外中 無繫縛 解脫

續後 經言80 風及虫與人之互動因緣 寶積經57卷 復為諸神病之所執持 所謂天神龍神八部所持 及諸鬼神 乃至揭吒布單那 及餘禽獸諸魅所持 如涅槃經35卷 滅內外入所生六識名之為常 以是常故名之為我 此即除二 方是涅槃常樂我淨 眾生以識為我 非也 識身皆業緣所集 楞嚴經所辨者也

135 戒聚清淨，即是動搖，當知此即是增上慢。定聚、慧聚、解脫聚、解脫知見聚、清淨即是動搖，當知此即是增上慢。一切皆是動搖，皆是戲論。若有動搖，若有戲論，心即自高，自在攝取，依止妄想，堪忍成就，如是等法名為自在，自在在故，生於憍慢。

136 若有菩薩解知身者，即解知戒，解知口者，即解知戒，解知心者，即解知戒，解身口者，解覺寂靜，解覺寂靜，故解眾生寂靜，解眾生寂靜，故解一切法寂靜，解一切法寂靜，故解如實始寂靜，解如實始寂靜，故得寂靜法，因寂靜緣寂靜，隨有所聞一切諸法，能說寂靜。天子，是名菩薩戒清淨，故如實說受記。

137 菩薩非不生三界得名自在，為化眾生，故生三界名為自在。菩薩不以為己身故得名自在，為於寂靜一切眾生諸苦惱，故名為自在。非自在寂滅五陰，名得自在，為捨一切眾生重擔，名為自在。

27 卷¹³⁸ 覺了身見之體性，故名佛出世。天子示現無明有愛體性，名佛出世。覺了貪瞋癡體性，故名佛出世。覺了諸見之體性，故名佛出世。天子示陰界入法界體性，名佛出世。若有菩薩初發道心，安住法界平等中，故名善住。初發心菩薩名之為住。一切凡夫名為久行。於生死中不知始故。若有菩薩行於愛染，為化愛染諸眾生，故亦不共。是愛染住，名菩薩久行。若有菩薩化眾生，故觀一切相亦不分別法界體相，名菩薩久行。若有菩薩觀一切法無災無不災，觀法

界體性無災無不災，是名菩薩不退轉。若有菩薩亦不退，是名菩薩不退轉。菩薩不知不解故退，以知解故無有諍訟，是名不退。何以故？解一切法性，我以能解一切法性，更不復退，是名不退。菩薩若知一切諸生而亦不生，亦知一切眾生生死於諸生中，善能說法教化眾生，生處無取，亦取諸生離生死，取不去不來不上不下，一切諸法悉平等，故亦知因緣和合增長，一切眾生身口心意悉皆平等。一切眾生無有境界，住佛境界入於法界，法界平等，故平等解了眾生之心。善解知時，至於道場，是名一生。天子是則名為菩薩一生。心不捨背一切眾生，是名不生。不共一切無明瞋恚諸結使住，是名一切而得自在。入諸禪定及次第定，是名不生。不味禪樂，是名一切而得自在。

141 波旬問言：大德舍利弗，諸佛如來住於何處？舍利弗言：住生死中平等，住涅槃不動，住一切諸見如實之性，住於一切眾生結使，亦住一切諸法根本，住於有為無為二法，諸住不住，無有住故。波旬諸佛如來如是住也。諸天子等信舍利弗，魔波旬故，三萬二千諸天子等發阿耨多羅三藐三菩提心，為欲調伏諸天子故。文殊師利童子令魔波旬及大德舍利弗作如來身，身相具足。

28 卷¹⁴⁴ 以如實智於法界中所有諸法，如實覺知諸法相已，善記善修彼法界中所有諸相，有所說者，修者記者，自然如是入法界行。如是乃至受想行識，以如實觀，正觀察已，而

不滅識，不厭離識，證入法界。
145 我記聲聞得阿耨多羅三藐三菩提者，以見聲聞有佛性故。¹⁴⁶如是依觀眾生五陰滅諸煩惱，煩惱滅已，然後得成阿耨多羅三藐三菩提。彼諸聲聞以此因緣得成正覺。利根菩薩住第十地，除二無我坐道場者，為除故坐不除坐耶？時淨無垢寶月王光菩薩摩訶薩言：世尊，已除故坐。

29 卷¹⁵² 文殊師利白佛言：唯願世尊加威護念，令我獲得無礙辯才，說此法門殊勝功德。
30 卷¹⁵³

我以不思議善業因緣故，遠離諸迷惑，成就種種光，復以種種行，安住於佛道，以空無作慧，而現和合光，譬如外法中，種種相差別，於中空無我，無作無心意，又如內身中，空無我無作，於中能示現種種諸音聲，由如是無作，現無邊色光，隨其所意樂，皆令得滿足。¹⁵⁵

佛身所現諸光明，千俱胝剎微塵數，如是無量俱胝剎，其數又如大海沙，一一微塵諸光明，各有若干諸眷屬，其光遍往無佛剎，化作如來清淨身，如是種種諸光明，各以善法化同類。

33 卷¹⁷¹ 於法若見得，便有失法憂，於佛若見生，則有涅槃苦。世尊入城時，百千眾圍繞，人及非人等，淨心而供養，若於剎那頃，思惟眼盡邊，了達諸相空，其福復過彼，乃至算數分，皆所不能及。
35 卷¹⁸⁵ 因離無智而智得生，此智不遠離智。

①除二無我，同經異譯。後大乘十法經727頁：十地菩薩為斷諸煩惱坐於道場，為不斷？答曰世尊，以斷故，故此除二即除煩惱。涅槃經後分卷八：八萬四千煩惱郎主役使其身，身心破裂不得自在。無明若滅三界都盡，以是因緣名出世人。無我者，佛言身中四大地水火風無我，身乃諸業所成。正法念處 前

因離識無智故而智得生，而此識界非是我所。若非我所則不取著，若不取著即是最上。若是最上是即解脫：於我執所而得解脫。：乃至於一切分別執所而得解脫。 186

勿貪親與財 咄哉念知足 勿如旃荼羅下賤心來往 勿自恃持戒 輕毀犯戒者 恃戒凌於人 是名真破戒 譬如鹿被涼若縛若致死 處魔羈慢者 縛害亦如是

：此眼自性是苦而復熾然，何等熾然，所謂貪火瞋火癡火之所熾然，生老病死愁歎憂苦不安等法之所熾然

36 卷 189 菩提心者不可破壞，一切天魔不傾敗故：菩提心者即是如來十力四無所畏十八不共佛法之根本也。舍利子，言菩提心者，謂以此心用菩提為生體，故名菩提心。

190 若行陀那得大財富，若行尸羅得生天樂，若好多聞獲得大慧，若修諸定便離繫縛。

37 卷 192 如來身者遠離一切不淨，洩唾痰癘膿血大小便利，何以故？如來久已解脫一切骨肉筋脈故。如來身者自性清徹，何以故？如來久已遠離一切煩惱諸垢穢：欲求如來身者，當應如幻如焰如水中月，如是自性求如來身：如來身者，不依心轉，不依意轉，不依識轉，安住不動：如來身者等量虛空，如來身者極於法界，如來身者盡虛空界。

193 如來不思議大智離識而轉，不佛言，不也。 194 有四識住識，依此住故名識住，何者為四所謂色識住者，識緣於色，識住色中，由如此故生喜住著，轉加增長堅固廣大。

識依色而住，生歡喜並執

著，漸增長受，受識住者，識緣於受，識住受中，由想行亦如是。受識住者，識緣於想，識住想中，由如此故生喜住著，轉加增長堅固廣大：不住五受蘊中了達識蘊，是名為智：謂能了別地界水界火界風界，是名為識，所言智者，若有不住四大界中，能善通達識之法界，不相離者是名為智：識者，住有為法：無為法中識不能行，若能了達無為之法，是名為智：住生滅者名之為識，不生不滅無有所住是名為智。

196 非想非非想處諸天子生識，緣一境經八萬四千劫住，乃至三摩地壽命未盡已來，此識不為餘境界識之所移轉，舍利子，彼諸天子尚以世定之力經爾所時，何況如來三摩地波羅蜜多而無久住。 197 如來不起於三摩地，離心意識而能作諸佛事，以無功用故。

38 卷 202 云何名為邪定之性，謂有情性煩惱所蔽不修淨業，識性薄弱愚癡深厚，住邪見網非正法器，若使如來為彼說法，若不說法終不堪任證於解脫，如來如實知彼有情非法器已，而便捨置：菩薩摩訶薩，愍此有情，作利益故被弘誓鎧，入邪見軍教化摧伏。

204 獨覺最勝及聲聞 順逆履遊諸靜慮 如來宣示彼所證 如有毒刺及怨讎 諸佛所證定解脫 究竟無怨無毒刺 當知第七如來力 不為異證所摧伏

205 又諸有情非可現見，而為如來天眼所見，亦非彼外五通仙眼之所能見，亦非聲聞獨覺菩薩等眼之所能見，彼一切如來天眼悉能現見，如是非所現見微細眾生如車輪量，如來以天眼觀之，多於三千大千世界所有人天，如是一切無量無邊不可思議。

39 卷 206 何名為平等之性：諸見自體與彼空性其性平等，諸相自體與彼無相其性平等，三界自體與彼無願其性平等：生死流轉自體與彼寂靜涅槃其性平等：如來能於一切諸法平等正覺，是故如來名正等覺。

208 如來入如是無根無住故證得菩提：何等為根，何等為住，有身為根，虛妄分別為住，如來於此二法平等解了，是故說言，由如來入無根無住故證得阿耨多羅三藐三菩提，一切眾生不能解了，如是二法，如來於彼發起大悲，我今定當開示令其解了，如是無根無住法故。 209 我證菩提無入無出，何等名為入出二法：所言入者名執諸法，所言出者名不執諸法，如來明見無入無出平等法性：不得眼識名為無相，不觀於色名為無境，乃至不得意識名為無相，不觀於法名為無境，舍利子，無相無境眾聖所行，何等所行，謂在三界，愚癡凡夫於眾聖所行，不能行，故於無相無境不能覺了：真如，法性二俱名迹，性無別異，性無安住名無差別：是虛空相名之為迹，性不可得名無差別，其性無生是名為迹，其性無滅名無差別，其性無為是名為迹，性無行住名無差別，為菩提相是名為迹，其性寂靜名無差別，為涅槃相是名為迹，其性無生名無差別：菩提者，不可以身證，不可以心證，何以故？身性無知無有作

01 大槃涅槃經 29 卷 188 頁：我經中說，若有比丘修習定者，能見五陰生滅之相，善男子，若不修定世間之事尚不能了，況於出世，若無定者平處顛墜，心緣異法口宣異言，耳聞異聲心解異義，欲造異字手書異文，欲行異路身涉異徑（此身受業力所制，不能自制，故心與身不能一致）若有修習三昧定者，隨

用譬如草木牆壁琢石之光，心性亦爾。譬如幻事、陽焰、水月，若能如是覺悟，身心是名菩提。菩提性離言說，故亦離一切諸法。相故40卷213心之與智，自性光潔體無瑕穢，是故諸佛由剎那心相應，慧故證得阿耨多羅三藐三菩提。214如來一切語業，智為前導，隨智而轉。如來語者易解了語，易明識語，不高大語，不卑下語。吞噉魔語，調伏惡語，摧異論語，有表示語，天鼓音語，智者悅語，羯羅頻迦音語，上帝音語，梵天音語，海潮音語。如來智隨至一切眾生之心，隨入一切眾生之意，不離一切眾生之識，焚蕩諸法，諸三摩地，不從他緣超過一切所緣境界，遠離緣生，滅三有，趣超諸慢，種解脫，離諸諂誑，捨我我所，除滅無明癡暗之膜，善修道支，與虛空等無有分別，與諸法界而無差別。舍利子，如來證入如是意業，為如是相，智為前導，隨眾生心而為說法，令彼證入如來意故。

41卷217此慈無量能護自身，此慈如是發起他利，於無諍論慈最第一。慈能除斷忿恚根，慈能永滅一切過失，慈能遠離諸有愛纏。此慈如是，但見眾生清淨勝德，而不見彼有諸愆犯，慈能超越熱惱所侵，慈能生長身語心樂，慈力如是不為一切他所惱害。慈善之力，一切有依諸福業事所不能及。慈為一切智慧生因，由慈無量能聞持故，自他諸品皆悉決定，慈能除遣順魔煩惱，是慈力故同住安樂。如是無量不可思議大慈之相，218行大悲時，觀諸眾生樂著生死流轉不息。

五蘊魁膾常恒尋逐，三界因園曾無遠離，桎梏枷鎖不思開釋，菩薩摩訶薩觀見是已，於諸眾生發起大悲，我當為彼說微妙法，令彼解脫五蘊魁膾，又令越度生死曠野，及以出離三界牢獄諸繫縛故。

219一切大乘出離，皆因大悲而得出離，以是因故說名大悲。如是大悲建立如來自然智慧。是捨有於三種，何等為三？謂捨煩惱，捨護自他捨，時非時捨，何等名為捨煩惱？捨捨心無卑下，若受利養心不不高，不得利養心無紆鬱，於彼持戒及犯戒所起平等覺，得勝名譽心不怖樂，被諸毀謗情無憂感，若致譏訶志無貶退，於稱讚所善住法性，於諸苦事有擇慧力，於諸樂事有無常苦觀解之力。於諸欲味及過患所平等稱量，於我自身及他眾生，起於平等信欲之意，於身命所情無顧戀，於下中上諸眾生所起平等照，於隱顯法起平等性，於諦非諦自體清淨。若能自然起勝對治，是名菩薩摩訶薩捨煩惱捨。

220菩薩摩訶薩具大智慧善能修習時，與非時，謂非法器諸眾生所應起於捨，不恭敬所應起於捨，於無利益譏毀苦惱應起於捨，於聲聞乘趣正決定，應起於捨，於修施時應捨修戒，於修戒時應捨修施，於修忍時應捨牽引施戒精進，修精進時應捨修戒，修靜慮時應捨施度，修習慧時應捨緣發五波羅蜜多。由所不應作法無造作性故，是故菩薩深知非益而行於捨，若有菩薩摩訶薩安住大

捨波羅蜜行菩薩行，則於一切惡不善法能興大捨。222行陀那波羅蜜多時，於乞者所起大慈心而行布施，此心續起，殃伽沙等方得成滿，中無間絕，佛三摩地。如來應正等覺住此三摩地，已能於一一毛孔而出百三摩地，猶如殃伽大河流化不絕而得自在。如來所有一切神通變化，多由施行而得成就。行陀那波羅蜜多時，其性聰叡智慧甚深，因於少施多有所作，由智力故增上所作，由慧力故廣大所作，迴向力故無邊所作。

42卷223有身見故可有觀察，此是持戒，此是犯戒，如是觀已，於彼守護及以儀則。若行若境皆悉具足，正知而行，正知行故名持戒者。菩薩摩訶薩不取著自，不取著他，而行於行，不毀尸羅，不取尸羅而行於行，若取著我即取尸羅，若不著我不取尸羅，若知尸羅是不可得，即不毀犯所有律儀，若於律儀無毀犯者，即不名為毀犯尸羅，又亦不名執取尸羅。舍利子，以何因緣，於是尸羅而不執取，謂一切法知他相故，若由他相則無有我，若我是無何所執取。

善護尸羅無戒想 具足尸羅行覺行
妄有身見已除遣 見與見者曾無有
無有能見無彼處 不觀持戒犯戒者
善入無護法理趣 威儀具足不思議
妙善正知能守護 除斯更無具戒者
說無我者不取戒 說無我者戒無依
說無我者不希戒 說無我者戒無心
不毀尸羅不執戒 亦不計我起尸羅

續則大利益，乃至阿耨多羅三藐三菩提。回盲人眼壞，識精未壞，故能見暗，如明眼人暗中唯見黑暗，表能見乃識精，現代人眼角膜壞不能見，換眼角膜即能見，表眼同光，只能顯色，真見乃心，人死眼雖不壞亦不見，故能捐贈器官移植，讓他人受益，其理則同（楞嚴經簡釋本卷一37頁），色身若無神識，

無所依我及戒想 甚深慧行菩提行
 如是尸羅無所畏 此人常不犯尸羅
 若能不執有諸法 如是尸羅聖所讚
 若住我見諸愚夫 計我具戒能持戒
 彼受護戒果終已 於三惡趣常纏縛
 若有斷盡諸我見 彼無有我及我所
 是真持戒無見故 無復怖畏墮諸惡
 若能如是知戒行 無有能見犯尸羅
 尚不觀我及三有 況見持戒及犯戒

44 卷 237

由觀諸佛淨信生 生淨信已修諸行
 若我所發至誠言 必當諦實非虛者
 由此如來還起坐 如從重睡欬然覺
 菩薩適發誠言已 如來應時便起坐
 百千拘胝諸天眾 以上妙衣而奉散
 菩薩是時心喜悅 舉身上踊住虛空
 既在虛空安住已 以妙伽他讚最勝
 慈心利世大明照 第一說者大神通
 覺悟愍念世間依 演宣無上正法者²³⁸

眾生既得受用諸欲法已造不善業不如實
 知諸欲過失云何名為諸欲過失：一切諸
 欲無非過失是故智者於諸過失不應生欲
 然趣惡道是欲重過：我說一切習近欲時
 無有少惡而不造者彼若報熟無有少苦而
 不攝受：我觀一切千世界中眾生大怨無
 過妻妾女色諸欲：味著花鬢香塗即是味
 著熱鐵花鬢亦是味著屎尿塗身舍利子若
 有攝受居處舍宅當知攝受大熱鐵釜若有
 攝受奴婢作使當知攝受地獄惡卒若有攝

受象馬駝驢牛羊雞豕當知攝受地獄之中
 黑駁諸狗：女人是犯尸羅第二伴故是犯
 威儀第二伴故是犯正見第二伴故是飲食
 時第二伴故是往地獄傍生鬼趣第二伴故
 能障聖慧礙涅槃樂攝一切苦第二伴故
 239我應遊戲諸佛靜慮不應遊戲聲聞獨覺
 一切愚夫異生靜慮我當修行無依靜慮不
 應修行依色靜慮又亦不依受想行識靜慮
 不應修行依地界靜慮：我當修習無依靜
 慮由修習故當不自損又不損他亦不俱損
 240眼無作用隨風機轉何以故無作等法本
 無有我亦無有情乃至誰能染愛於何染愛
 45卷242若被他入現瞋恚時心便生捨於佛
 菩提及法僧等曾無思念此非我宜又作是
 念若我於彼起瞋恚者則為無智無忍辱力
 亦於本願而便棄捨所以者何若起瞋恚則
 無是心我當攝受一切眾生我當不捨一切
 眾生我若起瞋於一有情不名菩薩攝化之
 法誰請於我行菩薩道而況往昔發如是願
 我當速證阿耨多羅三藐三菩提已廣為眾
 生宣說正法：諸佛世尊無障礙智無障礙
 見現證知我：我不應作師子吼已復作野
 干聲師子吼者謂我當證大忍辱力野干聲
 者謂於眾生而行瞋恚訶毀等相：假使經
 於百千那庾多拘胝大劫被諸眾生常以刀
 杖瓦石土塊種種加害但使須臾得存微命
 猶應欣慶作如是念奇哉如有情聖者能
 於我命不見全斷是菩薩摩訶薩從是已後
 轉增修學又作是念假使眾生行七步頃斬

截我首等殃伽沙然我於彼終不發起若忿
 若恚所以者何夫忿恚者速能損害百千大
 劫所集善根若我善根為瞋害已復當經於
 百千大劫方始勤苦修行聖道若如是者阿
 耨多羅三藐三菩提極難可得是故我當被
 忍辱鎧以堅固力摧忿恚軍又舍利子菩薩
 摩訶薩住大乘者起忿恚心魔得其便既得
 便已於阿耨多羅三藐三菩提能為障礙舍
 利子忿恚心者於菩提道能為擾亂擾亂心
 者能發惡魔所有魔業此中云何名為魔業
 若有菩薩心住衣鉢不能捨離當知魔業心
 住乞食諸施主家不能捨離當知魔業心住
 名聞恭敬利養不能捨離當知魔業於出家
 法常生厭患當知魔業：於餘智慧恒欣求
 習當知魔業乃至於鄔波柁耶阿遮利耶二
 勝師所不修敬仰恭順之心當知魔業
 243若有眾生剛強難伏毀犯尸羅具諸惡法
 為性濁重貪瞋癡者若我於彼作諸利益是
 則說我為難行者由我於彼作諸利益速成
 無上正等菩提先當令彼證寂滅故：若忿
 恚心現在前時應生如是諸大正念若生是
 念諸利益事速得圓滿：如是等相名為菩
 薩摩訶薩成就屬底波羅蜜多應如是學

244若隨順空不減不善於彼善性亦無增益
 若隨順空不減有罪於無罪性亦無增益如
 是乃至若隨順空不減生死於涅槃性亦無
 增益：如是等相而生忍者則名菩薩摩訶
 薩畢竟之忍²⁴⁶來世正法滅時有諸菩薩
 摩訶薩安住大乘修行正勤波羅蜜多者於

摩訶薩安住大乘修行正勤波羅蜜多者於

續有如草木。何能証菩提。心識貪愛身。正法念處經64卷。本經胎藏會55-57.72.73.109.110.120卷等。有關識之部份。詳閱可解五陰諸入與業報之謎。第17冊藏經910頁第22出虛空藏菩薩所問經：如何修行菩薩能伏一切邪魔。而得超度四魔。若修行菩薩以智慧故。見一切諸法喻如幻化。則能超度

是經典勤加修學，發大精進聽聞受持，書寫讀誦窮尋旨趣，廣為他說敷揚開顯，爾時當有十障礙法出現世間，諸有智者深當覺知不應隨轉，但當發起勇猛精進受持是經：有諸苾芻發勤精進，於是經典求聞誦習，爾時惡魔令持經者口噤不語，便於是經不得建立，是名第一障礙之法，諸有智者深當覺知不應隨轉：有諸苾芻發勤精進，於是經典求聞誦習，爾時惡魔令持經者患其眼目，便於是經不得建立，是名第二障礙之法，諸有智者深當覺知不應隨轉：惡魔令持經者身諸支節一時皆病：苾芻發勤精進，於是經典求聞誦習，爾時惡魔令持經者於其住處心不喜樂，尋欲捨棄，便於是經不得建立，是名第四障礙之法，諸有智者深當覺知不應隨轉：正法欲滅，爾時有諸年少苾芻，於是經典起清淨信心，生愛樂，在我法律中，為行毘利耶波羅蜜多故發勤精進：當為鄔波陀耶及阿遮利耶二本學師之所障礙，令於自法不生樂欲，是時二師而語之言，汝所持經此非佛語，非佛菩提非是正法，非毘奈耶，非大師教，時彼苾芻聞師教誨信受領解，於佛菩提即便棄捨：先所修習增上善根，為師所壞皆悉斷滅：彼諸苾芻斷善根已，復為惡魔之所誑惑，由誑惑故於佛正教造障法業，臨命終時惡境現前，惛癡迷亂，乃至天死都皆集現，而復重興感地獄業。

曾於過去發如是願，願我經生在在處處所有父母，皆令安住於佛菩提，又令諸母更無第二再受女身：大悲如來處世教化，為度聲聞三會說法：三會數量，彼菩薩眾其數亦等，皆是往世所生父母。252 世間一切眾生，所有福聚無量無邊，如是乃至一切有學無學，所有福聚，一切獨覺，所有福聚，轉復無量不可思議，如上所有諸福聚等，假使皆悉內置眾生一毛孔中：一切眾生一切毛孔，所有福聚，合集置一無關鍵會大法祠中，舍利子，如是法祠功德福聚倍增于百，感得如來大丈夫身色相之一，如是一一大丈夫相，皆以如是功德所成，如是一切如來身中大丈夫相，所有福聚皆合成一眉間毫相，如是一眉間毫相福聚，又過於此滿百千倍大功德聚，合成如來頂上無能觀見，烏瑟膩沙大丈夫相，如是一肉髻大功德聚，又過於此滿於拘胝百千倍大功德聚，合成如來大法商法之相，舍利子，由此如來大法螺相，為無量種功德集成，以如是故，如來隨所意欲，出大音聲，遍告無量無邊一切世界，為諸有情廣說妙法，如其根性隨聞信解，悉令歡喜。47 卷 257 千歲中乃至未曾如彈指頃，被於睡眠之所逼奪，於千歲中未曾起念欲臥息心，於千歲中未曾起念欲樂坐心，於千歲中未曾一返屈身蹲踞，唯除便利，若食飲時便就住立，於千歲中未曾再食，日止一食，食止一搏，飲水一器：惡魔興壞亂故，於律儀菩薩所經行道，仰布利刀遍其行處，爾時律儀菩

薩於彼刀道，微失本心，生利刀想，適生想已，便即追悔，發大音聲，再返唱言，咄哉奇事，我今如何住於放逸：彼菩薩所發音聲，遍告三千大千世界，於上空中有百千拘胝天魔，徒黨聞是菩薩憶念音聲，即共同時語菩薩言，如汝今者普告之聲，深為善說，深為善說。258 爾時律儀菩薩聞天語已，奮發堅固大精進，欲復前經行，再轉其心不緣刀刀。259 若有眾生欲隨如來修學佛法，我當為彼如應顯說，何以故，以諸眾生能隨佛學，如來不違彼意，必現其前而為說故，又舍利子，若有眾生不樂隨佛修學正法，若為彼說，是人聞已，則當成⁴⁸立鬪諍根本。

48 卷 260 眾生皆是病者：由為三毒常熱惱故，若有眾生生地獄者，亦為如是貪瞋癡等之所燒惱，如是生傍生者，焰魔世界，人中，天上，所有眾生無不為是三毒燒惱：非餘良醫及勝妙藥，若塗若傳，能令貪瞋癡等熱惱靜息，唯除如來無上勝妙大法醫王，及證法身菩薩摩訶薩，以大願力自嚴持身為良藥已，乃能除滅一切眾生貪瞋癡等諸熱惱病。262 安住法身菩薩摩訶薩，行毘利耶波羅蜜多故，無倦精進非有功用，但以其身則能成熟無量眾生，不假其心思量分別，即此菩薩身自能知了諸身相，隨入自身真如法性，自身真如隨入諸法真如，諸法真如隨入自身真如：又蘊界處真如，即染污清淨真如，又染污清淨真如，即流轉寂滅真如，又流轉寂滅真如，即加行真如，又加行真如，即一切行

續 陰魔。若聞甚深佛法依句披尋，則能超度蘊魔。若悟常樂我淨則能超度死魔。若不離菩提心故則能超度天魔。然此修行菩薩能伏一切魔障。故本經中言：身性無知無有作用。譬如草木牆壁琢石之光。心性亦爾。譬如幻事陽焰水月。若能如是覺悟身心。是名菩提

真如。而一切行即是真如。而此真如即一切行：以無違諍名曰真如

263 菩薩摩訶薩當於引攝此法身時。我說是等便證法身。既得證已。又能示現蘊界處身。當知是身法身所顯。是故舍利子。一切眾生若有值遇。如是法身。若見若聞。即皆調伏。觸彼身時。能令眾生作諸義利。如時縛迦大醫王者。聚集眾藥。和為形相。變成女像。由是醫王善能作故。是藥女像。雖無思慮。又無分別。而能示現往來住止。若坐若臥。若有煩惱者。至時縛迦大醫王所。爾時醫王觀其所治。即以藥女賜為仇匹。彼諸人等。既蒙所惠。便執藥女。暫身交觸。一切患苦。自然消除。法身所顯菩薩摩訶薩亦復如是。至菩薩所暫觸其身。一切病苦。皆得消滅。264 對彼佛作是誓言。我於此處結加趺坐。我若不從。赤蓮花勝。如來現前。聽聞大菩薩藏微妙法門者。要當不解。此坐不起。此處：精進堅固。發如是誓。結加趺坐。過七日已。東方世界有薄伽梵。名曰寶藏。如來應正等覺。為法行王。仙苾芻故。從彼而來。現其身前。為說開示八門句法。266 修行靜慮波羅蜜多故。所獲天眼。諸出離道之所發生。以是天眼極善明了。以是眼於彼十方無邊無際諸世界中。所有含識生。一切趣。除無色界。彼一切類。皆能如實了知。明見。又以是眼。善知眾生所有業因。及業果報。又善了知。彼諸眾生。所有諸根。及諸根因。諸根差別。是眼無障。於一切色。悉能見故。是眼無著。於一切色。無執

著故。是眼解脫。解脫一切隨眠見故。菩薩眼能引佛眼。性如虛空。無所退捨。是菩薩眼無著無縛。於諸愛恚。皆悉遠離。菩薩眼畢竟能趣一切智智。高廣神通。妙覺現前。乃至道場。無有退轉。是名菩薩摩訶薩。依靜慮波羅蜜多故。獲是天眼神通。作證智業圓滿。268 菩薩摩訶薩修行靜慮波羅蜜多時。獲是他心通智故。所有一切眾生。前際因根心行智。及隨諸行說法智。如是皆名菩薩摩訶薩。他心通智。具是智故。以彼後際。心入智通。悉能了知。如是眾生。於未來世。當有戒因。於現在世。而有施因。如是眾生。於未來世。當有施因。於現在世。而有戒因。

49 卷 269 菩薩摩訶薩又能了知。如是眾生。於未來世。當有大乘因。所生根。於現在世。有獨覺乘因。所生根。如是眾生。於未來世。當有獨覺乘因。所生根。於現在世。而有大乘因。所生根。諸有因行。及以有緣。於未來世。一切眾生。當有是根。菩薩摩訶薩。以他心智通力。故。若因若行。若緣。皆能如實分別了知。若能悟入。如是一切心法智者。是名菩薩摩訶薩。修行靜慮波羅蜜多故。獲是他心神通智業圓滿成就之法。271 如是無相無願。及以無行性。皆平等。即諸法平等。若能證入。是平等性。是則名為三摩半那。若心性平等。即諸法平等。若能證入。是平等性。是則名為三摩半那。舍利子。是名菩薩摩訶薩。獲是靜慮三摩半那。平等之性。皆因靜慮波羅蜜多故。272 平等證入。其心安住。金剛喻定。是名方便。

念無散亂。觀察法性。是名為慧。如是無量覺分資糧。平等證入。觀察現前。是名方便。如是無量諸惑。寂滅息除。熱惱。如來所有靜慮妙樂。不與諸法。而共相應。無有諸相。諸相遍知。遠離一切所緣境界。如是皆入菩薩正定。所有靜慮。舍利子。菩薩摩訶薩。若能如是觀察。具足。是名為慧。

50 卷 272 能了達法平等性。是則不執法。與非法。一切諸法。性無執故。若計於中。而有義者。是則獲得廣大無義。若有善能。不計於義。是則義與非義。不現前故。不見義者。於一切處。覺慧無礙。是菩薩摩訶薩。若能如是。了覺無礙。則為獲得無障礙覺。273 依靜慮波羅蜜多故。雖行大慈。而恒觀無我。雖行大悲。而知無眾生。雖行大喜。而知無命者。雖行大捨。而知無數取。雖廣行大施。而心恒調順。雖緣境淨戒。而心常寂靜。雖隨辱行。忍而心無窮際。雖勤加精進。而心能簡集。雖入諸靜慮。而正心觀察。雖遍行智慧。而心無所行。274 慧者。以聞為相。菩薩之人。如理證入。是故說為無盡慧相。275 菩薩於法起正行者。所謂如說修行。建立而住。是名於法而起正行。若復有能。一切不取。是名於法而起正行。何以故。舍利子。若取於法。即名邪行。無處無位。執取法人。由如是法。能得出離。必無是處。何以故。無取行人。於法無行。尚應生疑。無作用故。況取法行。而非邪行。是故應當。不取諸法。而行正行。又舍利子。若於諸法。無有障礙。是名正行。若於諸法。不輕蔑者。是名正行。若於

諸法不取不捨不生不滅是名正行。乃至若於諸法無合無散是名正行。

276 一切諸法性本無相。若有菩薩說於無相。是則無相。還應可說。何以故。無相有相。皆無相故。不可說言此為有相。此為無相。舍利子。若有菩薩摩訶薩。能悟如是一切法相。即是無相。不可得見。不可執取。如法了知。是名正行。於法修學。應作是念。二因二緣。能發正見。何等為二。所謂從他聞音。及以內自如理作意。若有樂定修相應行。諸菩薩等。未曾聽聞。大菩薩藏微妙法門。又不聽聞聖法律教。但於二摩地中生知足想。當知是人以慢力。故起增上慢。我說是人不能解脫。生老病死。愁歎憂苦。諸熱惱等。

多聞解了法。多聞不造惡。多聞捨無義。多聞得涅槃。善聽增長聞。聞能增長慧。慧能修淨義。得義能招樂。聰慧得義已。證現法涅槃。聞法淨點慧。證得第一樂。277 若有菩薩觀一切行。見無生時。即是趣入正性決定。夫正見者。謂能趣入正性決定。51 卷 279 我說此識喻如幻事。幻事性即識自性。菩薩摩訶薩。於如是法善巧知之。是則名為蘊法善巧。法界者。即身識界。何以故。以彼法界非覺觸相故。又法界者。即意識界。何以故。以彼法界非分別相故。菩薩摩訶薩。若於是中如實了知。是則名為界法善巧。280 菩薩摩訶薩。雖於諸處不積集不善。而積集於善。然於善不善中不起二相。如是了知。是名菩薩摩訶薩。處法善巧。言聖處者。堪

受道法。非聖處者。遠離道法。菩薩摩訶薩。安住於道。於離道住。諸眾生所。獲得大悲。不捨道處。若有菩薩如是了知。善通達者。是名菩薩摩訶薩。處法善巧。一切生者。即是無生。生滅無常。皆妄所起。了知此故。都無所滅。此無滅智。名盡滅智。舍利子。若如是道。無所稱量。無所追尋。無所觀察。名廣大智。如是之智。名為道智。

52 卷 283 如來所演八萬四千法藏。聲教皆名為文。諸離一切言音文字。理不可說。是名為義。善巧了知。諸有言教。數取趣義。是名為識。此不應依。諸有言教。如法性義。即是於智。此應依趣。所言智者。於五取蘊。識不安住。諸蘊遍智。是名為智。此應依趣。所言識者。謂能了知。地界水界火界風界。如是了知。則名為識。不應依趣。若有說言四種識住。識不安住。此則名為識之法性。若於法性不雜亂智。是名為智。則可依趣。識者從所緣境而生。於識從諸作意而生。於識從遍分別而生。於識如是等相名之為識。所言智者。無取無執。無緣無了別。無所分別是名為智。一切有為行法。識所依趣。是名為識。所言智者。於無為法。無識能行。此無為智。是名為智。又復識者。有生有滅。有住之識。故名為識。不應依趣。無生無滅。亦無所住。是名為智。此應依趣。若諸經中宣說於道。如是言教。名不了義。若諸經中宣說於果。如是言教。名為了義。若諸經中說世俗諦。名不了義。284 若有依止數取之見。諸所緣法。如是之相。名數取者。此數取見。所緣法住性之法性。如是相者。是名為

法。言數取者。所謂凡夫數取。阿羅漢數取。獨覺數取。菩薩數取。舍利子。復有一數取者。出現於世。利益安樂。無量眾生。悲愍世間。為諸天人。義利安樂。如是數取。所謂如來應正等覺。舍利子。如是一切數取名言。如來依世俗諦。為眾生說。若有眾生。於此言教。起於執著。如是等類。不應依趣。何以故。如來欲令於彼正依趣。故佛薄伽梵說。如是法。汝等依趣。諸法實性。無宜依趣。彼數取者。何等是為諸法實性。所謂無有變異。無有增益。無作無不作。不住無根本。如是之相。是名法性。又法性者。無有分別。無有所緣。於一切法。證得決定。究竟體相。如是名為諸法實性。

286 當知布施由智資糧。而成就故。如是持戒。忍辱。精進。靜慮。正慧。亦是智德資糧。成就。乃至慈悲喜捨。一切善法。亦因智德資糧。成就。菩薩摩訶薩。所有發起堅固正行。皆依正智。彼一切行。智為前導。由是菩薩具大智故。為諸無智之所歸趣。一切惡魔。不得其便。諸佛如來。所共加護。將得趣入一切智智。如是身者。顛倒業起。因緣所生。本無主宰。無所攝受。但為蘊界處等之所攝持。而其本性。空無有我。無有我。無常。無恒。無有堅住。287 菩薩摩訶薩。於此身法。住隨身觀。觀察是身。無實無堅。又於內身。住隨身觀。隨內而行。於諸煩惱。無復容受。又於外身。住隨身觀。隨外而行。於諸煩惱。不與共住。成就如是身念。住已。其身清淨。無有染污。具足一切清淨身業。是名菩薩摩訶薩。修行般若波羅蜜。

多故於此身法隨身觀察修習念住

288 以是力持心相續乃至成滿一切佛法一剎那心相應妙慧覺悟阿耨多羅三藐三菩提：觀諸眾生所有煩惱皆從虛假妄想而生。知諸煩惱體性自離何以故。是諸煩惱等趣了義。無少煩惱可積可集。如是隨覺即是菩提。煩惱之性即菩提性。菩薩如是雖安住念而無所住。非憶非忘而能了知念所安住。何以故。所安住念即名法界。若住法界即住有情界。若住有情界即住虛空界。由如是故說此諸法與虛空等

53 卷289云何名為已生善法令住不忘。修習圓滿便生欲樂。乃至攝持於心平等安住：如是義者當知即是迴向菩提。何以故。由迴向菩提所有善根無復失壞故。所以者何。以彼菩薩不依三界而發心故。舍利子。若諸菩薩不依三界修習善根。又復迴向一切智者。當知所有一切善法則為究竟無能有盡。290 既信受已離疑離惑。修集一切所有佛法。舍利子。如是等相是名菩薩摩訶薩信根：所謂信所信法。由精進根而得生起。即以此法名精進根：謂諸法由於精進之所積集。以念根力而不失壞。即以此法而為念根：所謂諸法由念根力所不失壞。即彼諸法以定根故攝住一緣。故名定根：謂諸法由定根故攝住一緣。即彼諸法以慧根力觀達明了。故名慧根。舍利子。菩薩摩訶薩若具如是五增上根。無間相續修行正行。能速圓滿一切佛法。亦速趣入授記別地：若諸菩薩未

具成就如是五根無間相續終不為彼而授記也。舍利子。如是等相是名菩薩五分道法：菩薩摩訶薩安住如是四種靜慮。一切靜慮所對治法不能制伏。又是菩薩雖於三摩地安住不捨。而不隨彼定力受生

292 謂諸菩薩其心寂靜。深極寂靜。最勝寂靜。無有散亂：安靜密護離諸諂曲。調順堪能樂常獨處：離諸惡欲無所希望。遠諸大欲。歡悅知足。正命清淨正行圓滿：常樂思擇無高無下。弊鄙麤言。性能堪忍。於相應門發心安住。樂處閑室於靜慮分作意緣念。生起大慈引發大悲。安住大喜修習大捨。從初靜慮乃至八定次第證入。若諸菩薩成就此者。如是名為奢摩他道：謂諸菩薩於妙慧分修習聖道於諸法中發起如是無作觀智。又復發起無我無有情無命者無數取觀智。於諸蘊中起法觀智。於諸界中起法界觀智。於諸處中起空聚落觀智。於諸眼中起照了觀智：毘鉢舍那者。所謂於諸法中起不變異見。於諸法中起真實見。於諸法中起不變異見。於諸法中而起空見。於諸法中起無相見：非以有因故觀。非以無因故觀。非以生滅住因故觀。非以有所得因故觀。何以故。菩薩於此都無所觀而復觀察。不見而見。見而不見。雖復發起如是觀解。而不墮彼無所為作。亦不遠離善根加行。若諸菩薩成就是者。是名菩薩摩訶薩毘鉢舍那：若諸菩薩摩訶薩。於如是法不假伴助自能建立。謂我獨一無有等者。當坐堅固勝金剛座。自以勢力摧

伏魔軍。用一剎那相應妙慧。當證無上正等菩提。舍利子。若諸菩薩起如是等欲解方便。決定觀察。是名菩薩摩訶薩趣一道善巧

293 乃至一切眾生所有欲解。當知菩薩摩訶薩亦有爾所慧觀察智。如是乃至一切眾生所有諸煩惱門。當知菩薩摩訶薩亦有爾所廣大慧門。如是乃至一切聲聞獨覺及正等覺。所有遍智。當知菩薩摩訶薩亦有爾所慧所行處：如是等一切慧處。諸菩薩摩訶薩皆於其中精勤修學。是則名為菩薩妙慧

54 卷295言布施者。所謂陀那波羅蜜多。言愛語者。所謂尸羅波羅蜜多。及以羸底波羅蜜多。言利行者。所謂毘利耶波羅蜜多。言同事者。所謂靜慮波羅蜜多。及般若波羅蜜多：言布施者。謂初發心一切菩薩。言愛語者。謂已發行一切菩薩。言利行者。謂不退轉一切菩薩。言同事者。所謂繫屬一生諸大菩薩

298 我憶往昔未得值遇放光佛前。無有一切白淨行法不修行者。雖作如是無量勤苦。然不蒙佛為我授記：由修諸行皆有相故。從是已後。我方於是大菩薩藏微妙法門。隨所聞已安住正行。如是行者。謂無相行。無功用行。無所得行。行如是等無相行。已放光如來。乃為授記：最初得見放光佛時。便得超過一切有相有用行。又初見佛便能隨覺一切法性。又得通達一切諸法自性無生。從是已後放光如來。乃為授記

55 卷303或於先世造諸惡業。於諸資具慳貪。悋惜不肯惠施。或復不受父母師長教誨。由

①三界無常。而菩提者無上智慧。道之極者。稱曰菩提。是正覺無相之真智。果德圓通。乃是無上佛道之名。故迴向菩提善根無復失壞

是業故而得種種不如意身。若以長大肥白柔軟之身為端正者，而便受得短小瘦黑堅韌之身。³⁰⁴此子或於前世曾經積集墮落之業，令其此身手脚縱橫不能轉側。惡業緣故於母腹中而便捨命。母於此時受大苦惱，或復命終。若於前世修諸善業作長壽因，臨欲生時母子安隱：初出胎時經於七日，八萬戶蟲從身而生，縱橫食噉。有二戶蟲名為舐髮，依髮食髮。有二戶蟲依眼食眼：此身有二種苦。云何為二？一者眾病集身名為內苦，二者人與非人之所逼惱名為外苦。

³⁰⁵如是四百四病逼切其身名為內苦。復有外苦加害此身，所謂或在牢獄搗打楚撻，杻械枷鎖繫縛諸苦，或刺耳鼻及別手足斫截其頭，不為諸天之所守護，即令非人諸惡鬼神夜叉羅刹而得其便，復為蚊虻蜂等毒蟲之所咬食，寒熱飢渴風雨並至，種種苦惱逼切其身。人中尚爾，況惡道苦難可具說。是故當知，皆由過去諸不善業受如是報：為自利或為利他，若自他俱利，應當厭患如是諸苦。出家修學則於涅槃解脫之法，為不唐捐。若復有人或以衣服臥具醫藥資生之具，供養彼者獲大果報，威德名聞。

⁵⁶卷³⁰⁶諸苾芻於小食時，執持衣鉢入劫比羅城為行乞食。于時難陀見寺無人，便作是念：我掃地了即可還家。世尊即令閉一房竟更閉餘戶，彼戶便開，遂生憂惱。佛作是念：此於其婦深生戀著，宜令捨離。汝今可去觀諸地獄，難陀即去。先見灰河，次至劍樹

糞屎火河入彼觀察，遂見眾生受種種苦。或見以鉗拔舌，振齒抉目，或時以鋸劇解其身。或³⁰⁷復於一鐵鑊空煮，炎熱中無有情，觀此憂惶問獄卒曰：何因緣故，自餘鐵鑊皆煮有情，唯此鑊中空然沸涌，彼便報曰：佛弟難陀，唯願生天專修梵行，得生天上暫受快樂，彼命終後入此鑊中，是故我今然鑊相待。便急走詣世尊處，佛言：汝見地獄不難陀悲泣雨淚，哽咽而言，出微細聲白言：已見。佛告難陀，或願人間或求天上勤修梵行，有如是過，是故汝今當求涅槃以修梵行，勿樂生天而致勤苦。中蘊形有其二種，一者形色端正，二者容貌醜陋。地獄中有容貌醜陋如燒杻木，傍生中有其色如烟，餓鬼中有其色如水。人天中有形如金色，色界中有形色鮮白，無色界天元無中有，以無色故。中蘊有情或有二手足，或四足多足，或復無足。隨其先業應託生處，所感中有即如彼形。若天中有頭便向上，人傍生鬼橫行而去，地獄中有頭直向下。凡諸中有皆具神通乘空而去。

³¹⁰胎子於前身中造眾惡業并墮人胎，由此因緣將欲出時，手脚橫亂不能轉側，便於母腹以取命終。時有智慧女人或善醫者，以煖蘇油或榆皮汁及餘滑物塗其手上，即以中指夾薄刀子，利若鋒芒，內如糞廁黑闇臭穢可惡坑中有無量千蟲恒所居止，臭汁常流精血腐爛深可厭患，薄皮覆蓋惡業身瘡，於斯穢處推手令人以利刀子，割兒身片片抽出，其母由斯受不稱意極痛辛苦，因此命

終設復得存與死無異。產時母受大苦性，命幾死方得出胎，難陀汝可審觀當求出離。⁵⁷卷³¹¹難陀於大有海生死之中，有如是苦云：何於此而生愛樂，復為諸神病之所執持，所謂天神龍神八部所持及諸鬼神，乃至羯吒布單那及餘禽獸諸魅所持，或為日月星辰所厄，此等鬼神作諸病患，逼惱身心難可具說。或是七生預流，或是家家，或是一來，或是一間，此人由先修善行故，臨命過時雖苦來逼，受諸痛惱心不散亂，正念而終，復還正念入母胎內，了知諸法由業而生，皆從因緣而得生起，常與諸魔作居止處。

³¹²如有一類凡夫有情，樂毀淨戒不修善品，常為惡事作諸惡行。臨終悔恨諸不善業皆悉現前，當死之時，猛利楚毒痛惱逼切其心散亂，由諸苦惱不自憶識，我是何人，從何而來，今何處去。人身難得，若生天上常畏墜墮，有愛別離苦。地獄趣者常受苦切極不如意，猛利楚毒難可譬喻，餓鬼趣者性多瞋恚無柔軟心，諂誑殺害以血塗手無有慈悲，形容醜陋見者恐怖，設近於人受飢渴苦，恒被障礙，傍生趣者無量無邊，作無義行無福行，無法行無善行。互相食噉強者凌弱，有諸傍生若生若長若死，皆在暗中不淨糞尿垢穢之處。復有無量無邊生長常暗，由彼先世是愚癡人，不聽經法恣身語意，貪著五欲造眾惡事，生此類中受愚迷苦。皆由先世惡業所招，³¹³世間之人無知無信，常與諸根而為奴僕，唯見掌中不觀大利，易事不

①正法念處經65卷374頁：見刀口虫始於母胎初出生時，此虫初生以法勝故，始出胎藏飲母乳故，是時此虫盡食餘虫，後還雜食，以是因緣餘虫還生，寶積經633頁：相食噉者，謂三界中陰衰之患。（相食者，成身中陰界入之生因）580頁：身之諸大，諸入諸陰彼皆是識。581頁：男女愛欲歡會…識身和合。續

修難者恒作：汝今應以肉眼所見而觀察之。知所見者皆是虛妄，即名解脫。

58卷³¹⁷忿恨瞋惱我所生，若不能知功德過失，及我我所，名為無智。若如實知彼我我所，此即非智非非智：一切諸行來無所從，去無所至。若無來去則無生滅。若無生滅，彼智無智亦復皆無。何以故？無有少法而能了知生與非生。若離能知是為知也。時阿闍世王白佛言：世尊，希有如來應正等覺，如是善說。我今寧可聞法中天，不願徒生壽命相續。

319最初發菩提心，從此即為具菩薩戒。入菩薩藏得陀羅尼，心無散亂，不離於捨證入空性。正修無相無所願求，性離貪染，於蘊界處而能證入。所作隨覺樂求佛慧，於無生性真實了知，證於諸法而無分別。具足正見，斷於妄念，是故名為佛種性印。東北方有世界名妙莊嚴，現現佛號大自在王，其土眾生皆悉具足一向安樂。譬如比丘入於滅定，彼之安樂亦復如是。若有眾生於彼佛土，億百千歲修諸梵行，不如於此娑婆世界，一彈指頃於諸眾生起慈悲心，所獲功德尚多於彼。何況能於一日一夜住清淨心。

59卷³²⁰菩薩成就一法，令願不退嚴淨佛剎。何謂一法，是菩薩應當樂學不動如來為菩薩時：若佛出世若不出世，一切生處皆悉決定捨家出家。何以故？而諸菩薩最勝利益，所謂出家。舍利弗，樂出家者則能攝取十種功德。何等為十？一者不著諸欲，二者樂阿蘭若，三者行佛所行，四者離凡夫行，五者不著

妻子及以財產。六者離惡道因，七者修善趣法。八者宿世善根皆不損滅。九者恒為諸天之所歎羨。十者一切鬼神恭敬守護。

322若有在家菩薩以一切樂具於恒沙劫供養一切恒沙諸佛及比丘眾，若有出家菩薩行於七步向阿蘭若寂靜之處，而此福德甚多於彼，以能速得大菩提故。

323於意云何？受想行識求菩提，乃至識法性不得菩提：於意云何？離於五蘊有我我所耶？答言不也。文殊師利言：如是如是。善男子，更以何法而求菩提，及得菩提：虛空可得菩提耶？答言不也。又言善男子，如來豈不證一切法同虛空耶？答言如是如是。

324若有於無生法中說如是言，我發菩提心，我行菩提行為大邪見：我都不見有心發向菩提，以不見心及菩提故，是故無發。師子勇猛言，文殊師利，都不見心是何句義：是都不見說名平等。又問云何說為平等：如是平等，以種種性皆無所有。彼彼諸法一味故說，一味說者，所謂離故無染無淨，不斷不常不生不滅，無我無受不取不捨。如是說法不念我說，亦無分別。善男子，於此平等法中，了知修行是名平等。

325彼於往昔過七十萬阿僧祇恒河沙劫，初發菩提之心，次過六十四恒河沙劫得無生法忍，能具足菩薩十地如來十力。佛地諸法悉皆圓滿，而未曾起一念之心。我當得佛。60卷³²⁵云何圓滿？若於諸法不能了知，則生

分別。若能了知則無分別。若無分別則無增減。若無增減此則平等。是故善男子，若見色平等即是色圓滿。受想行識及一切法圓滿，亦復如是。仁者得法忍來，無一念心願成正覺。而今何故乃勸餘人令向菩提：我實不曾勸一眾生令趣菩提，何以故？眾生無所有故。眾生性自離故。若眾生可得則令向菩提，既不可得故無所勸。何以故？平等無分別故。非以平等而求平等，亦無所起。是故常說應觀諸行來無所從去無所至，是名平等。則是性空。於性空中而無所求：於諸法中無繫著者名平等證。言證入者，彼微細智亦不生滅與真如無異，無可分別是名證入。若正見修行者於平等中無一法可得，離種種性亦不著一，是名證入。若以身證諸法無相，明了彼相所謂無相，而於身心亦不執著，是則名為圓滿證入：以無得為得，亦非得非不得。說名為得：仁者豈不求菩提耶？文殊師利言不也。何以故？若有所求則有染著。若有所染則有貪愛。若有所愛彼則有生。彼若有生是則有愛。若有所愛終不於中而有出離。善男子，我為是故不求菩提。

326我從往昔百千億那由他阿僧祇劫已來，起如是願，我以無礙天眼所見，十方無量無邊諸佛剎中一切如來，若非是我勸發決定菩提之心，教授教誡令修布施持戒忍辱精進禪定智慧，乃至令得阿耨多羅三藐三菩提，我於菩提終不應證。而我要當滿此所願。然後乃證無上菩提。時彼眾中諸菩薩等咸

作是念。文殊師利無礙天眼見幾如來：譬如以此三千大千世界碎為微塵，於意云何？此諸微塵可以算計知其數不？答言：不也。世尊。佛言：善男子。文殊師利無礙天眼見於東方無量諸佛，復過是數。南西北方四維上下亦復如是。時文殊師利白佛言：世尊。我有是願。以恒河沙等諸佛世界為一佛剎。我坐菩提樹已，證得阿耨多羅三藐三菩提。乃至涅槃。於其中間不起此座。但以變化遍於十方無量無數諸佛剎土。為諸眾生而演說法。：文殊師利成佛之時，名為普見。以何義故而名普見？以彼如來於十方無量百千億那由他諸佛剎中，普皆令見。若諸眾生見彼佛者，必定當得阿耨多羅三藐三菩提。普見如來雖未成佛，若我現在及滅度後，有聞其名，亦皆必定當得阿耨多羅三藐三菩提。唯除已入離生之位及狹劣心者。：彼剎名隨願積集清淨圓滿。：在於南方。此娑婆世界亦當在彼佛剎之中。：若諸菩薩於法有疑，但見彼佛不待解釋，疑網皆斷解了法義。：若有得聞此文殊師利授記法門，及聞文殊師利名者，是則名為面見諸佛。：若有受持百千億諸佛名號，若復有稱文殊師利菩薩名者，福多於彼。何況稱於普見佛名，何以故？彼百千億那由他佛利益眾生，不及文殊師利於一劫中所作饒益。 327 若我自說佛剎功德種種莊嚴，過恒沙劫亦不能盡。如我所願，唯佛能知。：譬如有人析一毛為百分，以一分毛於大海中取一滴水，此一滴水喻阿彌

陀佛剎莊嚴。彼大海水喻普見如來佛剎莊嚴。復過於此。何以故？普見如來佛剎莊嚴不思議。故：東方去此過百億恒河沙世界，有佛剎名住最上願。彼中有佛名普光常多功德。海王。彼佛壽命無量無邊，常為菩薩而演說法。善男子。彼佛剎土功德莊嚴，與普見佛剎等無有異。善男子。有四菩薩被不思議弘誓之鎧，而於此願決定成滿。：我等當學此菩薩行。如文殊師利之所修行。我等亦當成就如此莊嚴佛剎。：眾中八萬四千菩薩見彼佛剎莊嚴之事，雖皆發心當欲成就如是佛剎。然於其中有十六善大丈夫，具勝志樂而發大心。彼能成滿如文殊師利所起大願。餘諸菩薩亦速當得阿耨多羅三藐三菩提。所得佛剎功德莊嚴如阿彌陀佛剎。其餘劣者雖以信心亦作是語。以此語業猶能棄捨六十億百千那由他劫生死流轉，亦得圓滿五波羅蜜。：諸法皆悉如幻。：諸法生滅亦復如是。而此生滅即無生滅。以無生滅是則平等。菩薩修此平等，便能證得無上菩提。 328 汝頗見聞阿彌陀如來，聲聞菩薩諸眾會耶？唯然聞見。佛言。其數幾何？答言。非算數思議之所能及。佛言。善男子。如摩竭國量一斛油麻，舉取一粒，喻阿彌陀佛國聲聞菩薩。餘不舉者，喻文殊師利得菩提時，菩薩眾會復過是數。善男子。如以三千大千世界微塵數劫，比普見如來壽量劫數，百分千分百千億分。乃至算數譬喻所不能及。應知彼普見如來壽命無有算數，亦無限量。如有一人以三

千大千世界碎為微塵，第二、第三人亦碎大千世界以為微塵，復有一人取彼微塵從此東行，過爾所微塵數世界，乃下一塵。又過爾所微塵數世界，復下一塵。如是次第盡諸微塵，復有第二人亦持爾所微塵，從此南行如前下塵。次第展轉，乃至塵盡。西方北方四維上下，各有一人所下塵數亦復如是。：是諸世界可知數不？答言不也。佛言。善男子。如是諸人於彼十方所經世界，若著微塵及不著者，盡末為塵。於意云何？是諸微塵可以算計知其數不？答言不也。：若有計量心則迷亂不能了知。：如來悉能了知彼微塵數。設過於此如來亦知。：菩薩等為求如是，大智慧故，於大地獄無量億劫受諸極苦，終不應捨。如是大智。佛言。彌勒。如是如是。如汝所說，何有於此大智慧中不生欲樂，唯除下劣及懈怠者。：彼十人經十方界盡為微塵。文殊師利當於爾所微塵數劫行菩薩道。：文殊師利大願不可思議，趣向亦不可思議。得菩提已，壽量亦不可思議。菩薩眾會亦不可思議。 329 於意云何？虛空界有如是念，度於晝夜時節，歲月劫數等耶？答言不也。文殊師利言。如是善男子。若有覺一切法等於虛空，彼微細智無有分別，亦無是念。度於晝夜時節歲月諸劫數等，何以故？彼於諸法無想念故。善男子。如虛空界無有疲倦及熱惱想。：若菩薩了。一切法無所有已，亦無熱惱及疲倦等。 63 卷 340 過去世無量無邊流轉生死，阿僧祇不可思議無始世界，不可說劫中有佛號曰

因陀幢王出現於世：彼佛如來以一一發心如恒沙等世界中，曾為眾生作利益安樂思量發心，比丘彼因陀幢如來作佛時，恒河沙世界同一佛刹：因陀幢如來教是眾生令其發心止一切惡，以其善法授令修學，是因陀幢如來國土中，曾得五種樂，所謂一得欲樂，二得出家樂，三得禪樂，四得三摩跋提樂，五得無上菩提樂。341彼佛唯說第一義故，彼佛住世經恒沙劫：能以下善根，少善根，不善習善根，不善相應善根，非大精進善根，非善趣善根，非善發善根，非善迴向善根，可能利益如是等眾生，能與樂除苦耶，可能淨如是廣大國土，成熟如是多眾生耶。

342昔時因陀幢如來者，今即世尊是也，何以故，由是世尊具足不可思議諸善方便，能成熟眾生淨佛國土，恒不疲倦亦無厭足，故世尊安置眾生住菩薩乘亦無厭足，若有實語人作正語者，勝中之勝，勝中之妙，勝中上首，最勝中最勝，言佛如是者，當知釋迦牟尼佛真實無異時，文殊師利而說偈言：

雄猛巧方便 憐愍諸世間 現大威神力
成熟眾生故 已於過去世 曾作八億佛
猶自有神力 無心取正覺 六十一三千
清淨佛國土 淺識不知佛 牟尼巧方便
不捨初發心 彼彼處處現 更於未來世
示現無量佛 65卷 352

非是真實非虛妄 如是當知佛境界
為欲調伏世間故 斷除汝疑我無疑
第一義中無人能 除斷一切他疑網

67卷 360彼諸梵天於一切法心無所著，亦無所住，於非用中不作非用想，於非用中亦不作非不用想，於語言中無語言想，於非語言亦無非語言想。361如是彼天一切皆悉離諸分別，定心清淨。

362爾時無有雜毒心 所謂離欲及瞋恚
亦無愚癡出惡聲 麤言逼惱來經耳
一切厭背於生死 趣向涅槃大正路
彼土一切悉當空 佛及眾生皆滅度

斯是彼佛大神力 發弘志願不思議
曾於過去那由劫 為求菩提修道行
彼國所有諸眾生 一切悉皆當作佛
此諸梵天發廣願 皆由觀察寂滅句
悉得證知甚深義 解了如來吉祥路

68卷 364有三昧名超過一切法，菩薩摩訶薩得是三昧已，於諸攀緣及一切事，皆生樂受不生苦受，假使於其地獄事中，受諸苦惱皆生樂想：截手及以截足，割耳割鼻，或復鞭打杖刺入身，或復牢獄繫閉，或復倒懸，或復裁割猶如衣帛：一切悉生樂想，何以故，由彼菩薩於其長夜修菩薩行時，發如是願，若有眾生施我食者，願彼一切得涅槃樂，若有與我洗浴身體，禮拜奉迎，尊重供養，若有眾生罵辱於我，復有人讚歎於我，若有眾生鞭打斫刺奪我身命，願彼一切得涅槃樂，乃至覺悟無上菩提，彼菩薩成就如是心，具足如是業，亦復具足如是願，於一切眾生皆起樂想，常能修集無間不斷，以是業報故，得一切法樂善取三昧：是菩薩得五種自在，何等

為五，一者壽命自在，二者生自在，三者業自在，四者覺觀自在，五者眾具果報自在。彼菩薩摩訶薩，若欲過一生證阿耨多羅三藐三菩提者，以彼三昧力故，即便能得365厭離諸趣，為眾生故亦復生於一切趣中，究竟一切菩薩所學，為般若波羅蜜之所攝受，具足一切巧方便力，知諸魔業得法究竟。

71卷 381爾時觀眾生行天子，說偈讚曰：
觀於眾生行 宣說於業報
如器恒河水 投鹽於一兩

72卷 388如我所說三法和合而得受胎：言母者是其過去作業之緣，我言父者，是其過去作業之因，我言乾闥婆者，謂是業招識，外道我言迦羅羅²者，謂是業安置，外道我言母腹者，業安識依處，所識住腹已生得增長，漸漸廣闊：識入母腹已，增長廣闊亦復如是，彼母腹中嬰孩成長方得產生，生已漸增，既得長大行宿時性¹，宿世業，隨終來處彼過所行，此現習²，因宿習種子起，彼是智知非愚能了，共住交友常恒觀察，方知其性，外道諦聽，彼人若從地獄終來生人中者，當有是相智者應知其聲嘶破驟聲，忽急聲，怖畏聲，高聲，淺聲，小心常怖，數數戰悚，其毛數豎，夢中多見大火熾然：或見己身馳走四方而無歸處，其心少信，無有親友：畜生終來生人中者，當有是相智者應知，闇鈍少智，懈怠多食，樂食泥土，其性怯弱，言語不辯，樂與癡

①一念百劫殃，業力影響所及，難以世間智慧明了。若未能廣知業果，或心性不能柔軟，極難深信。觀眾生所行，業報延伸所至之境，譬如以量器於恒河水，如投一兩鹽於恒河，業報之廣難了，而所能說之業報極少，與造業後之所有果報不可為比。②中有之稱，死於此而生於彼之中間身，彼亦以香為食。20唯識述記上曰：梵云健達縛，此云尋香，謂中有能尋當生處香即往生，亦名健達縛，俱舍論光記八曰：健達名香，縛名食，即中有名。

人而為知友，熹黑闇處愛樂濁水，喜嚙草木，喜以脚指剝掘於地，喜樂動頭驅遣蠅虻，常喜昂頭欠吐空噍，常喜拳脚隨宜臥地不避穢污，常喜空嗅喜樂裸形，常喜虛詐異言異作，多喜綺語夢泥塗身；彼人若從餓鬼終來生人中者，當有是相智者應知其頭髮黃怒目直視，常喜飢渴慳貪嫉妬，喜饒飲食喜背說人，身體饒毛眼精光赤，多思眾食貪樂積集不欲割捨，不樂見善人所見財物，其心欲盜，乃至得其少許財物即便欣喜，常求財利樂不淨食，見他資產便生妬嫉，復於他財生己有想，見他受用便生悵惜，聞說好食心生不樂，乃至巷路見遺落果及以五穀，便生貪心採取收斂；從阿修羅終生人中者，當有是相智者應知其心我慢常喜忿怒好樂鬪諍，挾怨不忘起增上慢，其身洪壯，眼白如犬齒長多露，勇健大力常樂戰陣，亦喜兩舌破壞他人，疎齒高心輕蔑他人，所造書論他人雖知語巧微密，亦有智力及煩惱力，樂自養身；從人終還生人中者，當有是相智者應知其心賢直親近善人毀些惡人，好惜門望篤厚守信，樂好名聞及以稱譽，愛樂工巧，敬重智慧具慚羞恥，心性柔軟識知恩養，於善友所心順無違，好喜捨施知人高下。

389 地獄終生人間者，地獄以前作人身時，造諸過惡起瞋恚，故便作殺害，以其彼業牽墮地獄；應求善知識，遇知識已，彼善知識為除瞋業故說慈悲，亦說慈悲相應助道，以此等行，能除彼人餘殘習氣，地獄因緣，彼善知

識或為是人說慈悲相應尸波羅蜜，斷除彼人瞋恚過惡，是人修慈悲時，六波羅蜜當得滿足增長福德；從天中終生人間者，天身已前作人身時，所修梵行布施持戒，皆希來報，是人如是修行積習作業久訖，以是業力生於天上。390 為超天中習氣應求知識，彼善知識教其彼人修持梵行不期來報，說於求報是其過惡，但為顯說修淨梵行無所依著，得福無量；若法三世不可得者，當知未曾有得有失，外道當知此是一切法平等，以此一切法平等，當知一切法是真如不變不異，如來亦真如不變不異，以一切法即是真如，是故觀慢得知，是人從人中終得生人間，以有憍慢習氣力故，乃至從彼地獄中終得生人間，以慢習故得知此相，若無慢習不可得說此從人來，乃至此從地獄中來，外道此名離慢智慧，彼相要以具巧方便乃能得知，又為般若波羅蜜加持，此人方乃得知。

73 卷391 我所言六界即是丈夫者：何者是六界，所謂地界、水界、火界、風界、空界、識界；此名六界，所言六界是丈夫者，所謂此也，我言六觸入，名為丈夫，何故如是說，大王，所言觸入，何者謂眼觸入，見諸色故，如是耳鼻舌身亦如是，意觸入為知法故，我言六觸入是丈夫者，謂此也。

393 何者是身內風界，自己身內及他身內所有風界，所受所取風，風體、風名、速疾、不速疾，體、速疾名，所謂住身四支者是風，住胃者是風，行五體者是風；略而言之，遍身行悉皆

是風；又時身內風界增盛集合，彼增盛集合時能枯燥水界，亦能損滅火界，于時枯燥水界損滅火界已，令人身無潤澤，亦無溫暖，心腹鼓脹，四支掘強，諸脈洪滿，筋節拘急，彼人爾時受大苦惱，或復命終；若自身內若他身內，所受所取，所謂虛空、虛空體、虛空名，此身內所生入於陰數，亦入入數，亦入界數，所有空孔竅；此名身內虛空界；外所有非色者，乃至無有如毛等虛空處，名為虛空；此名外虛空界；又時由業因緣，故生諸入，彼入等生已圍繞空界，是時得名入內虛空界數。

394 此識界不依諸根，亦不依界；臨死之時，最後識滅，見先所作心想中現；是人自分業盡異業現前，大王，如似夢覺念夢中事；最後識為主，彼業因緣故，以此二緣，生分之中識心初起，或生地獄，或生畜生，或生閻魔羅界，或生阿修羅，或生天人，中前識既滅，生分識生，生分相續，心種類不絕，大王，無有一法從於此世至於他世，而有生滅，見所作業及受果報，皆不失壞。

76 卷407 頂生於四天下，豪富自在，復於忉利天上，豪富自在，帝釋分治，猶不厭足，復作是念，我今寧可獨為天主，何用帝釋宜應退之，大王，爾時頂生作是念已，從天退下，還閻浮提，於阿踰闍城最上園中；從天墮時，一切大地六種震動，當爾之時，一切人中所有莊嚴，最勝妙香，用塗其身，悉至園中，頂生王所，爾時頂生耽著天中上

①正法念處經13卷73頁：八十種虫在其身體，一切身脈筋皮脂肉皆悉遍有八十種風，吹殺彼虫，謂八十種虫八十風所殺。67卷384頁：臨終時一切諸蟲先被惱亂，蟲既死已人乃命終，一切有為決定失壞，如是死法必當有此堅牢大惡。64卷369頁：若蟲得味我亦如是得此食味，若蟲憶食我亦憶食，若不食，如是醉蟲則亦病苦不得安隱，觀醉蟲已如實知身。②正法念處經65卷374頁：刀口蟲始於母胎初出生時，此蟲初生以法勝故，始出胎藏飲母

妙資產不能堪忍人中資具所有香氣沈悞在地喻如生蘇醍醐投極熱沙中不得停住爾時頂生沈悞不住亦復如是爾時城中王及臣民內外人眾

408便問言天為是誰爾時頂生即告彼王及諸人民言汝昔曾聞有頂生大王不咸皆答言我昔曾從耆舊人所聞有大王名曰頂生不捨人身將諸眷屬并及四兵而昇天上爾時頂生告諸人言昔頂生者我身是也諸人皆合掌頂禮大王足有何希有事

未來當傳說從天而退者受苦王說言汝聽希有事欣樂莫放逸頂生大王者統領四天下受樂過天人欲無厭致死於其後宮內七日雨珍寶如法治天下欲無厭而死與彼天帝釋分半座而坐惡覺所惱亂多欲故退墮於其生死海無智故沈沒樂著五欲者天欲無厭死

如渴夢飲水不能除其渴受五欲亦爾終無有厭足智慧諸眾生斷除愚癡聞我昔曾為頂生王時統領人天豪貴自在貪欲無厭而取終沒

77卷412菩薩有四法則能修集多聞猶如大海不可竭盡常能修集多聞寶藏能於諸法得決定義於諸語言善了章句何等四菩薩求法所謂十二部經求已誦讀誦讀已正憶念正憶念已如所說行菩薩於一切法中無所依止雖入禪定而無所依無所依故於諸法中得不住智得不住智已於諸法中得無礙知見於一切法心無所著是人於

一切法無所著故於諸問難隨所問答而無有礙成就無所得慈於行無礙無所得慈者不受諸事住此相者或生貪欲或生瞋恚或生愚癡住彼相者亦或生貪欲或生瞋恚所有受相皆名邪見菩薩悉滅一切諸相修集慈心爾時壞一切法修集於慈如是慈者名為無所得慈如是無所得慈名為法慈如是法慈名為佛慈富樓那何名佛慈無作無壞是名佛慈若言有法即是非法若有無法無有非法則於其中無有戲論若無戲論是名涅槃如諸凡夫所著之法如來不得不修不證不通達如是法者為之作數富樓那是諸法數不為分別法故其中義趣汝所不知此義玄遠不可言宣唯有智者可以內知413菩薩聞未聞法思量義理不即言非菩薩成就此初法者則於阿耨多羅三藐三菩提不退轉

聞所未聞法其心速不逆思量其義理不即言非法若聞於空法常求其義理是故智增長佛道從是生聞所未聞法應求其義理不退於菩提智慧得增長

415有菩薩若於一劫若減一劫修行淨戒苦行難行具足頭陀隨所緣事深生欲心而離諸法實相如是不名真實精進菩薩於所未聞應深空法無有微相合第一義如是深經不違不逆明了其義勤發精進心不退沒聽受讀誦為人解說是名菩薩真實精進

416善知五陰十二入十八界十二因緣故則能成就無依止智得無依止智故則於一切

法不念不分別以不念不分別為眾生說法破一切見令拔身見菩薩成就此第三法則於阿耨多羅三藐三菩提不退轉學一切法是菩薩學戒學一切法得一切法智以是法智得無分別慧以是無分別慧能知一切外事云何知一切事菩薩悉知一切內事一切外事一切內外事富樓那何故名內內名凡所有受可貪著處謂是內身從十二因緣生是中但有世俗假名所謂此眼此耳此鼻此舌此身此意富樓那是名為內是法凡夫所貪著故名之為內我當得如是眼不作如是眼得如是耳鼻舌身意不作如是耳鼻舌身意是中但以所起業緣有果報生是故名內一切法是諸佛菩提而是菩提不名假名言而說不精進者難解難知

417富樓那白佛言世尊我本作何罪障於一劫中發阿耨多羅三藐三菩提心而還退失佛言富樓那隨逐依止惡知識故又不能廣流布法故菩薩不聞應菩薩經謂菩薩藏經發菩薩心經攝菩薩事經應六波羅蜜經以不聞故不如說行不如說學是人不知菩薩何法應親近何法應遠離何法應受何法不應受何法是菩薩法何法是聲聞法如是不知不分別故是人應親近法而不親近不應親近法而親近故則便退失諸佛菩提心弱懈厭廢捨本願菩薩計得諸法貪著吾我行於邪見墮在邊見沒在惡邪難可拔出得聞深經應第一義無有微相違逆不信

續乳故。是時此蟲盡食餘蟲。後還雜食以是因緣。餘蟲還生。此生諸入因緣之一。故經言業因緣故。眾生以身為我。依心所欲。行貪瞋痴業。若善知五陰。12入。18界。12因緣。知陰入界處。皆業緣和合。實無有我。不隨心起業。輪迴無盡。依佛法修圓成佛果。故言無依止智(佛學辭典查無。略述供參考)

續乳故。是時此蟲盡食餘蟲。後還雜食以是因緣。餘蟲還生。此生諸入因緣之一。故經言業因緣故。眾生以身為我。依心所欲。行貪瞋痴業。若善知五陰。12入。18界。12因緣。知陰入界處。皆業緣和合。實無有我。不隨心起業。輪迴無盡。依佛法修圓成佛果。故言無依止智(佛學辭典查無。略述供參考)

不能通達起破法罪。以是因緣生在難處：在難處故離善知識遇惡知識與惡知識共從事故忘失本念。是人失本念故捨菩薩心捨菩薩乘而便退轉永失菩提念。但行生死法不能修習大乘行法。

418 身空故知眾生空。眾生空故知諸陰空。諸陰空故知種亦空。謂地水火風虛空識種地種地種相空。水火風虛空識種識種相空。是種無作者。無使作者。若無作者。是法即空：眾生空故知諸陰空。知諸陰空故知諸種空。諸種空故知諸入空。諸入空故知諸入相空。諸入無作者。無使作者。若法無作者。無使作者。是法即空：菩薩以是觀一切法空。觀一切法空時。不見諸法本體。可生瞋處：是名菩薩摩訶薩大慈。知身空慈。眾生空慈。陰入種空慈。菩薩若能行如是慈。是名行一切法空慈：是名菩薩行於大慈。如是菩薩離我所心。深生欲心。於阿耨多羅三藐三菩提生大悲心。於諸眾生。若有眾生不知如是諸法實相。為令知故發大莊嚴。是名菩薩行於大悲。我救故名慈。我作故名悲：菩薩應如是修行大慈。不貪著眾生。亦不生瞋恨。是名菩薩眾生空慈。無有瞋恚：若菩薩因慈因離因空。能入一切諸法不生不滅。是名菩薩常行大慈。菩薩如是通達諸法。諸魔魔民及魔所使皆不能壞。菩薩成就是初法者。能斷一切功德中縛。斷功德縛故得平等波羅蜜。

妄憶想分別。是皆和合：以身癡故。身見癡故。貪身見故。身受苦時瞋恚他人。是名瞋恚和合。有以身見癡故。貪身見故。不隨意故。瞋恚他人。是名愚癡和合。若人如是三毒所縛。或起如是罪業。因緣諸佛不救。何況餘人：我於眾生不應瞋恨。不應愛念。所以者何。憎愛二事俱是煩惱。我今於此不應生愛。應善通了諸法如實。所以者何。諸煩惱中愛緣所合此最為重。如是煩惱深徹骨髓。謂於能生結使法中愛心染著。所以者何。所貪著事若不隨意則生瞋恨。人皆自欲貪愛其身。有侵惱者則生瞋恨。是故當知。瞋恚則是染愛果報。貪著則是愚癡果報：於諸供養苦惱事中。當知皆是宿業行緣。

79 卷 425 我常代此眾生受諸大地獄中苦。乃至罪畢受諸苦時心無憂悔。目連。若可有是因緣得度眾生。我能盡代。令諸眾生出大地獄。我代受苦。一入地獄。盡諸眾生所作罪業。我於爾時心無憂悔：諮問有智。所謂佛及弟子。可有如是道理。因緣代受苦惱。令諸眾生出地獄不。目連。智者聞已。但為我讚說多聞。深發道心。布施持戒。忍辱精進。讚說親近善知識。目連。我聞是已。大發精進。為求法故。深生欲心。求得成就。諸佛大法。勤行精進。具諸波羅蜜。深行忍辱。426 過去久遠。我曾獨行。時有惡獸來奪我命。欲噉我肉。我臨死時。心發是願。我今死後。當生於此空林澤中。作大畜身。若諸惡獸奪我命者。悉皆令得充足飽滿。所以者何。是諸惡獸常害小蟲。以噉其肉。多起殺罪。而不飽足。我時發願。當生於此作大畜身。令諸噉肉飲血眾生。皆得飽足。即時死已。於中化生。作大畜身。令諸惡獸飲血噉肉。皆得充足。如是展轉百千萬億那由他世。故為受身饒益眾生。乃至一劫：本行道時。飢渴眾生。以身血肉施令飽滿：汝等今須何等飲食。答言。我等唯欲飲血噉肉。若能以身血肉與我。我則快樂。無復病痛。我即許之。便自割肉出血。與諸眾生。目連。我於爾時心無悔惜。不愁不沒。但作是念。我今割肉亦滅爾所生死苦分。我常長夜樂如是施。如是施已。深得歡樂。以是因緣。當知。如來於諸眾生。深有大悲。427 調達第一。不知恩義。臨入阿鼻大地獄時。聞大聲言。癡人。調達。瞋恚於佛。不可殺人。而欲橫起殺害。因緣。以是罪故。今墮阿鼻大地獄中。聞是大怖心。即摧伏。而作是言。我今唯以肉骨一心歸命於佛。心即得樂於佛。生信。作大音聲。即入阿鼻大地獄中。以是因緣。後出地獄。得生人中。出家學道。得辟支佛號。曰骨髓。目連。我今授調達記。作辟支佛。則為已度於生死苦。目連。我度調達。如我本願。所以者何。我於先世。要度調達。我當度汝。餘無度者。目連。調達。但於我所種涅槃。因緣。不於餘種：但於我所信心清淨。言歸命佛。以是善根。因緣。後得辟支佛道。

430 大師所應為弟子事。我盡作已。汝等如所說行。於諸法中。當得智明。爾時象手白佛言。世尊。若有人言。如來所說。正法滅。故誰當示導。無說導。故名正法滅。正法滅。故名如來

滅如是亦名不度一切眾生：若人如是難問，應如是答。佛是一切智人，皆知皆見，常待眾生可度時節，雖入涅槃猶能有益。又佛今與未來世佛授記作佛，是則佛種相續不絕。80卷⁴³⁴菩薩有四種墮落之法，何等為四？一者不恭敬他，二者背恩詔曲，三者多求利養名聞，四者詐善揚德。⁴³⁵菩薩有四種障道之法，何等為四？一者懈怠，二者不信，三者我慢，四者瞋恚：菩薩須捨四種福伽羅，不得親近，何等為四？一者不得親近惡知識，二者不得親近執見之人，三者不得親近謗法之人，四者不得親近貪利養人：菩薩有四種法受未來苦，何等為四？一者輕慢有智之人，二者常懷嫉妬之心，三者於一切法無有信心，四者於淨智法常疑無忍而求利養：菩薩有四繫縛，何等為四？一者輕慢於他，是菩薩繫縛，二者於世俗定，其心樂著不求究竟，是菩薩繫縛，三者不守自心，智慧未成而行放逸，是菩薩繫縛，四者為求利養而入他家。82卷⁴⁴⁹在家菩薩受持八戒修沙門行，應當親近淨戒德行沙門婆羅門，依止給使不見其過，若見沙門越於戒行不應不敬：於彼比丘生大悲心，彼不應為如此惡行，諸佛世尊名寂調伏一切悉知，聖幢相服不寂不調，不伏不知，作此非法，如世尊說不輕末學，非是彼過，是結使咎，以結使故現造是惡，此佛法中有於出法，是人能出則有是處，若解是結修行正觀得至初果，定趣無上正真之道，何以故？智能害結，世尊又說，人則不應妄輕

量人則為自傷，如來所知非我所知，是故不應瞋嫌害彼。⁴⁵⁰出家菩薩見十事故，盡其形壽不捨乞食，何等十？我今自活不由他活，若有眾生施我食者，要令安住於三歸處，然後受食，若不施食於是眾生生大悲心，為彼眾生勤行精進，令是眾生所作辦已後食其食：若有至心敬信來請，爾時應去，若有請者不至心請，觀有自利利彼因緣即便應去。⁴⁵¹守護正法信於業報是名正見，斷於一切妄想分別是正思惟，隨所解法而為演說是名正語，除盡業漏是名正業，斷除結習是名正命，勤趣於定是名正進，不忘諸法是名正念，得一切智知是名正定，解空不驚，無相不怖，無願不怯，心不執有，依義不依語，依智不依識，依法不依人，依了義經不依不了義經，長者，是名出家菩薩住沙門法。⁴⁵²出家菩薩住阿練兒處，捨於禪定教化眾生，修諸善根，長者，是名出家菩薩住阿練兒處，修習滿於禪波羅蜜：菩薩於他人所受持讀誦一四句偈，施戒忍進定慧相應，集菩提道，於是師所為法恭敬，如上諸師受持文章，句句偈頌，於無量劫應為彼使，不生諂偽，一切供養，長者當知，不報其恩，況不敬法，長者，若信起善念，念佛法僧，念於無漏念寂調伏，於無量劫給侍，使令供養和上，猶不報滿和上之恩，長者應如是知：若聞法已有無量報得無量智，我應無量供養和上：出家菩薩聞淨戒已，應如是學於四淨戒，何等四？謂陰無所有，界如法界，入如空聚，不住假名

⁴⁵³在家菩薩具足五法，住在家地學出家戒，何等為五？長者，菩薩住在家地中，不恪一切所有財物，與於一切智心相應，不望果報：在家菩薩住在家地，具淨梵行，不習欲想，況二和合，復次長者，在家菩薩至於空處修習四禪，以方便力不入正位。⁴⁵⁴如我所見是諸眾生，於此無相自性空寂，假名安立和合法中，起於貪欲瞋恚愚癡，我當於此如實觀察，為彼迷惑貪欲眾生，住於大悲成滿昔願，不動法界，以無功用智而成熟之：若有女人於彼丈夫心生愛染，菩薩便為現丈夫身，乃至拔其貪欲毒箭而為說法，令入法界便沒不現：是諸貪行二萬一千及彼諸行八萬四千，菩薩無功用智出生，無量億千法門，開曉眾生悉令解脫，而亦不念我為眾生如是說法，亦無眾生得解脫者。⁸³卷⁴⁵⁵譬如帝釋有十二那由他諸天女等，以彼帝釋自在力故，現其多身，令諸天女於彼欲樂皆得滿足，各自念言，我今獨與帝釋歡娛，而是帝釋實無所染，菩薩亦復如是，於諸眾生應可度者，隨其意樂而成熟之，然是菩薩亦無染著：是名菩薩摩訶薩，貪行伏藏：若彼無量瞋行眾生，互相違背心懷恚恨，是業成已當墮毒蛇惡趣之中，住忍菩薩以慈念力，化此眾生能令不受惡趣之報，決定當得證於平等：菩薩若見瞋惱眾生作是念言，一切諸法本性清淨，此諸眾生隨相而行，妄生分別，於此平等無違法中而起瞋心，彼諸眾生於法界性不能了知，若此眾生

見法性者終不於他而生忿害：依此法界無差別智善巧說法摧滅種種瞋行眾生不於法界而作差別電得譬如日輪所出光明隨所照處皆日輪攝菩薩亦復如是為欲調伏滅除瞋行所有言說皆是法輪不於法界而作差別如是瞋行二萬一千及彼諸行八萬四千菩薩成就無功用智隨彼眾生種種瞋行而為說法不作是念我為眾生今現說法已說當說是名菩薩摩訶薩瞋行伏藏菩薩證得此伏藏已若於一劫若過一劫隨諸眾生種種意樂以種種文字語言方便演說不能得其瞋行邊際而是菩薩智慧辯才亦不可盡是名菩薩善說法界無差別相獲得如是瞋行伏藏

84卷⁴⁵⁶有諸眾生癡無智慧不知菩薩善巧方便而作是念何有智者貪受諸欲不異凡夫便謂菩薩遠離菩提如是眾生心不淨故起大瞋忿不生敬信由此業故身壞命終墮大地獄復以菩薩密化因緣罪報畢已決定當得入於平等：譬如猛火隨投草木一切熾然悉成於火菩薩亦復如是智火熾然所有眾生若貪瞋癡若善不善菩薩於彼與之同行一切熾然皆成智慧是名菩薩不共之法：過去無量無邊阿僧祇劫五濁世時有佛出現號曰寶聚功德聲如來：時世壽命百二十歲如我今日彼諸眾生極重貪欲瞋恚愚癡煩惱覆蔽違逆父母兄弟朋友不順和上及阿闍梨不知恩德常懷毒害姦詐賊心互相破壞非理而行於佛法僧不生敬信

慳悋鄙弊行餓鬼法：無垢比丘佛所記別多聞第一於佛滅後弘宣正法隨所遊行城邑聚落教化無量百千眾生皆令住於阿耨多羅三藐三菩提爾時多有諸惡比丘不知修行常懷嫉妬為魔所惑：時有一魔名為極惡即自變身作比丘像復詣王所如前重說時廣授王數聞此語即作是念無垢比丘精勤有智我所尊重若有此事終無是處作是念已爾時魔眾於虛空中便現半身向彼王所而說偈言⁴⁵⁷

王應學伎藝 善識於機宜 廣授不能知 非是人王相 佛羅漢弟子 已具於大智 如是語不依 云何隨斷見 比丘為利益 告汝以誠言 斷見惡趣人 實非修梵行 彼人於宮內 共采女娛樂 王應與侍從 親觀離疑心 王聞如是事 心生大驚怖 即便將侍從 速疾詣宮中 無垢時在宮 演說第一義 諸法自性空 無我無壽者 王與諸兵眾 俱為魔所惑 見宮中姪女 圍遶於比丘 瞋猛如醉象 便勅旃陀羅 比丘污我宮 當治以苦法 臣佐及眷屬 皆為魔所持 於無罪比丘 隨忿而生害 魁膾持刀進 無垢便悲泣 王語汝非法 何故而復悲 無垢白王言 是事難自表 且待須臾間 我當有明證 王聞比丘言 即止於魁膾 當試作何事 汝應速宣說 成就勝意樂 行慈利世者 合十指爪掌 而發於誓言 大王汝當知 若實無此事 願地六種動 空中雨妙花 當發如是言

大地六種動 空界雨天花 魔眾懷憂惱 王時生淨信 禮足求歡喜 我當墮地獄 無依願覆護 咄哉遇此惡 如何起毒心 無覆無所依 所從唯惡友 十方我無護 唯有於大師 我當捨王位 盡壽歸依住 比丘知彼王 及眷屬志樂 為說第一義 王聞得正信 與百億眷屬 捨王位出家 修習頭陀行 不受他人請 時王後宮內 姪女八萬人 聞說第一義 皆住不退轉 王依於佛教 二十四年中 日夜常懺悔 罪業猶不盡 百俱胝眷屬 惡心向法師 由此命終後 墮於無間獄 多億年受苦 罪畢遇如來 以昔恐怖因 餘報常羸劣：諸眾生根性志樂不能善知應一切時勿生害心：初業菩薩未入正位於諸眾生勝志樂行不能善知若在家若出家皆不應起嫌害之心勿於長夜自致哀惱是故菩薩從初發心當於一切住大乘者生於佛想於餘眾生雖復見彼作諸惡業而亦不起損害之心何以故如來常說若諸眾生於白淨法有少缺減終不能得入於涅槃菩薩若見貪行眾生應作是念彼為貪欲熱惱所燒是我過咎見彼瞋恚及以愚癡熱惱燒者皆悉念言是我之罪：我先誓願除眾生病而今捨置是我過咎菩薩成就如是意樂自省其過於諸眾生深起慈心若遇殺害割截身分於彼怨所生反報心無有是處⁴⁵⁸正修行時過去所有不善之業永盡無餘未來不善終不更起：諸眾修行甚深微密難識難知：菩薩

欲求阿耨多羅三藐三菩提者，應當善知眾生根行，於一切眾生中住平等心，無礙之心，於一切法常無染著，捨諸所有修持淨戒，安住忍辱發起精進，入諸禪定，如實觀察一切法性：菩薩圓滿如是六法，速能證得阿耨多羅三藐三菩提。云何圓滿？所謂依止一切智智而修行故：若有菩薩於善法中身心相應，攀緣造作是名功用，若有菩薩身心調柔，無念無依，離修行相，以彼成就往昔願智，億千佛剎所可施為種種示現而於法界亦無所動，常演說法無少法相，以四攝法成熟眾生，亦無眾生而可度者，嚴淨一切諸佛剎土，而亦不見不淨佛剎，常念諸佛不觀色相，遊諸佛剎不離法界，是名菩薩無功用智。

85卷⁴⁵⁹然貪瞋癡能為誑惑，我於是事久已斷滅，證得諸法本無生故，我於長劫安住正行，何有人能欺誑我者，汝今當知彼之所作非真幻化，如來所作是真幻化，所以者何，現證諸法皆如幻故，假使一切諸眾生類皆成幻術如跋陀羅，比於如來百分千分，乃至算數譬喻所不能及：有大風輪名為碎壞，彼能破壞三千世界，復有風輪名毘嵐婆，能壞世界復能成立：復有風輪名為止息，劫火燒時彼能止息，劫火所燒，復有風輪名為清涼，能使一雲普覆三千大千世界，復有風輪名為遍覆，劫火燒時普於世界降霖大雨。

460如是風輪我若具說窮劫不盡：此之幻師能於如是諸風輪中暫安住，不答言不也，佛言目連，如來能於如是風輪行住坐臥得

無搖動，又復能以如是風輪內芥子中，現諸風輪所作之事，然於芥子無增無損，而諸風輪不相妨礙，目連當知，如來成就幻術之法，無有限極：世尊告幻師言，一切眾生及諸資具皆是幻化，謂由於業之所幻故，諸比丘眾亦是幻化，謂由於法之所幻故，我身亦幻智所幻故，三千大千一切世界亦皆是幻，一切眾生共所幻故，凡所有法無非是幻，因緣和合之所幻故。⁴⁶²爾時世尊飯食已訖，欲滿幻師所施願故，復說偈言：

能於所施物 施者及受人
等無分別心 是則施圓滿

464若諸菩薩真出家者，謂離諸相處於三界成熟眾生，方可名為真出家也。

86卷⁴⁶⁵法無所行說有修行是名神變，法無來去，說有來去是名神變，於一道證建立諸果，是名神變，於一味法分別三乘是名神變，一切諸佛唯是一佛，說無量佛是名神變，一切佛土唯一佛土，說無量土是名神變，無量眾生即一眾生，說無量眾生是名神變，一切佛法唯一佛法，說無量法是名神變，法不可示，顯示諸法是名神變，法無所得，修習作證是名神變。

466四種境界不可思議，一者業境界不可思議，二者龍境界不可思議，三者禪境界不可思議，四者佛境界不可思議，以是義故，說一切法名大神變，不應驚怖：如來復有殊勝神變，所謂了知過去已滅，現在不住，未來未生，無心心所而說三世心心所法，於一味中

說三解脫，於一滅證說四聖諦，開示諸法空無相願，成就顛倒苦惱眾生，說無相無為，成就菩提，於不捨說檀波羅蜜，於無住無作說尸波羅蜜，於無我法說屬提波羅蜜，身心寂靜說毘離耶波羅蜜，不亂不攝說禪波羅蜜，離彼此岸說般若波羅蜜，無所動念而修行方便，離依怙相修習於慈，以無作法修習於悲，以離欣悅而修於喜，以不住法而修於捨，以無所見起於天眼，無所聞故起於天耳，無所攀緣起他心智，離於前際起宿命智，身心不動起於神足，不住於法修於念處，以無生滅修四正勤，非根說根非力說力，諸法寂靜說菩提分，法無差別修八聖道，不住寂靜修奢摩他，遠離法相修毘鉢舍那，本來寂滅而說涅槃。⁴⁶⁸夫梵行者名八聖道是有為法，我即無為，是故我不久修梵行，夫梵行者名有所行，我無所行，是故我不久修梵行，又梵行者名為二相，我無二相，是故我不久修梵行：馳騁五欲說於梵行，我於五欲本無所行，是故我不久修梵行，超過魔道名為梵行，我常安住諸魔道中，是故我不久修梵行，成就善法名為梵行，我於善惡都無所得，是故我不久修梵行。

87卷⁴⁶⁹何等是菩薩智：苦智不厭諸蘊故，集智積集善根故，滅智示有生故，道智離惡道故，因智所作不壞故，緣智斷生死故，佛智令人證故，緣生智無所著故，蘊智除蘊魔故，界智法界平等故，處智善觀空聚故，施智無非時故，戒智攝諸破戒故，忍智守護眾生故，

續後 風若不調順，於聽法時令人惛睡，聞不善法心則樂聞，若晝若夜欲正觀察，則為所亂樂至酒肆...詳閱請看大藏經17冊，正法念處經共70卷，詳述自天界至地獄六道因果，大槃涅槃經29卷188頁：我經中說，若有比丘修習定者，能見五陰生滅之相，善男子，若不修定世間之事尚不能了，況於出世

精進智作善業故，禪定智不離定心故，智慧智了知諸法故，方便智成熟眾生故，慈智拔諸有故，悲智無疲倦故，喜智愛樂法故，捨智成就佛法。470 攝眾生智攝諸懈怠故，佛不共智知應化故，大方便智依般若故：是名諸菩薩智，以是智故，當得如來無礙大智：若行菩提而無所住，是名菩薩：已度諸行圓滿大智為摩訶薩：若能安住所行之道，成熟無量無邊眾生，是名導師：云何大施？答曰：所集難得無上菩提，猶施眾生，何況世間所有之物？又問：云何具戒？答曰：乃至失命終不捨於菩提之心：云何禪定？答曰：不見欲界，又問：云何智慧？答曰：無所分別，又問：云何住慈？答曰：觀眾生界空無所有：云何身清淨？答曰：隨意生身於一切眾生平等示現：云何為護？答曰：不為諸根之所擾亂：云何菩薩善巧方便？答曰：若見眾生煩惱過失，等於菩提，是名菩薩善巧方便：我不捨佛法及一切眾生，是故為慳：破戒者則墮惡趣，我為度脫苦眾生，故入惡趣中，故名破戒：我於煩惱及以二乘都無所愛，故名害心：我不起身口意業，無所進求，不取不捨，故名懈怠：我為成熟一切眾生，不住解脫，故名亂心。471 我於生死不驚不怖，為欲成熟愚惑眾生，同其事業，故名無智：云何菩薩行不可思議：貪行是菩薩行，貪不可思議故，瞋行是菩薩行，瞋不可思議故，癡行是菩薩行，癡不可思議故，慳吝是菩薩行，無施想故，不毀戒是菩薩行，不取戒相故：歡喜是

菩薩行，於行惡者令歡喜故，信樂是菩薩行，見佛聞法事師欣悅故，金剛甲冑是菩薩行，不毀律儀故：超過一切是菩薩行，入最上乘故，知恩報恩是菩薩行，不斷佛種故，智慧方便是菩薩行，攝受無斷故：無生者非先有生後說無生，本自不生，故名無生。472 如是了知無生無滅，本無所染，是名無生，云何為忍？如是忍可，一切眾生一切剎土本來不生，是名為忍：如是忍可，一切菩薩一切諸佛本來不生，是名為忍，如是忍可，一切諸法本來不生，是名為忍：若剎那空則無所有，無所有故則無所染，無所染故則自性離，自性離故是名一切法本來寂靜，能如是忍入於平等，是則名為得無生忍，受菩提記，得此忍者為無所得，云何名為有所得者？見我我所二相可得，名有所得，見眾生壽者養育我人二相可得，名有所得，何謂無所得？見我自性及我所性，了知無二名無所得，是則名為成就於忍。88 卷473 比丘若在靜室若在窟中，若行若坐若臥，若念貪欲若念瞋恚，及餘種種諸惡覺觀，隨所住處其中諸神知彼比丘，心生愁憂，作如是念，此諸比丘非法非宜，於正法中得出家已，思惟如是不善之法，迦葉，彼諸神等知彼比丘，各作方便令不安隱，迦葉，彼諸天神以少善根得少智慧，尚知他心，況復如來百千萬億阿僧祇劫，具行智慧，迦葉，如來無所不知，無所不見，無所不覺，無所不證，迦葉，如來具足無礙智慧，於三世法皆悉了知：

於正法中得出家者，應作是念，諸佛如來悉知我心，十方世界現在諸佛亦知我心，莫於佛法作沙門賊：若有比丘整理法服，似像比丘而破禁戒，作不善法，是名第一沙門之賊，二者於日暮後，其心思惟不善之法，是名第二沙門之賊，三者未得聖果，自知凡夫，為利養故，自稱我得阿羅漢果，是名第三沙門之賊，四者自讚毀他，是名第四沙門之賊。474 沙門法中，更無有罪重於妄稱得聖果者：聲聞之人有四惡欲，何等為四？一者求見未來世佛，二者求作轉輪聖王，三者願生剎利大姓，四者願生婆羅門大姓，是名四種惡欲，若有所求，乃至涅槃，亦名惡欲：出家之人微細煩惱，復有四種，具彼煩惱，如負重擔入於地獄，何等為四？一者見他得利心生嫉妬，二者聞經禁戒而反毀犯，三者違反佛語覆藏不悔，四者自知犯戒受他信施：有四種相似沙門，何等為四？一者惡戒，二者我見，三者誹謗正法，四者斷見，是名四種相似沙門：出家之人有四放逸入於地獄，何等為四？一者多聞放逸，自恃多聞而生放逸，二者利養放逸，得利養故而生放逸，三者親友放逸，依恃親友而生放逸，四者頭陀放逸，自恃頭陀自高毀人，是則名曰四種放逸，迦葉，出家之人具四放逸，墮於地獄。477 有諸在家出家菩薩，亦復如是，作如是言，如我說法能除諸罪，如是語已，轉集惡業，復作是言，我還懺悔，我說彼人於正法中名為死人，何故名死，謂於正法墮落退沒，是名為死。

①以下略錄正法念處經64卷後，詳述身中80種風與虫與人之互動因緣，此皆眾生業行所感之業報，現於色身之奧妙共生關係，本經文82卷447頁之頁下，正法念處經66卷381：害精風若不調順，誑惑於人，若人眠睡戲弄於人，示人種種諸惡之念…本經文449頁下，正法念處經382頁：睡眠 續前

478 若有菩薩打罵割截三千大千世界一切眾生，得罪尚少。若有菩薩於餘菩薩起瞋恚心，退於菩提，復爾所劫，彌勒、譬如木柱，若以草土不能斬截，必以利斧乃能斬之。菩薩善根亦復如是，餘不能盡。若於菩薩起瞋恚心能滅諸善：於初發心諸菩薩等，心生尊重如世尊想，爾時彌勒菩薩摩訶薩白佛言：世尊，我當修行尊重恭敬一切眾生，何況菩薩：文殊師利白佛言：世尊，何等之人應受信施，爾時世尊告文殊師利菩薩善男子，若有修禪解脫者，我聽彼人受信施食，爾時文殊師利告五百比丘，汝等今者應速修行，佛世難值，當住佛法，爾時五百比丘問文殊師利言：文殊師利我等云何修行，文殊師利告諸比丘言：汝等應如是觀，無一法合，無一法散，無一法生，無一法滅，不受一法，不捨一法，不增一法，不減一法，若如是行於法，無得，無得則無去，無去故無來，無來則無去，比丘是名無來無去，無住無不住，爾時文殊師利說是法時，五百比丘於諸漏中心得解脫。

89 卷 480 菩薩具足四法，施不望報不嫉妬，不慳吝不生貪，見人施不希望，成就如來無上之行，得甚深忍見無上智，何等為四，一者信諸法空，二者遠離，三者深忍，四者正念。⁴⁸¹

演說第一法 其心不異念 聽受於正法
說名字無盡 自性體不成 觀境界無實
其心則解脫 若起如是想 我為說法者
彼則被魔縛 不知於法相 若欲得菩提
及求聲聞者 求緣覺菩提 當修學此法

482 四天下一切眾生，無有一人住在家者，以淨信心離於欲火，悉得出家，彼諸眾生既出家已，不須種殖其地，自然生諸粳米，諸樹自然生諸衣服，一切諸天侍給使，迦葉，爾時達摩善法二比丘，勇猛精進，於其六十三億歲中不坐不臥，但勤精進求薩婆若，念薩婆若，於六十三億歲勤精進，已得遍至三昧，所坐之地名金剛處，其地皆是金剛所成，十方一切諸佛說法，悉聞受持，聞已復能為他解說：諸比丘言，修戒定智慧，解脫解脫知見，故舍利得供養，二比丘言，修戒定慧解脫解脫知見，是真供養，非供舍利：無作相是戒相，乃至解脫知見，無作相是知見相：於意云何，無作能供養，無作不，諸比丘言，不也，達摩善法二比丘言，真供養者無佛想，無見佛，何況供養，若供養佛當供養自身，諸比丘言，云何供養自身，二比丘言，應如來應正遍知供養自身，一切眾生之所供養，如佛所學，應如是學，護持禁戒，集諸善法，思惟諸法，莫取法相，若能如是自供養者，當得天人之所供養，若欲供養佛舍利者，當自供養，如佛如來具諸功德，舍利得供養，若能成就如是功德，名供養佛：諸比丘聞此法，已皆住深忍，悉行少欲知足之行，不供養舍利及佛塔廟。

483 七日後一切佛塔悉皆隱沒，及諸舍利所在器中亦悉隱沒：末世後五百歲，有諸菩薩及諸比丘，不修身不修心，不修戒不修慧，為活命故供養佛塔及佛舍利，不為涅槃不為離欲而修供養，自犯禁戒愚癡無智，如來

舍利具戒定慧解脫解脫知見之所熏修，為活命故供養尊重具貪瞋癡：為教化初始發心，諸善男子善女人等，以神通力留此舍利，令供養者受人天樂，為未來因，乃至涅槃：沙門之業則有二種，一者修禪，二者習誦，如是說者為入道，故非究竟說，迦葉，若有作業能盡業者，名沙門業，無作無誦無禪，無作無無作，無念無不念，無盡無生，證三脫門，不住三界無來無去，是沙門業，彼眾生等離斯正業，更習餘業，彼福業者為化在家人，如是在家順如來教，當得阿那含果，彼愚人輩於我法中而行出家，尚不修行隨順之法，況復能得，若有得者無有是處。

485 大精進不被袈裟，亦不見佛不受禁戒，心但憶念學薩婆若，迦葉，菩薩應如是觀，如來身非觀非非觀，迦葉，菩薩應如是觀，如來畫像，如大精進菩薩摩訶薩，觀如來像，如是觀已成大智慧，以此智慧悉見十方阿僧祇佛，聞佛說法：大精進菩薩從山而出，來至村落，為人說法，一會說法二萬眾，生住阿耨多羅三藐三菩提，無量阿僧祇眾，生住於聲聞緣覺功德，父母親屬皆住不退阿耨多羅三藐三菩提，迦葉，莫作異念，爾時大精進菩薩摩訶薩者，豈異人乎，我身是也：彼破戒人不誦經典，供養形像，因而自活：願於未來此法久住，令彼善男子善女人聞已慚愧，如來知我如來覺我，所作邪法永令休息，爾時世尊告摩訶迦葉，如來所說，為善男子聞我此法修行離惡，我為此人說如是法。

① 譯曰一切智，慧琳音義 7 曰：薩婆若，記也。正音薩嚩訶孃，唐言一切智，即般若波羅蜜之異一切種智。又云薩棧若心，梵語不正。圓覺大疏鈔一曰：薩婆若，此云一切種智，即諸佛究竟圓滿果位之智種，謂種類，即無法不通之義，謂世出世間種種品類無不了知故。故華嚴如來名號品中，列佛種種名。續

90 卷⁴⁸⁶在家菩薩住於慈愍不惱害心應修二施何者為二一者法施二者財施出家菩薩應修四施何等為四一者筆施二者墨施三者經本施四者說法施無生法忍菩薩應住三施何等為三所謂王位布施妻子布施頭目支分悉皆布施如是施者名為大施名極妙施：菩薩有二犯戒：因瞋犯者為過鹿重易可捨離因癡犯者為過深重復難捨離所以者何貪結能為諸有種子生死蔓莖連持不絕以是義故微細難斷因瞋犯者墮於惡趣可速除斷因癡犯者當墮八種大地獄中難可解脫：若有菩薩犯波羅夷者應對清淨十比丘前以質直心殷重懺悔犯僧殘者對五淨僧殷重懺悔若為女人染心所觸及因相顧而生愛著應對一二清淨僧前殷重懺悔：若諸菩薩成就五無間罪犯波羅夷或犯僧殘戒犯塔犯僧及犯餘罪菩薩應當於三十五佛前晝夜獨處殷重懺悔

487 菩薩所有善根勇猛之力依出離智淨諸罪垢遠離憂悔得見諸佛及得三昧亦復如是如斯罪障非諸凡夫聲聞緣覺所能除滅菩薩若能稱彼佛名晝夜常行是三種法能滅諸罪遠離憂悔得諸三昧：聲聞乘人乃至不應起於一念更受後身是名聲聞持清淨戒然於菩薩名大破戒：菩薩摩訶薩修行大乘能於無量阿僧祇劫堪忍受身不生厭患是名菩薩持清淨戒於聲聞乘名大破戒

488 菩薩乘人雖持淨戒於諸眾生應當隨順聲聞乘人不應隨順是故菩薩持不盡

護戒聲聞乘人持盡護戒云何名為菩薩持開遮戒聲聞乘人持唯遮戒若諸菩薩於大乘中發趣修行日初分時有所犯戒於日中分不離一切智心如菩薩戒身不壞：以是義故菩薩乘人持開遮戒設有所犯不應失念妄生憂悔自惱其心於聲聞乘有所犯者便為破壞聲聞淨戒何以故聲聞持戒斷除煩惱如救頭然所有志樂但求涅槃以是義故名聲聞乘持唯遮戒：菩薩乘人於恒沙劫受五欲樂遊戲自在未曾捨離菩提之心如是菩薩不名失戒所以者何菩薩善能守護安住菩提之心乃至夢中一切結使不為其患而是菩薩所有煩惱漸漸當盡不應一生便盡諸結聲聞乘者成熟善根如救頭然乃至一念不意受生以是義故大乘之人持深入戒說有開遮名不盡護聲聞乘人持次第戒名曰唯遮名為盡護：求大乘者於阿耨多羅三藐三菩提甚為難得具大莊嚴乃能成就是故菩薩雖於無量阿僧祇劫往來生死終不生於厭離之心以是義故如來觀察為大乘人不應一向說厭離法不應一向說於速證涅槃之法應當為說慈喜相應甚深微妙無染之法遠離憂悔無繫著法無障無礙性空之法菩薩聞已於生死中而無厭倦決定圓滿無上菩提：菩薩修行大乘如恒沙劫貪心相應而犯戒者其罪尚輕若一瞋心而犯於戒其罪甚重何以故因貪犯戒攝受眾生因瞋犯戒棄捨眾生優波離所有諸結能攝眾生菩薩於此不應生畏所有

諸結能捨眾生菩薩於此應生怖畏：貪欲難捨為過微細瞋恚易捨為過鹿重癡難捨離過復麤重優波離於煩惱中若難捨離小犯之罪是諸菩薩應當堪忍若易捨離大犯之罪如是煩惱乃至夢中不應忍受：世尊一切諸法畢竟毘尼何所調伏佛告文殊師利若諸凡夫了知諸法究竟毘尼如來終不說於調伏以不知故如來為令覺了諸法畢竟毘尼漸次為說諸毘尼法：一切諸法畢竟寂滅心寂滅故名究竟毘尼一切諸法我不可得無染著故名不悔毘尼一切諸法本性清淨無顛倒故名最勝毘尼一切諸法如如實際離諸見故名清淨毘尼一切諸法不來不去無分別故名不思議毘尼一切諸法無住無著念念滅故名淨諸趣毘尼一切諸法住虛空際離諸相故名自性遠離毘尼一切諸法無去來今不可得故名三世平等毘尼一切諸法不可安立心平等故名永斷疑惑毘尼優波離是名法界究竟毘尼諸佛世尊依此成道若善男子於是法中不善觀察則為遠離如來淨戒：若有比丘作是思惟我斷貪欲名增上慢我斷瞋恚及以愚癡名增上慢貪欲法異諸佛法異名增上慢

489 謂有所得名增上慢謂有所證名增上慢謂有解脫名增上慢：見法無常名增上慢謂諸法空何用修習名增上慢優波離是名聲聞乘人增上慢者：若諸菩薩作是思惟我當發心求一切智名增上慢我當修行六波羅蜜名增上慢：此是正道此是邪道名

續於中云亦名一切義成一切義成者即翻梵語悉達多為此言也謂於一切義理悉皆通達成就即是一切種智

增上慢。我於阿耨多羅三藐三菩提為疾得耶。不疾得耶。名增上慢。一切諸法不可思議無能知者。我能了知名增上慢。乃至於不可思議阿耨多羅三藐三菩提而起。思惟為大執著。是名菩薩增上慢者。若於一切不思議法無所執著。是名究竟無增上慢。

91卷⁴⁹⁴若有說言菩薩為欲圓滿成就菩提分故。攝取生死。又復說言。以諸煩惱為利益事。如是說者。為與利益相應。非利益相應。為與法相應。非法相應。彌勒菩薩白佛言。世尊。若正說者。則與義利相應。與法相應。能令菩薩菩提分法得圓滿故。若有煩惱不能為他作利益事。亦不能滿菩提分法。而發起者。不與義利相應。不與法相應。但為下劣善根因者。菩薩於中寧捨身命。亦不隨彼煩惱而行。何以故。彌勒。有異菩薩得智力故。於諸煩惱現有攀緣。有異菩薩無智力故。於諸煩惱增上執著。若諸菩薩於後末世五百歲中。樂欲離諸業障纏縛。自無損害而得解脫。是人當於菩薩行中深生信解。於他過失不生分別。志求如來真實功德。凡夫愚人以貪瞋癡之所纏。故墮諸惡道。而須陀洹於貪瞋癡善能了達。終不墮落三惡道耳。彌勒。慧行菩薩亦復如是。於貪瞋癡習氣未斷。彼亦別業諸菩薩等。鈍行菩薩無有善巧。同諸凡夫不能出離。彌勒。慧行菩薩一切重罪。以智慧力悉能摧滅。亦不因彼墮於惡道。

增長。當於利養知其過失。應須捨離。若好憤鬧世俗言話。耽著睡眠。廣營眾務。樂諸戲論。如是過失。皆應遠離。⁴⁹⁷若於勤修智慧菩薩承事供養。當獲無量福德之聚。何以故。智慧之業。無上最勝。超過一切三界所行。⁴⁹⁸若有眾生發十種心。隨一一心。專念向於阿彌陀佛。是人命終。當得往生彼佛世界。如是十心。非諸凡愚不善丈夫。具煩惱者之所能發。何等為十。一者於諸眾生起於大慈。無損害心。二者於諸眾生起於大悲。無逼惱心。三者於佛正法。不惜身命。樂守護心。⁹³卷⁵⁰⁰有他眾生婦女妻子。或被拘錄。爾時菩薩於中救脫。為得不缺法。定故。是菩薩若勸他令放。為得心自在。故。菩薩受持護他心身口意業戒。為得如來無量知他心力故。⁵⁰¹菩薩思惟如是諸事。是我惡行不善業報。自作自受。或過去世。或現在世。若先作已。今受果報。我今云何。於自果報而瞋於他。於當來世受諸罪報。無量無邊百千萬億苦惱甚多。菩薩如是思惟。有命根故。斷截命根。有財物故。剋奪財物。有此身故。有恐怖繫縛。囚執鞭杖刑戮。今我自受命根耳。根身受苦入。云何以瞋加害於他。人中少苦尚不欲受。何況於未來世中。受三惡道無量苦惱。是故我今不應生瞋加害於他。我當以甚深法義。利益一切世間無量眾生。發大莊嚴。⁹⁴卷⁵⁰³菩薩如是觀已。離欲惡不善法。有覺有觀。離生喜樂。成初禪行。離覺觀。內淨信心。在一處。無覺無觀。定生喜樂。成二禪行。離喜

行捨。念正智。一心身行樂。諸聖人能行能捨。成三禪行。捨苦樂意。先滅憂喜。行捨念淨。成四禪行。於一切眾生思惟樂想。成就無量無邊慈心。於眾生中思惟苦想。成就無量無邊悲心。是菩薩入苦法時。心緣一切善根。所謂大慈大悲。攝持正法。不斷三寶莊嚴佛身。清淨梵音。本昔誓願教化眾生。淨佛世界。坐菩提樹。轉妙法輪。除斷一切眾生結使。其心所緣境界如是。是菩薩入禪定時。離四識住處。不依地大水大火大風大空大識大。亦不依止今世後世。入如是定。都無所依。是菩薩入禪其心愛樂。為欲入於無上解脫定故。⁵⁰⁴是菩薩發起菩提心。念菩提心。修菩提心。稀望菩提願求菩提。是名菩薩摩訶薩。無量無邊善根禪定。欲令一切世間。在在處處。所有眾生。發起無漏禪定。發起無學禪定。生無漏禪定。生無學禪定。菩薩聞是諸法。受持修學。廣分別已。知陰界入。四聖諦。十二因緣。三世三乘得如是知。⁵⁰⁵若總身口意業。若福業若罪業。若欲界業。若色無色界業。是名集聖諦。若貪恚癡盡。我我所盡。受取有盡。是名滅聖諦。見苦集盡。思惟一切有為過患。見涅槃寂靜。所作已辦。住如是法時。正見正思惟。正語。正業。正命。正精進。正念。正定。是名道聖。分別思惟四聖諦時。見有為法是苦。是無常。是空。是無我。見無為法能為覆護。是舍是依。雖作是觀。不證涅槃。如是知四聖諦。受持修學。廣分別已。即知十二因緣。若不知不見四聖諦。十二因緣。是名無明。

①心自在。此等皆為成就菩提資糧。共圓成佛道故。又眾生皆曾互為眷屬。無始來共業故。同一佛性故。心慈悲相應故。為圓滿佛功德成就佛道故。又本經86卷465頁：一切諸佛唯是一佛。說無量佛是名神變。一切佛土唯一佛土。說無量土是名神變。無量眾生即一眾生。說無量眾生是名神變。

若過去世陰界入等，即是滅盡不實不在，無我無我所。若未來世陰界入等，是未生未起，無我無我所。若現在陰界入，是念念不住：世法無有一念住者，若有一念，是一念中亦有生住滅，是生住滅亦復不住。如生住滅中有內外陰界入，是內外陰界入亦有生住滅。若如是不住者，即是我非我所：見三世非我非我所，是名實智慧者，不見我所，是我我所，是即於諸有行無我無我所，行離欲想，行斷想，行滅想，雖作是行，不證涅槃，是名知三世，是菩薩聞是法已，受持修學，廣分別已，即知三乘，所謂天乘、梵乘、聖乘。云何天乘、初禪、二禪、三禪、四禪，是名天乘。云何梵乘，慈悲喜捨，是名梵乘。云何聖乘，正見、正思惟、正語、正業、正命、正精進、正念、正定，是名聖乘。是菩薩時時修集天乘、梵乘、聖乘，教化眾生，令住三乘，是時自身不證解脫，是名知三乘。

96卷⁵¹⁰觀此身前後因緣，初從欲愛和合而生，為長養故，咽於搏食，至於生藏痰陰消之：如此身者，三百六十骨聚所成，如朽壤舍，諸節支持，以四細脈周匝彌布：十六腸胃繞生熟藏，二十五氣脈猶如窓隙，一百七關穴如破碎器，八萬毛孔如亂草覆，五根七竅不淨盈滿，七重皮裹六味長養，猶如祠火吞受無厭，如是之身，一切臭穢，自性潰爛，誰當於此愛重憍慢，唯應觀察，如借他器，猶車運載，但為養育，至菩提故，爾時世尊而說偈言：是身眾穢器，猶如貯糞瓶，凡夫無智慧，特色生憍慢，鼻中洩恒流，口氣常臭穢。

眼眇蟲遍身，誰當生淨想，如人執持炭，磨瑩欲令白，假使至盡時，體色終無變，設欲淨其身，傾河以自洗，身盡莫能淨，其事亦如是。

511應觀此身四十四種：1者此身可厭性，無和合故；2者此身臭穢膿血常流故；21者是身險惡，詭詐難知故；34者身為惡友，多逆害故；35者身為殺者，自殘害故；37者身為苦聚，五蘊生故；38者身為無主眾緣生故；40者是身為空，應觀蘊界處。97卷⁵¹³優陀延王復白佛言：世尊，我為女人之所迷倒，狂亂無知，因此發生，麤猛瞋毒，由斯罪業，當墮地獄，唯願世尊，利益安樂，諸眾生，故慈悲開示，女人詭曲虛誑過患，勿令我等親近女人，當於長夜得免諸苦。佛言：王應先知，丈夫過患，然後觀察，女人過失：一切丈夫，皆由四種不善，愆過，為諸女人之所迷亂，何者為四？一者於諸欲染，耽著無厭，樂觀女人，而自縱逸，不知親近沙門及婆羅門，具清淨戒，修福業者；則於淨信及淨尸羅，多聞施慧，悉皆退失，彼由無有信戒，多聞施慧等法，非善丈夫，行餓鬼法，無有智慧，耽欲放逸；貪著女人，不淨境界，便為女人之所調伏，猶如奴僕，繫屬墮落，諸女人所，無慚無愧，親近遊止，諸瘡漏門，膿血穢污，洩唾常流，猶如塚間，不淨境界，至於父母，違背恩養，捨離沙門及婆羅門，不生殷重恭敬，供養，習行畜生所行之法，於佛法僧，不生淨信，於涅槃界，永當退失，如是等人，當入眾合，乃至阿鼻

諸大地獄，亦復當墮，鬼界畜生，無有救護：當知彼習愚人之法，不樂修行善丈夫事，大王當知，丈夫親近女人之時，即是親近惡道之法，此是丈夫第一過患。

98卷⁵¹⁷菩薩成就四法，所言人信，何等為四？一者發言修行，常使相應，二者於善友所，不覆諸惡，三者於所聞法，不求過失，四者於說法者，不生惡心。菩薩成就四法，能離法障，速得清淨，何等為四？一者以深意樂，攝三律儀，二者聞甚深經，不生誹謗，三者見新發意菩薩，生一切智心，四者於諸有情，大慈平等。菩薩成就四法，能離諸魔：一者了知法性平等，二者發起精進，三者常勤念佛，四者一切善根，皆悉迴向。今此妙慧，甚為希有，乃能成就如是法忍，佛言：如是如是，誠如所言，然此童女，已於過去，發菩提心，經三十劫，我乃發趣，無上菩提，彼亦令汝，住無生忍。518如是微妙法門，即諸菩薩契經之本：爾時世尊，問恒河上，汝從何來，彼優婆夷，即白佛言：世尊，若問化人，汝從何來，如是問者，當云何答？世尊告言：夫化人者，無有往來，亦無生滅，云何當說，有所從來？又問：諸法，豈不皆如化耶？譬如化人，謂化人曰：汝豈不趣涅槃界耶？彼於是問，當云何答？世尊告言：此所問者，無有攀緣，恒河上言：如來豈以有所攀緣，而致斯問？世尊告言：然我所問，亦無攀緣，但為此會，有善男子及善女人，應可成熟，故發斯問，何以故？如來於彼諸法，名字，猶不可得，何有諸法，及彼能趣，般涅槃者，恒河上言。

①可參考本經184.304.393.447頁下註解。身中80種風蟲與人共業共生。本經57卷：復為諸神病之所執持。所謂天神龍神八部所持。及諸鬼神。乃至羯吒布單那。及餘禽獸諸魅所持。長阿含經20卷：一切男子女人初生時。皆有鬼神隨逐擁護。若其死時。彼守護鬼攝其精氣。其人則死。

若如是者云何為菩提故積集善根若諸菩薩及彼善根皆不可得積集之時即無心故非積集時亦復如是恒河上言所說無心欲明何義世尊告曰此法非思惟之所能知亦非思惟之所能及何以故此中心尚不可得何況心所生法以心不可得是即說名不思議處此不思議處無得無證非染非淨何以故如來常說一切諸法猶如虛空無罣礙故恒河上言若一切法如虛空者云何世尊說有諸色受想行識及於界處十二因緣有漏無漏是染是淨生死涅槃佛告恒河上譬如說我雖有言說而實無有我相可得我說諸色實亦無有色相可得乃至涅槃亦復如是：於我法中修梵行者見一切法皆無所得乃可說名真修梵行增上慢者說有所得是則不名住真梵行我說如是增上慢人聞此深法生大驚疑不能解脫生老病死憂悲苦惱恒河上若我滅後有能宣說如是甚深斷流轉法有愚癡輩由惡見故於是法師生瞋害心以是因緣墮諸地獄恒河上言如佛所說斷流轉法以何義故名為斷流轉世尊告言斷流轉者所謂實際不思議界此法不可穿鑿沮壞是故說名斷流轉法

100卷526世尊記仁者智慧中最高為第一此慧是有為耶是無為耶若是有為虛誑非實法若是無為無為法者則無有生無生之法則無有起以無起故大德智慧則無所有舍利弗即便默然：此女不問有為之法乃問第一義諦第一義中則無言說：世尊記大德

於神足人中最高為第一大德乘神足時為眾生想耶為作法想耶若住眾生想者眾生無實彼神足亦無實若住法想者法無變異若無變異則無所得若無所得則無分別：此女不問分別神足諸如來菩提無作無分別此則不可言說：世尊記大德頭陀人中最為第一又復大德憐愍眾生故入八解脫已而受施乃至一念而受他施以身報耶以心報耶若以身報身性無記喻如草木牆壁瓦礫等無異是故不能必報施恩若以心報心心念念不停亦不能報若除身心則無為法若無為法誰能報者：此女所問問法實際此理不可以言宣答：謂須菩提言世尊記大德於無諍人中最為第一此無諍行入有性耶入如性耶若入如性如非生相如非滅相若不生相若非滅相則是平等若是平等則是如爾若如是如爾則是無作若是無作則無言說若無言說則不可思議若不可思議則不可宣表若在有性有性虛誑若見虛誑非聖所行：我於理不應有答唯有默然是我樂處此女所問問無戲論法若有言說則生過患法性無說是無諍行：謂富樓那言世尊記大德於說法人中最為第一若說法時說有境界法耶無境界法耶若說有境界法則與凡夫等所以者何以凡夫說有境界法故是以大德不離凡夫法若無境界則無所有若無所有何名說法人中最為第一：此女不問有為問第一義第一義中則無言說是故無理可答時無垢施女謂離越言世尊

記大德於行禪人中最為第一大德禪時依有心禪耶無心禪耶若依心入禪心如幻化不實此定亦復不實若無心入禪諸外法草木枝葉花果等亦應得禪所以者何以彼同無心故：此女所問諸佛行處是非聲聞所答時無垢施女言諸佛法聲聞法有異耶若是有異無為有二耶諸賢聖皆行無為無為之法則無有生若無有生則是無二若是無二則是如爾如爾無二是故大德離越何為作是說耶：世尊記大德於諸天眼人中最為第一大德以天眼所見為有物耶為無物耶若見有物則為見常若見無物則為見斷若離二邊則為無見：此女所問為壞假名是故不可以假名而答時無垢施女謂阿難言世尊記大德於多聞人中最為第一此多聞法為是實義耶為是文字耶若是實義義不可說若不可說法則非耳識所知若非耳識所知復不可說若以文字世尊說言依於了義不依文字是故大德阿難亦非多聞亦非了義：此女所問多聞離於文字此則不可以音聲而答問於平等平等非心離心相故此非學地人法我何能答耶此是諸如來法王至彼岸處：無垢施女謂文殊師利法王子言世尊記汝於深解菩薩中最高為第一汝為以十二因緣深為深耶為以真深為深耶若以十二因緣深為深無有眾生成十二因緣深者所以者何以十二因緣無來無去故非眼識所知非耳鼻舌身意識所知此中十二因緣非是行法若以真深為深真深則

①所有得故延生諸法如無始一念無明致輪轉無盡本心修行欲盡輪迴反增益生死之因豈非顛倒之極此佛於楞嚴經闡述詳盡

非深亦無得真深者。文殊師利答無垢施女言。以始際深故深。無垢施女問文殊師利言。始際則非際。是故汝知亦非知。文殊師利答無垢施女言。以無知得無得。故言始際耳。無垢施女問文殊師利言。無得之中無有言分。過言語道無有所說。文殊師利答無垢施女言。說假文字說耳。無垢施女語文殊師利言。諸佛菩提過字句言說。是故菩提則不可說。527若見如來時。為色身觀耶。為用法身觀耶。若以色身觀者。則不見佛。如世尊說。若見我色身。聞我音聲者。彼人邊見。非為見我。若以法身。法身不可見。所以者何。法身離見聞不可取故。是以不可見聞。無癡見菩薩言。無垢施女所問無性法。此無性法不可說。是不答。無垢施女言。善男子。我不問無性法。無性法不可問。學已而答。則無有礙。爾時無垢施女謂寶相菩薩言。善男子。汝言我當作是念。詣舍衛城。願令城中一切種族居家。寶藏湧出。具足七寶。汝施寶之心。為有染著耶。無染著耶。若有染著。則與凡愚同。所以者何。以凡夫有愛著故。若無愛著。無愛著中無有施寶。謂離惡趣菩薩。善男子。汝言我作是念。詣舍衛城。願令城中若有眾生。應墮惡趣者。盡使現世輕受速脫苦惱。如來說業不可思議。此不可思議業。可速斷耶。若可斷者。則違如來所說。若不知云何。而能輕受速斷。若能斷者。於無主法中。汝則是主。若能斷者。亦當能不斷。離惡趣菩薩。答無垢施女言。我以願力。故能令輕受速斷。無垢施女問離惡趣菩

薩言。善男子。諸法如性。不可以願力而受。謂除諸蓋菩薩。善男子。汝言我當作是念。願令舍衛城中眾生。盡除五蓋。汝作是念。入是定。已能令眾生不為五蓋所覆。於此定中。已自在耶。他自在耶。若己自在。無由及彼。一切諸法。無至彼者。云何汝入禪定。去他五蓋。若他自在。則不能利益於他。除諸蓋菩薩。答無垢施女言。此行以慈為首。無垢施女問。除諸蓋菩薩言。諸佛皆行慈行。善男子。叵有佛因。眾生不以五蓋為患者也。謂觀世音菩薩。善男子。汝言我當作是念。願令舍衛城中眾生。牢獄繫閉。速得解脫。臨當死者。即得濟命。恐怖之者。即得無畏。夫言畏者。是有取耶。無取耶。若是有取者。凡愚之人。亦復有取。是故不然。若是無取。則無所施。無施法中。何得有除。觀世音菩薩言。此女不問生滅法。是故不可答。無垢施女問。觀世音菩薩言。叵有是無生無滅問耶。觀世音菩薩答。無垢施女曰。無生無滅中。乃無文字言說。無垢施女問。觀世音言。諸智慧者。於無文字。假說文字。然不著文字。法性無礙。是故慧者。不礙文字。汝此所施辭辯者。以覺起耶。若以覺起者。一切有為。皆由覺觀而起。是故非寂靜。若以愛起者。所施則虛。辯嚴菩薩。答無垢施女言。此是我初發菩提心時。願其見我者。皆得辭辯。以諸妙偈。互相問答。時無垢施女問。辯嚴菩薩言。善男子。汝今即有發菩提心願耶。若即有者。則是常見。若今無者。不可以施彼。是故所願則虛。謂無癡行菩薩。善男子。汝言我作是念。

願令舍衛城中。若有眾生。其見我者。得無癡見。決定於阿耨多羅三藐三菩提。此菩提為是有耶。為是無耶。若是有者。是有為菩提。執於邊見。若是無者。則是虛妄。亦墮邊見。時無癡見菩薩。答無垢施女言。此菩提者。名之為智。無垢施女問。無癡見菩薩言。此智名為生耶。為無生耶。若名為生。則非是善順思惟所生。是有為智。凡愚所知。若名無生。無生中無所有。若無所有。則無分別。菩薩聲聞。辟支佛。諸如來菩提。無有分別。凡愚之人。分別菩提。智慧之人。則無分別。530菩薩成就四法。得清淨眾。不悵望他。徒眾故。不和合者。攝令和解。學問誦習者。給其所須。捨離兩舌。531此無垢施菩薩發心。已來八萬阿僧祇劫。行阿耨多羅三藐三菩提行。修菩薩行。經六十劫。然後文殊師利法王子。乃發菩薩心。如文殊師利等八萬六千諸大菩薩。所有功德莊嚴。佛土。與爾所菩薩等。無有異。謂大德目連言。亦不以女身得阿耨多羅三藐三菩提。亦不以男身得阿耨多羅三藐三菩提。所以者何。菩提無生。是以不可得。101卷533非境界是佛境界。以是義故。如佛所得阿耨多羅三藐三菩提。為何境界耶。佛言。空境界。諸見平等。故無相境界。一切相平等。故無願境界。三界平等。故。何等是無為境界。佛言。無念。是無為境界。若無為。等是佛境界。為無念者。依何而說。無所依。故則無所說。無所說。故則不可說。世尊。諸佛境界。不可說也。佛言。文殊師利。佛境界。當於何求。曰。於

一切眾生煩惱中求，何以故？眾生煩惱性不可得，非聲聞緣覺之所能知，是則名為諸佛境界。佛言：文殊師利，佛境界有增減耶？曰：無增減也。佛言：云何了知一切眾生煩惱本性？曰：如佛境界無有增減，煩惱本性亦無增減。佛言：云何名為煩惱本性？曰：煩惱本性是佛界本性，世尊。若煩惱性異佛境界，則不說佛住一切法平等性中，以煩惱性即佛界性故。說如來住平等性，又問：汝見如來住何等？曰：如我所解，眾生現行貪瞋癡者，所住平等為如來住。佛言：眾生現行三毒煩惱住何等？答曰：住空無相無願平等性中。佛言：文殊，彼性空中，云何復有貪瞋癡耶？文殊師利言：於彼有中，有性空處，有貪瞋癡。佛言：於何有中說有性空？曰：於文字語言中說有性空，有性空故有貪瞋癡，如佛所說，諸比丘有無生無為無作無起，若無生無為無作無起，不有者，亦不可說有生有為有作有起，是故比丘以有無生及無所起，由此得說有生有起，如是世尊。若無性空無相無願，則不可說貪瞋癡等一切諸見。佛言：文殊師利，以是義故，如汝所說，住煩惱者是住性空，文殊師利言：世尊，若觀行者離於煩惱而求性空，則不相應。云何別有性空異於煩惱？若觀煩惱即是性空，為正修行。佛言：文殊師利，汝住煩惱離煩惱耶？文殊師利言：所有煩惱悉皆平等，如是平等我正修行，入此平等則不離煩惱，不住煩惱。若沙門婆羅門，自謂離欲見他煩惱，彼隨二見，云何二見？謂有煩惱名為常見，謂無

煩惱名為斷見。世尊，正修行者不見自他，有無之相，何以故？明了一切法故。佛言：文殊師利，依何正修行？曰：正修行者為無所依。佛言：不依於道而修行耶？曰：若有所依而修行者，則是有為，若行有為則非平等，所以者何？不離生住壞故。佛言：文殊師利，無為中頗有數耶？世尊，若無為有數，即是有為，非謂無為。534 法無數故，聖遠離數為無數也。佛言：文殊，汝證聖法為不證耶？文殊師利言：世尊，若問化人，汝證聖法為不證者，彼云何答？佛言：文殊，夫化人者則不可說有證非證，文殊師利言：佛豈不說一切諸法皆如化耶？汝於聲聞境界有所得耶？須菩提言：聖者解脫非得非不得，曰：如是如是，如來解脫亦非有境界非無境界。若有醫人將護病者，不與辛酸苦澁等藥，而彼醫人於彼病者，為與其差，為與死耶？須菩提言：是與死苦，非施安樂。若將護於他，恐生驚怖，隱覆如是甚深之義，但以雜句綺飾文辭，而為演說，則授眾生老病死苦，不與無病安樂涅槃。須菩提言：文殊師利，汝已證入正性離生耶？曰：我已證入，而亦復出。為調伏聲聞辟支佛故，入正位還於彼出，不墮聲聞辟支佛地，以是義故名。為佛地，須菩提言：云何菩薩而得此地？若諸菩薩住一切地而無所住，為得此地。若有修行為盡一切眾生煩惱，而法界無盡，雖住無為而行有為，於生死中如園觀想，不求涅槃，為得此地。得佛智慧，而不於彼無智人所生瞋恨心，為得此地。若諸菩薩摧伏魔

怨，而現作四魔，為得此地。須菩提言：文殊師利，此菩薩行，一切世間甚為難信，文殊師利言：如是如是，如汝所說，是諸菩薩行於世間，超過世法。須菩提言：文殊師利，當為說此超過世間。世間者名為五蘊，於此蘊中，色、聚沫性、受、水泡性、想、陽焰性、行、芭蕉性、識、幻性，如是當知世間本性，聚沫、陽焰、泡、幻、芭蕉，是中無蘊，無蘊名字，無眾生，無眾生名字，無世間，超過世間。若於五蘊如是正知，名為勝解。若正勝解，則本來解脫。若本來解脫，則不著世法，若不著世法，則超過世間。五蘊者，屬於因緣，若屬於緣，則不屬我，不屬眾生，若不屬我不屬眾生，是則無主，無主則無取，無取則無諍，無諍論者是沙門法。五蘊法界同入法界，是則無界，若是無界，則無地界、水、火、風界，無我無眾生無壽命無欲界及色無色界，無有為無為生死涅槃界，入是界已，則與世間俱而無所住，若無所住，則超過世間。536 有四種法，菩薩住於不放逸者，則能攝取一切佛法，何等為四？一者住於戒律而具多聞，二者住於禪定而行智慧，三者住於神通而起大智，四者住於寂靜而常觀察。537 云何菩薩去來之道？菩薩證菩提而去，如應說法而來，得諸禪解脫而去，現生欲界中來，入於聖道故去，大悲成熟眾生故來，得無生法忍而去，忍受眾生故來，於一切法出離故去，拔出眾生故來，誓願堅固而去，誓願無自性而來，三解脫門而去，故受生而來，菩提道場故去，為安立眾生於菩提故來。

102卷538我今應當大集十方諸菩薩眾令皆得聞如來所說是妙法門證深法忍：即入普光無垢莊嚴三昧入此三昧已放大光明照於東方如恒河沙等諸佛世界普皆柔和潤澤清淨明朗無垢微妙難稱而此光明遍照南西北方四維上下十方世界

539一切光明朗徹無有障礙：諸佛如來若說如是光明因緣乃是能生成就不可思議諸勝善根亦緣如是不思議諸勝善根而得出生所謂布施持戒忍辱精進禪定智慧諸度等行：以如是慈悲喜捨諸善根力共相熏修令此光明能生歡喜：釋迦如來有一大弟子菩薩摩訶薩名文殊師利有大功德具足智慧精進勇猛有大威神能令菩薩咸得歡喜故能令菩薩具足修行故令諸菩薩增長威力故令諸菩薩發動勇猛故能善分別一切法句故能達無礙智慧彼岸故能具足得無礙辯才故又於諸陀羅尼得自在故已具成滿一切菩薩不思議功德故令彼菩薩將欲請問釋迦牟尼如來應供正遍覺甚深法門為諸菩薩善根成就故為行菩薩乘人得滿足彼不思議諸佛法故：又彼文殊師利放斯光明欲令十方世界無量阿僧祇諸菩薩眾大集故令彼諸菩薩得勝法故

542有諸菩薩摩訶薩輩念求如是不思議智為一一眾生於恒河沙劫生地獄中備受眾苦：彼求菩薩道故雖經眾苦而不捨離如是甚深不思議智：若我今日漏心未盡未得解脫於諸佛法有所未知者令我當來常

在生死更不捨離彼不思議大妙乘也：世尊讚須菩提言善哉善哉誠如汝言汝以信故作如斯說令汝此身不取涅槃者以斯善根於當來世過恒沙劫汝當得作轉輪聖王正法治世然後乃成阿耨多羅三藐三菩提

103卷543我終不為樂聽者說又亦不為聞受者說所以者何凡有聽受則為取著云何取著所謂我著人著眾生著壽命著士夫著以取著故便有聽受如是聽受當知彼住三種縛中何謂三縛一見我縛二見眾生縛三見法縛天子若無如是三種見縛而聽法者當知彼住三種淨中何謂三淨一不見自身不分別不思念不證知二不見說者不分別不證知天子是則名為三種淨也天子若有能作如是聽者是平等聽非不平等：是菩提中無退法故：大士若如是者當於何處有斯退轉：當知從貪欲故有退轉從瞋恚故有退轉從愚癡故有退轉從有愛故有退轉

544如是乃至我當成佛我當說法我度眾生我當破魔我得智慧從是諸想故有退轉：不分別聲聞不分別菩薩乃至不分別一切分別退轉者是名不退轉：若有若無是虛妄取是顛倒取是不如取彼則不取亦非不取以是義故得言退轉而彼退法不可說有不可說無何以故若有無中有退轉者彼即為過所以者何若有法退轉則墮常邊無法退轉則墮斷邊然世尊說不住常中不住斷中非斷非常世尊所說天子若彼於先不真

實想而彼證知則名非斷非常：是為菩薩退轉法門：汝莫分別取著如來善住意言大士如來何在而言莫著文殊師利言即在現前：若如是者我何不見：汝今若能一切不見是則名為真見如來：言如來者即虛空界：諸法平等如虛空故是故虛空即是如來如來即是虛空虛空如來無二無別：以是義故若人欲求見如來者當作斯觀如實真際覺了是中無有一物可分別者

545文殊師利即入破散諸魔三昧三昧力故即時三千大千世界百億魔宮朽故暗冥若將毀壞其變已現無復威光令一切魔不樂其所各自見身慚耄羸瘠拄杖而行諸天女輩變成老母一切眾魔見是事故心大憂愁身毛皆豎惶怖思念是何變怪令吾內外不祥若斯將無死沒時至果報離散耶為是世間將壞劫災事乎彼諸魔眾如是念時文殊師利復以神力即現百億天子住在魔前告魔眾曰汝勿憂懼此非汝災亦非劫盡：今此適有住不退轉菩薩大士名文殊師利有大威神道德超世即時正入破散諸魔三昧法門以彼大士三昧威神其事若此非有他也諸化天子說是語時一切魔王及諸魔眾聞諸化天說文殊師利大士名號更增惶恐戰悼不安一切魔宮皆大震動時諸魔王答化天曰唯願仁慈救我危厄諸化天子復語魔言勿怖勿怖汝等今宜速疾往詣釋迦牟尼佛世尊所：彼佛如來有大慈悲若諸眾生憂恐煎迫但往歸依皆蒙安樂除諸憂苦

：爾時一切魔王及諸魔眾，聞化天教莫不歡欣，皆共同心。於須臾頃，羸弊拄杖，皆來住於釋迦牟尼佛前，同聲白言：大德世尊，願見救護，願見救護，免茲變怪，困苦大厄。世尊，我等寧受百千萬億諸佛名號，不願聞彼文殊師利一菩薩名。我即聞是文殊師利菩薩名時，便大驚恐，若喪自身。爾時世尊告諸魔言：波旬，汝今何忽發如是言，所以者何？是文殊大士，凡所開導，利益眾生，億百千佛，昔所未作，今亦不作，當亦不作。唯此文殊師利去來現在，常為眾生建斯大事，眾生熟已，置解脫中，是故汝等雖復聞彼百千佛名，不生苦惱，亦無驚怖。云何而言，我今忽聞一文殊師利名，皆大驚恐？時彼魔眾白言：世尊，我誠慚恥，此弊老身，加以惶懼，發斯言耳。世尊，我等從今歸依正覺，唯願哀愍，復我本形。佛告之曰：且待須臾，文殊師利亦既來已，自除汝恥。如是三昧，云何修得？文殊師利白言：世尊，若菩薩摩訶薩，具足成就二十種法，則能得是破魔三昧。何等二十？所謂一者，訶毀貪欲，破壞貪心；二者，訶毀瞋怒，破壞瞋心；三者，訶毀愚癡，破壞癡心；四者，訶毀嫉妬，破壞妬心；五者，訶毀憍慢，破壞慢心；六者，訶毀諸蓋，破壞蓋心；十七，訶毀諸陰，破壞陰心；十八，訶毀諸入，破壞入心；十九，訶毀諸界，破壞界心；二十，訶毀三界，破壞三界心。告諸魔曰：眾仁者，實為厭患此身儀耶？諸魔報曰：唯然大士，文殊師利言，若如是者，汝今亦當厭患貪欲，勿著三界。諸魔報曰：善哉大士，敬聞嘉誨。

豈敢有違，唯願少假威神，除此慚苦。文殊師利遂攝神力，令一切魔復彼天形，莊嚴如故。547以能覺了一切法，故名為菩薩摩訶薩也。文殊師利，彼一切法菩薩覺者，所謂言說、文殊師利、菩薩云何覺一切法，所謂覺眼、覺耳、覺鼻、覺舌、覺身、覺意。文殊師利云：何菩薩覺眼、覺耳，乃至覺意。文殊師利，所謂菩薩覺彼眼法，本性空故。如是覺已，終不生念。我能覺知，如是覺耳，乃至覺意，皆本性空。如是覺已，亦不生念。我能覺知，菩薩如是覺眼等已，復覺彼色，本性自空。如是覺已，亦不分別。我能覺知，如是覺聲，乃至覺法，皆本性空。亦不分別。我能覺知，是為菩薩覺一切法。云何菩薩覺彼五陰，所謂菩薩觀見陰體，本性自空。如斯覺故，觀無相。如斯覺故，觀無願。如斯覺故，觀無欲。如斯覺故，觀不久住。如斯覺故，觀不牢固。如斯覺故，觀虛妄。如斯覺故，觀無物。如斯覺故，是為菩薩覺一切法。云何菩薩摩訶薩，覺於三界，所謂覺彼欲界無我人故，覺彼色界無所作故，覺彼無色界空無有故，覺彼三界皆遠離故，是為菩薩覺一切法。548云何菩薩摩訶薩，覺眾生行，所謂覺是眾生貪欲行故，覺是眾生瞋恚行故，覺是眾生愚癡行故，覺是眾生等分行故。如是覺已，如是證知，如是為說，如是教化眾生。如是令得解脫，是為菩薩覺一切法。

欲患癡，唯彼諸佛聲聞緣覺，不退菩薩，乃能發耳。既無依處，又無取著，是即無句。斯謂為發，是無分別句。斯謂為發，是不可生句。斯謂為發，是發心菩薩。若於如是一切諸法，不愛著，不思想，不見不知，不聞不識，不取不捨，不生不滅，是則名為真發心也。549舉要言之，一切分別，一切分別處，一切語言，一切諸相，一切進趣，一切希求，一切取著，一切思想，一切意念，一切障礙，菩薩皆當發。汝應如實知：汝今若能於此諸法，不愛著，不思想者，是則名為真實發。如鳥足跡，非無發行也。爾時世尊讚文殊師利言：善哉善哉，文殊師利，汝今乃能為諸菩薩具宣如是初發心義。如世尊說，一切初發皆是，不發其不發者，即是菩薩最初發心。大德迦葉，我實不為難作之事，所以者何，一切諸法皆無所作，亦復無有已作，今作，當作，唯大迦葉，我於諸法非作不作，其義亦爾。又大迦葉，我於眾生無有度脫，亦無繫縛，所以者何，一切諸法無所有故。：有何等人能作難作，若欲正言能作難作，但彼一切嬰兒凡夫，如斯說者是名善說。：如是一切諸法次第不得，亦復不失，不縛不解，不取不捨，不近不遠。：應當覺了如是法門，若諸佛世尊皆不得者，則彼等非法無聞。凡夫一切斯得，是故凡夫能作難作。佛告文殊師利言：實無有人於生法中得無生忍，所言得者，但有語言名字，何以故，以無生法不可得故，離攀緣故，不得法忍，得無所得，無得無失，是故言得無生法忍。：所謂一切法

①大淨法門經776頁五陰無常。道曉無常。五陰無安。道解苦義。五陰空無。道曉了空。五陰無我。了無我義則為道矣...已了五陰則便解道。為諸佛道。又諸佛者不離五陰乃成佛道。道不離陰。覺了五陰乃號為佛。大莊嚴法門經785：是故汝身陰界入性是名菩提。何以故。非離彼故名為菩提。離陰界

無生。如是忍故。一切法無來。如是忍故。一切法無去。如是忍故。一切法無我。如是忍故。

550 一切諸法其性各異。行自境界。頑癡無知。無有覺識。亦如草木牆壁瓦石。如鏡中像。如幻如化。不可證觸。一相無相。以是義故。一切諸法無有超轉。不出不入。無去無來。不復更有諸地分別。亦無入道。無有捨地。亦無退轉。於彼菩提超轉之中。無有失滅。何以故。若人見彼陰界諸入。是真實者。彼無超轉。所以者何。以一切法性本淨故。天子。是名菩薩。超越道地。若求出家。則求欲界。亦求色界。求無色界。復求世間五欲之樂。及求未來果報諸事。若善男子有所求者。彼不證法。不證法故。彼則見心。551 若復有人作如是念。我除鬚髮。乃為出家。當知彼人。則住我相。住我相。故則不見平等。彼若不見有我相者。則不見他相。無他相。故則無我慢。無我慢。故則無吾我。無戲論。故則無取捨。無取捨。故則無不作。無斷不斷。無離無合。如是則名安住真實。善住意言。大士。實義云何。文殊師利言。天子。所言實者。即是虛空。如是虛空得名為實。無起無盡。無減無增。以彼實中不可得。故名為不實。若取袈裟。當知彼即大有見相。天子。是故我說。不以取著袈裟。而得清淨。及得解脫。諸佛世尊。大菩提處。無有袈裟。以何義。故名曰思量。文殊師利言。天子。彼思量者。於法平等。無有增減。無作不作。故言思量。天子。若能於法。不作增減。如世尊說。不應復起想念分別。故言思量。彼法非如無

增減作。無吾我作。無有人作。無眾生作。亦無有念。是持戒作。是破戒作。是煩惱作。是清淨作。是得果作。是辟支佛作。乃至此是空作。此皆為彼無聞凡夫。思量分別說斯法耳。汝應當知。此是最下癡人。求欲得法。妄想取著。是故如來。為斷彼著。而演說是思量分別。作不作事。世尊說。唯有二種受具戒法。謂墮我見。墮人見。墮眾生見。墮無色界。墮取著分別。天子。是為略說。墮於一切不善法中。隨逐惡知識。妄取一切法。墮不知出要解脫之處。是名受邪不等戒也。若能如是入三解脫門。如實覺知不分別。不思念。於一切法。無有退轉。天子。是名受正平等戒。

552 無所持故。言增上戒學。無所知故。言增上心學。無所見故。言增上慧學。如是心不分別。故不憶念。故不生殊異。故名最上心學。如心學戒慧亦爾。天子。若不得心。則不念戒。若不念戒。則不智慧。若不智慧。則無復起一切疑惑。既無疑惑。則不持戒。若不持戒。是則名為真持戒也。天子。當知。彼持戒者。則無所欲。無所欲。故則無退還。無退還。故則清淨。彼清淨。故則得解脫。彼解脫。故則得精進。彼精進。故則無有漏。彼無漏。故則住正行。住正行。故則無像貌。無像貌。故即是虛空。何以故。以彼虛空無形相。故是故天子。若有人能如是學者。則為不學。彼無學。故則為真學。於何處學。謂無處學。云何無處。謂空平等。天子。若能正住空平等者。是則名為真住戒學。凡夫。於

一切時常行取著。思量分別。此受彼與。彼垢此淨。以是分別。故有報恩。云何報恩。謂諸凡夫。於生死有取後生身。是故於彼欲行報恩。若受彼施。當行三淨。然後乃受。何謂三淨。一不見己身。即無施者。二不見他人。即無受者。三不見財物。即無施事。如是三淨。則畢竟淨。若受三千大千世界。篤信檀越。一切眾具。不分別不念報者。是名世間真勝福田。是真出家。是淨持戒。553 聖諦者。入無生相。不可念。知不可修證。所以者何。彼無生中。云何言證。禪行比丘。於一切法。悉無所得。無所得。故不思念。不分別。不修不證。彼諸法。但有名。以如是名。故如是說。其說亦無。故彼雖復名字。證知終不可得。是則名為如實。覺知三十七種助菩提法。於一切法。但取一行。極隨順者。所謂無生。乃至不取一切諸法。如是平等。是為禪行。乃至無有一法。相應。無合無散。是為禪行。多有無量百千眾生。咸有疑心。今此文殊師利所說如是。云何得與聖說相應。於是文殊師利知諸比丘。及以眾會咸皆有疑。即語尊者舍利弗。世尊記汝智慧第一。大德。汝於何時證離欲法。且當證法時。豈不見四諦耶。舍利弗言不也。豈不修三十七助菩提分法耶。曰不也。豈不入三解脫門耶。曰不也。大士。我於爾時。乃至無有一法。可見可除。可修可證。可選擇者。一切諸法。無為無生。無言是空。若是空者。有何可證。若諸菩薩。於一字一句。初不移動。然彼字句。義門處所。近遠淺深。皆如實知。

105卷554如是乃至取著一切諸行故得陀羅尼。是故凡夫得陀羅尼。所以者何。若法為彼愚癡取著。是則凡夫所得。非謂佛得。依止我見。依止人見。依眾生見。依壽者見。依諸見已。雖復供養恒沙如來。應供正遍覺。及比丘僧。一切眾具。隨須奉給。如是供養。盡其形壽。無有休廢。若復有人。聞我所說甚深法門。一切世間所不能信。謂空無相無願無作。寬大寂靜。無生無滅。無我無人。無眾生無壽命。無常苦無我。如是諸法。聞已。誹謗墮於地獄。雖墮地獄。從地獄出。速得涅槃。我無梵行。所以者何。夫梵行者。則非梵行。非梵行。故名梵行。時善住意天子。讚文殊師利言。善哉善哉。大士。仁。以具足樂說辯才。能作如是無障礙說。文殊師利言。天子。若吾具足無礙辯者。即成障礙。何以故。凡是取著我及我所。皆由分別。一切分別無非障礙。眾生者。乃至一切。但有名字。皆想取故。是故我言。汝今當須殺害我想。殺害人想。殺眾生想。殺壽命想。乃至滅除名字等想。如斯殺也。然亦無有執持之想。及以害想。汝當善知。殺害我想。及眾生想。是名真殺一切眾生。

555若人一心專精自守。貪欲心發。即應覺知。方便散除。還令寂靜。云何散除。應作是念。此是空。此不淨。求此欲心。生處滅處。從何所來。去至何所。是中誰染。誰受染者。誰為染法。如是觀時。不見能染。不見所染。不見染事。以不見故。則無有取。以不取故。則無有捨。以不捨故。則無有受。不捨不受。則名離欲。寂滅涅槃。

556世尊為欲除彼五百菩薩分別心故。即以威神覺悟文殊師利。文殊師利承佛神力。從座而起。整理衣服。偏袒右膊。手執利劍。直趣世尊。欲行逆害。時佛遽告文殊師利言。汝住。汝住。不應造逆。勿得害我。我必被害。為善被害。何以故。文殊師利。從本已來。無我無人。無有丈夫。但是內心。見有我人。內心起時。彼已害我。即名為害。時諸菩薩聞佛說已。咸作是念。一切諸法。悉如幻化。是中無我無人。而今此一切諸法。無體無實。非有非真。虛妄顛倒。空如幻化。是故於中。無人得罪。無罪可得。誰為殺者。而得受殃。彼諸菩薩如是觀察。明了知已。即時獲得無生法忍。557世尊建立如是大神變時。以方便力。令彼眾中一切諸來新學菩薩。善根微少。未離分別。取相眾生。皆悉不覩。彼執劍事。亦不得聞。其所說法。

106卷562眾尊王菩薩。從空中下。頂禮佛足。禮已。白佛言。世尊。菩薩行於方便。若為一人起大悲心。合集善法。若似犯罪。若實犯罪。於百千劫。墮大地獄。世尊。此菩薩堪受諸惡。及地獄苦。以此善根。願不捨一人。爾時世尊讚眾尊王菩薩言。善哉善哉。善男子。菩薩成就如是悲心。雖受五欲。不犯重罪。有梵志名曰樹提。於四十二億歲。在空林中。常修梵行。彼時梵志。過是歲已。從林中出入。極樂城。入彼城。已見有一女。彼時女人見此梵志。儀容端嚴。即起欲心。尋趣梵志。以手執足。即時躋地。爾時梵志告女人曰。姊何所求。女人曰。我求梵志。梵志言。姊我不行欲。女人曰。若不從我。我

今當死。善男子。爾時樹提梵志如是思惟。此非我法。亦非我時。我於四十二億歲。修淨梵行。云何於今。而當毀壞。彼時梵志強自頓挫。得離七步。離七步已。生哀愍心。如是思惟。我雖犯戒。墮於惡道。我能堪忍地獄之苦。我今不忍見是女人。受此苦惱。不令人以我致死。還至女所。以右手捉作如是言。姊起。恣汝所欲。爾時梵志於十二年中。共為家室。過十二年已。尋復出家。即時還具四無量心。563爾時為彼女欲。暫起悲心。即得超越。百千劫生死之苦。鳩留孫佛時。有一比丘名曰無垢。在空林野止住窟中。去窟不遠。有五仙人。當爾之時。卒起大雲。而降大雨。時有貧女。道遇暴雨。寒裸恐怖。即入無垢所住窟中。時雨既止。無垢比丘共此女人。從窟而出。時五仙人見此事。已心生荒穢。各相謂言。無垢比丘。丘心懷奸。諂作不淨行。時無垢比丘知彼仙人心之所念。即躡身虛空。高七多羅樹。時五仙人見無垢比丘。上昇虛空。見已復相謂言。我等所見。書記經論。若人作不淨行。不能如是。飛昇虛空。時仙人即向無垢五體投地。合掌悔過。不敢覆藏。佛告智勝菩薩。善男子。爾時無垢比丘。若不作如是方便。飛昇虛空者。此五仙人。即此生身。入於地獄。善男子。爾時比丘。豈異人乎。即彌勒菩薩是。舍利弗。目犍連。若作如是方便。飛昇虛空者。瞿伽離比丘。不墮地獄。愛作菩薩。見德增女。亦起惡覺。淫欲之心。于時愛作菩薩。即自思惟。云何彼法。法者為著。云何彼眼。何者此眼。眼

續後 阿耨多羅三藐三菩提 ③本經29卷151頁。又如於曇篋。受風無際限。愚癡著欲樂。無有厭足時。是癡無所有。無根無住處。以根非有故。亦無癡可盡。以癡無盡故。故諸眾生。我不能令盡。設我一日中。能度三千界。所有諸眾生。皆令入涅槃。復經不思議。無量千萬劫。日日如是化。眾生界不盡。癡界眾生界。續36頁

性非知但是肉團不愛不知不思不覺無所分別其性本空：從足至頂如是觀已若內若外無有一法而可愛著若瞋若癡於一切法如實觀即離欲心得無生忍 564 愛作菩薩因起欲心推求諸法即壞魔眾當轉法輪 107 卷 568 以何緣故菩薩以睡眠覆蓋宮人伎女然後出家：欲令出家之過悉在諸天故有眷屬諸親或見菩薩出家便生瞋憤之心若菩薩如是思惟是人惡心於我便當長夜受苦墮三惡道：以何緣故菩薩苦行六年：非是菩薩宿業餘報受此苦也欲令眾生於一切惡業報中能生患心歸向菩薩 569 彼諸眾生作如是念一生菩薩誹謗迦葉佛而彼菩薩尚得解脫況我不知而作惡言是故我今當自悔過一切惡業更不得作 108 卷 570 爾時有色界天行寂滅行彼諸天等見如來結加趺坐心生歡喜生歡喜已如是思惟今我當求沙門瞿曇心何所依彼諸天人於七日七夜作是求已不得如來一念依處彼時諸天倍增喜悅有三萬二千天子發阿耨多羅三藐三菩提心作如是願我等於未來世當得如是寂滅之行：若菩薩成就如是微細不善之法坐於道場成阿耨多羅三藐三菩提者無有是處：如來成就一切善法斷一切不善法無有生死業報習氣若有遺餘不斷滅者無有是處 571 爾時如來制解脫戒未久時有五百比丘是最後身常在餘諸林中修道彼諸比丘得如是病陳故之藥所不能治彼諸比丘敬慎佛戒不求餘

藥不服餘藥：若我聽者彼諸比丘當求餘藥當服餘藥：若如來不聽者後諸人輩當犯聖法是以如來行方便故從耆域藥師求優鉢羅花嗅之令下：淨居天子語諸比丘言大德如來法王求餘好藥捨陳故藥諸大德可求餘藥諸比丘聞是語已除去疑心更求餘藥更服餘藥然後除病除病已不過七日證阿羅漢果 573 有沙門婆羅門持戒如我受他請已而知請主荒迷不能供給或不肯住以是緣故如來已所許處現必就請及欲示現業報緣故：如來常法雖受他請不得供給不令請主墮於惡道：若有眾生病苦纏身不能得至於說法之處聽法恭敬彼諸人等當作是念佛是法王尚聽七覺法而得除病何況我等不往聽法不恭敬法 109 卷 576 既是此世諸入陰等造作善根其人云何更復於後別諸陰中受其果報云何此識彼處得身云何諸入體隨彼處：我當為汝說神識去來移滅跋陀羅波梨猶如風大雖無形色不可覩見然由因緣而現形色現形色者其義云何譬如風吹動諸樹木發起山壁水崖觸已作聲以冷熱因緣所生是故能受然彼風體不可得見手足目等亦復如是不可得見於諸色上增益勝處或黑或白跋陀羅波梨如是如是此神識界亦復如是不可以色得見亦不至色體但以所入行作體而現色此識界亦復然：命終時此識以業持故此業及命盡時譬如入寂滅三昧人有識身體此識身體滅已然後入寂滅內住

如是如是此識於死人邊捨身及以諸大捨已唯有念力如是知我是彼某甲凡人捨身之時有二種觸正念何等為二一者正念二者觸而彼人命終之時於身有觸二受一身受二念受死後念有觸復次汝問識者何義然有子能生牙從智生識即名為念如身中虫即想是故智及子故名為識然後還受於觸苦樂智知故名為識後復受善惡亦能知善惡境界故名為識：其人不見此識然識受此身譬如婦人受胎然不知此我懷胎為男為女或黑或白或諸根具以不具或手足正等以不然彼在胎之者或以熱食觸故覺已即動如是如是此識來去伸縮共眼開閉昔所造諸業故所有境界即笑語言等諸有所生得色身內住識然諸眾生不知我身內所住識有何體 577 木人以一機關作一切諸事走跳現種種諸伎：彼木人有何因緣作如是事跋陀羅波梨白佛言世尊如來所問非我境界我無智能答：彼者由巧智慧力作種種事而彼巧業無有色以智所生如是如是此身人由識巧故生而此種種身由識所作此識造身故生而此識無有可盡猶法界修熏故往昔諸身憶念意成就 念念成形成一念百受身以猶如日光此識應須當見譬如日光受業報猶如日光此識應須當見譬如日光照於穢濁臭惡諸尸亦不為其所染而其臭穢不離日光所生如是如是此識欲初生在糞穢所食諸不淨又在猪狗等腹內受胎然彼識不為臭穢所染：此識捨此身體即受彼罪福：將善惡而移如是次第而去：以

①&②可參考本經184.194.447.469頁下注。大般涅槃經21卷139頁：菩薩觀內六入空無所有如彼空聚…若無定者平處顛墜。心緣異法口宣異言。耳聞異聲心解異義。欲造異字手書異文。欲行異路身涉異徑(此即身受業力所制。不能自制。心與身不能一致)。若有修習三昧定者則大利益。乃至 續前

內眼因智力，彼生盲人在夢中見，非實眼見。578 此識：以取受為本：此識自生身已還，自造業，猶如蠶虫出絲纏繞，即自滅身移向於彼：此識所移之處，諸根境界無共移者，受亦無移，其所移者，唯有法界。579 識體無有色，以取因色故，或欲取因故，或見取因故，或持戒求報取因故，乃至有受，受因故，受身體，色成就故，言為識。

110 卷 579 眾生生命盡，以業力故，形骸與識，及諸入界各各分散，識為所依，以取法界及法界念，并善惡業，遷受他報。580 世尊，識捨於身，作何色像，佛言：善哉善哉，大藥汝今所問，是大甚深佛之境界，唯除如來，更無能了：如人影像現之於水，此像不可執持，非有無辨，如蜀洛迦形如渴愛像：世尊，云何渴愛，佛言：如人對可意色，眼根趣之名為渴愛，猶持明鏡視己面像，若去於鏡面像不現，識之遷運亦復如是，善惡業形與識色像皆不可見：身中渴愛受想與念皆不可見，身之諸大諸入諸陰，彼皆是識，諸有色體，眼耳鼻舌及身色聲香味觸等，并無色體受苦樂心，皆亦是識：此識可知，福非福耶，佛言：善聽，非未見諦，而能見識，識不可視，譬如掌中阿摩勒果，識不在於眼等之中，若識在於眼等之中，剖破眼等，應當見識，賢護，恒沙諸佛見識無色，我亦如是見識無色，識非凡愚之所能見，但以譬喻而開顯耳，賢護，欲知識之罪福，汝今當聽，譬如有人為諸天神或乾闥婆等，及塞建陀等鬼神所著，賢護於意云何，其為天

等鬼神所著，其著之體，求於身中可得見不，賢護白佛言：不也世尊，天等鬼神所著，其著之體，無色無形，身內外求皆不可見：當知識無形質，如天等鬼神所著之體，供具飲食，所獲好惡，如資罪福得苦樂報。581 互因生，欲猶如鑽燧，兩木互因加之，人功而有火生，如是因識，及因男女色聲香味觸等，而有欲生，譬如因花生果，花中無果，果生花滅，如是因身顯識，循身求識，識不可見，識業果生身，便謝滅：識身和合，戀結愛著，味玩慳悋，報盡分離，隨業受報，父母因緣中陰對之，以業力生識，獲身果，愛情及業俱無形質，欲色相因而生於欲，是為欲因：識與法界持微妙視，非肉眼所依以為見，因此微妙視與福境合，見於天宮欲樂嬉戲，見已歡喜，識便繫著，作如是念，我當往彼，染愛戀念而為有因。582 識亦如是，至妙至柔，能穿剛鞭大身之色，遷入受報：云何為識作用，佛言：大藥，受覺想行，思憂苦惱，此為識之作用，復有善不善業，熏習為種，作用顯識：識捨故，身新身未受當爾之時，識作何相，佛言：大藥，如有丈夫長臂勇健，著堅甲冑，馬疾如風，乘以入陣，干戈既交，心亂墜馬，武藝捷疾，還即跳上，識棄於身，速即受身，亦復如是，又如怯人見敵怖懼，乘馬退走，識資善業，見天父母同座而坐，速託生彼，亦復如是，大藥，如汝所問，識棄故身，新身未受，當爾之時，識作何相，大藥，譬如人影現於水中，無質可取，手足面目及諸形狀，與人不異，體質事業影中皆無，無冷無熱

及與諸觸，亦無疲乏肉段諸大，無言聲身聲苦樂之聲，識棄故身，新身未受，相亦如是。583 行惡業者，入於地獄，汝當諦聽：此中眾生積不善根，命終之時，作如是念，我今於此身死，棄捨父母親知所愛，甚大憂苦，見諸地獄，及見己身，應合入者，見足在上，頭倒向下，又見一處地純是血，見此血已，心有味著緣味著，有宿業因，相應即著，心便生地獄，腐敗惡水臭穢，因力識託其中，譬如糞穢臭處，臭酪臭酒，諸臭因力，蟲生其中，入地獄者，託臭物生，亦復如是：佛言，賢護，智界，見界，意界，明界，以此四界和合成身，四境界識名之為積，聚謂六界六入六入境，三界二入因，即髮鬚毛爪，皮肉膿血，涕唾黃痰，脂髓髓液，手足面目，大小支節，和合崇聚名之為聚，猶如穀豆麻麥，積集聚貯而成高大，謂之為聚，其地水火風空識名之為六界，眼耳鼻舌身意名為六入，色聲香味觸法名六入境，即貪瞋癡名三界因，又風黃痰亦名三因，二入者謂戒與信，又有二因謂捨與施，又有二因謂進與定，又有二因謂善不善，其受想行識此四名無色陰，受謂領受苦樂等相，及不苦不樂之相，想謂知苦樂相，行謂現念作意及觸，識者是身之主，遍行諸體，身有所為，莫不由識：不遷者謂身語意淨證獲道果，此人死已，識棄有陰不重受，有不流諸趣，極樂而遷不復重遷，是名不遷。584 天神最勝在人身中，取最妙香華塗香末香，并諸華鬘及以飲食，皆取最上殊勝，如是此身取最勝業時，以識故受，或取王位治化

續 是二俱無相，彼皆如幻化，故不能令盡

自在。或取富饒大長者家。或受天果報。如是此識受福：如彼不淨毘舍闍鬼神。倚在人身中。受不淨諸物臭穢。或在圍屏內。受諸祭祀。得祭祀已。即生歡喜。而彼人被不淨鬼神力故。常樂臭穢不淨之處。心既愛樂。得臭穢物便生歡喜。此識如是受惡果報。

585 因父母欲事來中陰。受身攀緣業。此識有從中入。欲因成就身。而彼業無色。其男子女人。因亦無色。但因受攀緣故。生欲想。而即有色。是故言受欲想也。色受欲想。故名為受欲。言持戒者。身斷殺生。不盜他物。不行邪淫。不妄言。不飲酒鬪亂。謹慎不放逸。是為攀緣。欲受後世。須陀洹果。斯陀含果。即受後有。或天身。或人身。而彼有善業。或有漏。或無漏。成就諸陰等。潤彼處。持戒欲生善。處謂潤彼處。識受持。或善。或不善。諸業成就。識等受諸欲事。已還自厭離。是故名此。因持戒。故受後果報。此識以法界持故。生作天心見。而彼天見。不在肉眼。彼見體所見。即是受因。故名見受因也。而此人所見天見者。即是福攀緣善成就。即見天宮。587 其識有何諸性也。佛言大藥。彼性受性。取性。諸行性。憂愁性。思惟性。惱性。喜性。不喜性。等是識諸性。應當如是觀。復次。神識有本性。可觀。何等為本。所謂善心。不善心。等為本。588 初捨身。被憂愁所流。即見種種地獄。彼神識初捨身已。在彼地獄。即成就有業。即見彼地獄。或有他方。見如血灑。而彼即心生染著。相。生染著相。已即成地獄身。彼時其神識唯在骸骨內。神識不離骸骨。故不取命終。

：種種諸有。因故成神識。始受取地獄諸苦。：彼不自由。被業所纏縛。不能得住。589 此法門。不得無信人邊說。亦不得覓過失。人邊說。亦不得外道。尼乾等邊說。亦不得尼乾陀聲聞邊說。在阿蘭若空閑者邊。亦不得說。亦不得不至心。請人邊說。所以者何。恐其求過失。如來實無過失。若有出家比丘。或在俗人。信受隨順此事者。彼人應須當順彼人邊。應須起慈悲心。一如如來一種。須發如是心。此人持諸佛庫藏也。

111 卷 595 彌勒菩薩久已證得無生法忍。何故不得阿耨多羅三藐三菩提。：菩薩有二種莊嚴。二種攝取。所謂攝取眾生。莊嚴眾生。攝取佛國。莊嚴佛國。彌勒菩薩於過去世。修菩薩行。常樂攝取佛國。莊嚴佛國。我於往昔。修菩薩行。常樂攝取眾生。莊嚴眾生。然彼彌勒修菩薩行。經四十劫。我時乃發阿耨多羅三藐三菩提心。由我勇猛。精進力。故便超九劫。112 卷 597 菩薩有四非善知識。非善等侶。何謂為四。求聲聞者。但欲自利。求緣覺者。喜樂少事。讀外經典。路伽耶毘文辭嚴飾。所親近者。但增世利。不益法利。：菩薩有四善知識。四善等侶。何謂為四。諸來求者。是善知識。佛道因緣故。能說法者。是善知識。生智慧故。能教他人。令出家者。是善知識。增長善法故。諸佛世尊。是善知識。增長一切諸佛法故。598 菩薩有四無量福德莊嚴。何謂為四。以清淨心而行法施。於破戒人生大悲心。於諸眾生中。稱揚讚歎菩提之心。於諸下劣。修習忍辱。

599 一切諸見。以空得脫。若起空見。則不可除。迦葉。譬如醫師授藥。令病擾動。是藥在內。而不出者。於意云何。如是病人。寧得差不。不也。世尊。是藥不出。其病轉增。如是迦葉。一切諸見。唯空能滅。若起空見。則不可除。

601 空閑處。持俗戒。故死得生天。又為天上五欲所縛。從天上沒。亦不得脫於四惡道地獄。餓鬼畜生阿修羅道。是名比丘。如犬逐塊。：譬如咽塞病。即能斷命。：一切見中。唯有我見。即時能斷於智慧命。譬如有人。隨所縛處。而求解脫。：隨心所著。應當求解。：沙門多讀誦經。而不能止貪。恚癡渴。法水漂沒。煩惱渴死。墮諸惡道。譬如藥師持藥囊行。而自身病不能療治。多聞之人。有煩惱病。亦復如是。雖有多聞。不止煩惱。不能自利。：多聞之人。有煩惱病。亦復如是。得好法藥。不能修善。自害慧根。602 多聞貪著利養。便不復能利益天人。：善持戒者。無我無我所。無作無非作。無有所作。亦無作者。：不以戒自高。不下他戒。亦不憶想分別此戒。是名諸聖所持戒行。無漏不繫。不受三界。遠離一切諸依止法。603 汝等捨離是涅槃想。莫隨於想。莫隨非想。莫以想捨想。莫以想觀想。若以想捨想者。則為想所縛。汝等不應分別一切受想滅定。一切諸法。無分別故。若有比丘。滅諸受。想得滅定者。則為滿足。更無有上。113 卷 604 若心有貪。恚癡法。而身著袈裟。除專心持戒。餘不持戒人。則為燒滅袈裟。何以故。聖人表式。隨順寂滅。行慈悲心。離欲滅者之。

①如本經前言：但彼諸鬼在人身內亦無有色…如彼天神最勝在人身中。取最妙香華塗香…皆取最上殊勝。如是此身取最勝業時。以識故受。或取王位治化自在…如是此識受福。如此最勝天神靈。又正法念處經64卷369頁：若虫憶食。我亦憶食。若我不食。如是醉虫則亦病苦不得安隱。此欲亦然。

所應服：聖人表式有十二事，何等十二：持戒是聖人表式，禪定是聖人表式，智慧是聖人表式，解脫是聖人表式，解脫知見是聖人表式，入四聖諦是聖人表式，能解十二因緣是聖人表式，行四無量心是聖人表式：

605是故出家比丘身服袈裟時，若未得沙門果者，應以八法敬重袈裟，何等八：於身袈裟應起塔想，世尊想，寂滅想，慈想，敬如佛想，慚想，愧想，令我來世離貪，患癡，具沙門法想，迦葉，是名八法敬重袈裟。迦葉，若有於四聖種不行，知足離沙門法，亦不以此八法敬重袈裟者，而彼別有似沙門數墮小地獄。迦葉，彼地獄中似沙門者，於中受罪，衣鉢支體皆悉熾然，坐臥之處，凡有所用物亦皆熾然，如火聚：若非沙門自言我是沙門，非梵行者，自言我有梵行，若有持戒功德具足人，所右遶恭敬尊者，若破戒比丘受其禮敬供養，而不自知惡，彼惡比丘以是不善根故，得八輕法，何等八：一、作愚癡，二、口瘡瘻，三、受身姓陋，四、顏貌醜惡，其面側戾見者嗤笑，五、轉受女人身，作貧窮婢使，六、其形羸瘦，天損壽命，七、人所不敬，常有惡名，八、不值佛世：於此大地乃至無有涕唾分處，況舉足下足去來屈伸：若有非沙門自言我是沙門，非梵行，自言我有梵行，不能必報信施如一毛端，何以故？聖眾福田猶如大海，最妙最勝，於中若有施主淨信心故，以施種子種福田中，如此施主起無量施想：爾時眾中有淨行少欲離垢比丘二百人，聞說是已，捫淚而白世尊：

我今當死不欲以不得沙門果，受他信施乃至一食，佛言：善哉善哉，善男子，汝如是慚愧，畏於後世，喻如金剛，即是現世瓔珞，善男子，我今當說，世有二人應受信施，何等二：一者勤行精進，二者得解脫者：若有比丘得解脫者，行善法者，如我所說，堅持戒者，觀一切行無常，苦，一切法無我者，觀涅槃寂滅，願求欲得，如是比丘受他信施，搏如須彌，必能報是信施之福：有三種福，一、常施食，二、僧坊舍，三、行慈心，此三福中慈心最勝：若有比丘從施主受施，若衣鉢臥具飲食湯藥，受已若入無量定，令彼施主得無量福，得無量報，606四法成就，當知是惡比丘，何等四：從閻入閻，從癡入癡，不見聖諦，多生疑惑，常為生死之所繫縛，閉涅槃門，是名惡比丘，復有四法成就，當知是惡比丘：安詳而行是身姦行，不左右視是身姦行，若左右視不過一尋，是身姦行，邪命著衣是身姦行，諛諂行於空閑之處，不求空閑所行之法，諛諂乞食，不觀乞食相，諛諂著糞掃衣，不知為慚愧，故諛諂行於山窟樹下，不知分別十二緣行，諛諂服於陳故棄藥，不求甘露法藥：云何口多姦行，他識我，他請我，如所求我已得，我不求利養，而他送與我，細妙供養，我皆得多利養，我亦得，我常行善法，應受供養，我善問答，我能順法相，我能逆法相，我於一切法解義非義：心實多求而詐言知足，是名意多姦行：如是惡比丘離善法儀式，作邪命行，墮二惡道，608我聽二種比丘得營眾事：一者能淨持

戒，二者畏於後世，喻如金剛，復有二種，何等二：一者識知業報，二者有諸慚愧及以悔心，復有二種，何等二：一者阿羅漢，二者能修八背捨者，迦葉，如是二種比丘，我聽營事自無瘡疣，何以故？迦葉，護他人意，此事難故，迦葉，於佛法中，種種出家，種種性，種種心，種種解脫，種種斷結，或有阿蘭若，或有乞食，或有樂住山林，或有樂近聚落，清淨持戒，或有能離四扼，或有勤修多聞，或有辯說諸法，或有善持戒律，或有善持毘尼儀式，或有遊諸城邑，聚落為人說法，有如是等諸比丘僧，營事比丘善取，如是諸人心相，迦葉，若阿蘭若比丘樂空閑處，營事比丘一切役使不應令作，有時阿蘭若比丘在比丘僧次役使，而營事比丘應當代作，若自不作，應倩他人令代為之，不應役使阿蘭若比丘，若非行道時，可少令作，迦葉，若有乞食比丘，彼營事比丘於乞食比丘應與好食，若有比丘能離四扼，營事比丘隨所須物，應當供給，所謂衣服飲食臥具醫藥，若離扼比丘所住之處，營事比丘於其住處不應高聲大喚，亦不令他高聲大喚，欲防護離扼比丘，故營事比丘於離扼比丘應生尊敬，如世尊想，生如是念，如是比丘於佛法中能作法柱，當隨所須而供給之，迦葉，若有勤修多聞比丘，營事比丘應當勸喻，作如是言：大德，勤修多聞，讀誦令利，我當為諸大德供給使令，若諸大德勤修多聞，於比丘僧中是好瓔珞，能昇高座，廣說正法，亦自生智慧，營事比丘不應非時役使，應當擁護，令修

多聞迦葉若有說法比丘營事比丘應事事供給應將說法比丘至城邑聚落勸喻諸人令就聽法說法之處亦應供給為說法人敷好高座若有比丘強自以力欲壞說法者營事比丘應往和解亦應數往說法人所稱言善哉迦葉若有比丘善持戒律善持毘尼義營事比丘應往其所數數問義我云何營事令不得罪自無所損不害於他持毘尼義比丘應觀營事者心隨所營事而為說法所謂是應作是不應作營事比丘於持律人所以心生信禮敬供養若比丘僧所有分物應當隨時供給於僧不應藏舉隨僧所須應當分與應與時與不惡心與不以非法與非欲心與非瞋心與非癡心與非畏心與隨僧法行非隨在家行隨僧制行非自隨制行不於僧物生自在想乃至小事與僧共斷非自在斷

609營事比丘若生瞋心而於持戒大德人所右遶禮敬之者以自在故驅令役使是故營事比丘以瞋心緣故墮大地獄若得為人作他奴僕常為其主苦驅役使人所鞭打復次迦葉若營事比丘以自在故更作重制過僧常限謫罰比丘非時令作是營事比丘以此不善根故墮於多釘小地獄中若營事比丘數得僧物慳惜藏舉或非時與僧或復難與或因苦與或少與或不與或有與者或不與者營事比丘以此不善根故墮穢惡餓鬼常食糞丸受飢渴苦於百千歲中常不得食或時得食變為糞屎或作膿血若營事比丘以常住僧物若招提僧物及以佛物輒自雜用得大苦報若受一劫若過一劫何以故以侵三寶物故迦葉若營事比丘聞如是罪知如是罪而故生瞋心於持戒者我今說此諸佛世尊所不能治摩訶迦葉白佛言世尊未曾有也如來自以慈心說如是法為無慚愧者說無慚愧法有慚愧者說慚愧法114卷610阿蘭若比丘入於城邑聚落乞食應以法莊嚴法莊嚴已然後乞食云何法莊嚴若見適意色不應染著見不適意色亦不生瞋調伏其心本所思法不令離心不以食汚心而行乞食應次第乞食若得食處不應生著不得食處不應生瞋若是凡夫未得沙門果或時虎狼來至其所若見不應生畏作如是念我本來至阿蘭若處時已捨身命我不應驚畏應修慈心離一切惡亦離怖畏若諸虎狼斷我命根噉我身肉當生是念我得大利以不堅身當得堅身若有非人或作好色或作惡色來至其所於此非人不生愛心不生瞋心迦葉或有曾見佛諸天來至阿蘭若所作諸問難問難已阿蘭若比丘隨力所能隨所學法為諸天說或時諸天有深問難阿蘭若比丘若不能答不應生於憍慢之心應作是言我不多聞汝莫輕我我今當勤修學佛法或時我得通佛法已能一切答611阿蘭若比丘行如是法若學聲聞乘疾得沙門果若有障法現世不得沙門果者不過見一佛二佛三佛必定得斷一切諸漏若學菩薩乘現世得無生法忍得無障法必見未來諸佛疾成阿耨多羅三藐三菩提

612何故名糞掃衣迦葉譬如死屍人所不貪不生我所心法應除棄如是糞掃衣非我捨棄之物糞掃衣亦無所屬是故名糞掃衣迦葉糞掃衣是法幢以大仙人故是姓以聖人故是安住以聖種故是專念以善法儀式故是善護以戒眾故是向門以定眾故是安住以慧眾故是身以解脫眾故是順法以解脫知見眾故迦葉如是畜糞掃衣得大福德無所希求無所貪著能離慢心能捨重擔115卷616不見好醜不生高下不作取捨何以故法無好醜離諸相故法無高下等法性故法無取捨住實際故是修般若波羅蜜我不見諸法有勝如相如來自覺一切法空是可證知佛告文殊師利如是如是如來正覺自證空法世尊是空法中當有勝如而可得耶佛言善哉善哉文殊師利如汝所說是真法乎謂文殊師利言阿耨多羅三藐三菩提是名佛法如佛所說阿耨多羅三藐三菩提是名佛法何以故無法可得名阿耨多羅三藐三菩提如是修般若波羅蜜不名法器非化凡夫法亦非佛法非增長法是修般若波羅蜜復次世尊修般若波羅蜜時不見有法可分別思惟617修般若波羅蜜時不見法是應住是不應住亦不見境界可取捨相何以故如諸如來不見一切法境界相故乃至不見諸佛境界況取聲聞緣覺凡夫境界不取思議相亦不取不思議相不見諸法有若干相自證空法不可思議如是菩薩摩訶薩皆已供養無量

佛一切智者善知眾生因緣隨緣說法為惡報現前之無慚愧者說地獄重報之惡業為善業現前之慚愧離垢者讚說現世瓔珞因眾生當下業緣不同說不同法無非慈心護眾生成就修善去惡以解脫無盡輪迴之苦海

百千萬億諸佛種諸善根，乃能於是甚深般若波羅蜜不驚不怖，復次修行般若波羅蜜時不見縛不見解，而於凡夫乃至三乘不見差別相，是修般若波羅蜜：見聲聞戒耶？答曰見佛言，汝云何見？文殊師利言，我不作凡夫見，不作聖人見，不作學見，不作無學見，不作大見，不作小見，不作調伏見，不作不調伏見，非見非不見，舍利弗語文殊師利言，汝今如是觀聲聞乘，若觀佛乘當復云何？文殊師利言，不見菩薩法，不見修行菩提及證菩提者，舍利弗語文殊師利言，云何名佛？云何觀佛？文殊師利言，云何為我舍利弗言，我者但有名字，名字相空，文殊師利言，如是如是，如我但有名字，佛亦但有名字，名字相空即是菩提，不以名字而求菩提，菩提之相無言無說，何以故？言說菩提二俱空故：汝問云何名佛？云何觀佛者？不生不滅不來不去，非名非相是名為佛。

116卷⁶¹⁸佛於法界不證阿耨多羅三藐三菩提耶？文殊師利言，不也：世尊即是法界，若以法界證法界者即是諍論：漏盡阿羅漢是名不調，何以故？諸結已盡更無所調，故名不調，若過心行名為凡夫，何以故？凡夫眾生不順法界是故名過：若佛住世，恒沙諸佛亦應住世，何以故？一切諸佛皆同一相，不思議相，不思議相者無生無滅，若未來諸佛出興於世，一切諸佛亦皆出世，何以故？不思議中無過去未來現在相，但眾生取著，謂有出世，謂佛滅度，佛語文殊師利，此是如來阿羅

漢阿鞞跋致菩薩所解，何以故？是三種人聞甚深法，能不誹謗亦不讚歎。

619佛言，汝入不思議三昧耶？文殊師利言，不也。世尊，我即不思議，不見有心能思議者，云何而言入不思議三昧？我初發心欲入是定，而今思惟實無心相而入三昧，如人學射久習則巧，後雖無心，以久習故箭發皆中，我亦如是，初學不思議三昧，繫心一緣，若久習成就更無心想，恒與定俱，舍利弗語文殊師利言，更有勝妙寂滅定不？文殊師利言，若有所思議定者，汝可問言更有寂滅定不？如我意解，不可思議定尚不可得，云何問有寂滅定乎？舍利弗言，不思議定不可得耶？文殊師利言，思議定者是可得相，不思議定者不可得相，一切眾生實成就不思議定，何以故？一切心相即非心故，是名不思議定，是故一切眾生相及不思議三昧相等無分別：若我住般若波羅蜜中能作是說，即是有想，便住我想，若住有想，我想中者般若波羅蜜便有處所，般若波羅蜜若住於無，亦是我想亦名處所，離此二處住無所住，如諸佛住安處寂滅，非思議境界，如是不思議名般若波羅蜜住處：無作智名不退智，猶如金鑛，先加鎚打方知好惡，若不治打無能知者，不退智相亦復如是，要行境界不念不著無起無作，具足不動不生不滅爾乃顯現。620有一行三昧，若善男子善女人修是三昧者，亦速得阿耨多羅三藐三菩提，文殊師利言，世尊，云何名一行三昧？佛言，法界一相，繫緣法界是名一

行三昧，若善男子善女人欲入一行三昧，當先聞般若波羅蜜，如說修學，然後能入一行三昧：欲入一行三昧應處空閑，捨諸亂意，不取相貌，繫心一佛，專稱名字，隨佛方所，端身正向，能於一佛念念相續，即是念中，能見過去未來現在諸佛，何以故？念一佛功德無量無邊，亦與無量諸佛功德無二，不思議佛法等無分別。621若欲言如來是我世尊，應學如是般若波羅蜜，若言如來非我世尊，亦應學如是般若波羅蜜，若欲成阿耨多羅三藐三菩提，亦應學如是般若波羅蜜。

117卷⁶²⁸以能解知己心自然，一切眾生亦復自然，若能分別心如是者，見其心相而為說法，如心相自然，眾生心相自然如此，若能達斯相者為其說法，己心則空，眾生之心亦復為空，已解此空為其說法，等御己心，若能等御而為說法，己身則等，己等己心則等眾生，己等眾生則等諸法，己等諸法則等諸佛，曉此真諦，不令其心離於貪欲，不處於欲，心已止者則入法界趣於自然，心無所住於法無動，是謂菩薩觀心無心，意止清淨。

118卷⁶³²見凡夫法以為卑賤，所學法者以為尊高，如是觀者則為邪見，見凡夫法穢行未消，菩薩法者無有塵勞，如是觀者則為邪見：見凡夫法有求衣食緣覺之法，不望供養，如是觀者則為邪見，見有小意有所悻望，菩薩之意無所悻望，如是觀者則為邪見，見凡夫法以為放逸，菩薩之法以為無欲，如是觀者則為邪見，見凡夫法悉有為事，佛之正法

是無為道。如是觀者則為邪見。佛告族姓子。有能察凡夫法。一切法皆本淨。其學法亦本淨。觀諸法悉自然。乃為正見。凡夫之法無所成就。諸佛之法亦無究竟。乃為正見。其正見者。心不入二。不見二者。人亦無二。不見吾我。則為正見。無若干見。不以若干為異見者。為平等觀。則不想念。一切諸法有上中下。於一切法無所見。乃為正見。其正見者。無若干見。亦無所見。無所見者。乃為正見。所可察者。無有形色。以見諸法無形色者。乃為正見。：觀一切法。曉如是者。斯乃名曰頌宣法律。

633 其城者。喻聖慧巍巍諸漏已盡。涉難遠行。百千俞旬。玄迥路者。謂遊無量生死諸難。救脫眾生。不以為拘盜賊虎狼者。謂眾魔邪見。非法之難。相食噉者。謂三界中陰衰之患。值陰涼者。謂平等行。六藝五兵。謂六度無極。五神通也。其人者。菩薩也。到其城住門。相上。從外門稍復進。至中門住不前者。謂菩薩而從有為。至於無為。諸漏已盡。其心明徹。不捨本願。欲度十方。如念一子也。不入城還反者。菩薩愍傷一切眾生。中心念之。如一子父。滅除生死諸漏之難。超住法頂。雖出生死。不盡諸漏。尋復來還。在於五趣。開化眾生。是為菩薩善權方便大哀之行。 634 何謂無放逸者。其佛告曰。奉行經典。又問。何謂奉行經典。告曰。言行相應。是無放逸。又無放逸。不自馳騁。修於無量。大德之鎧。不與陰合。越於五陰。布施無量。不可盡故。持戒無量。為未學故。

635 王有太子名曰業首。惑於顏貌。迷於豪

貴荒亂自大。不肯往詣離垢光佛。不修恭敬。稽首為禮。佛心念言。太子業首。云何忽失無上正真道意。勸助德本。不識本宿。而計吾我。荒迷容色。財業豪貴。及懷自大。不數詣佛。既來至此。不肯歸命。違失禮節。設為慙懃。宣其本行者。必識宿命。數詣如來。稽首受教。於時離垢光如來。皆悉請會。八萬四千菩薩。使行法籌。誰能堪任。詣太子業首。八萬四千歲。教化說法者。而不患厭。一切苦惱。所見逼迫。雖往教彼。不見接待。座席言談。但得罵詈。毀辱。誹謗耳。佛告族姓子。時雖行此籌。八萬四千諸菩薩中。無一菩薩肯受法籌。時彼會中。有一菩薩。名極妙精進。即從坐起。偏露右肩。長跪叉手。前白佛言。我能堪任。八萬四千歲。往來太子業首。數數相見。捨一切安。皆忍眾苦。雖遭諸厄。不以為患。極妙精進。適發此言。三千大千世界。應時六反震動。百千人住於虛空。舉聲歎曰。善哉善哉。無極精進。被弘誓鎧。於時極妙精進菩薩。往詣業首。太子門前而住。太子方見。罵詈毀辱。諷諍。言語衝口。無有其限。撮土塗之。瓦石打之。刀杖加之。於時菩薩被辱如是。不懷瞋恚。不以為恨。亦不悔還。遂堅其心。被精進鎧。智力益增。興發大哀。而愍傷之。如是千歲。乃得自前入第一門。從所苦困。輕毀之難。不以患厭。至于萬歲。轉復進至王宮第一之庭。又二萬歲。至第二庭。如是之比。八萬四千歲。至第七庭。七日七夜。太子業首時復見之。尋便質問比丘。何來詣此。所求。菩薩答曰。故來相詣。相稱名勳。

於時太子。心自念言。怪未曾有。今此比丘。戒德難量。無能逮者。被諸毀辱。未曾懈恥。爾時極妙精進。我身是。太子業首。彌勒是。 119 卷 638 勝鬘夫人復於佛前發三弘願。以茲願力。利益無邊。諸有情類。第一願者。以我善根。於一切生。得正法智。第二願者。若我所生。得正智已。為諸眾生。演說無倦。第三願者。我為攝受。護持正法。於所生身。不惜軀命。：所有恒沙諸願。一切皆入一大願中。一大願者。所謂攝受如來正法。如是攝受正法。真實廣大。 639 初趣大乘。以饒益心。不顧身命。攝受正法。便能超過。願其壽命久住。大乘一切善根。 640 別解脫毘奈耶。此之二法。義一名異。毘奈耶者。即大乘學。所以者何。為佛出家。而受具足。是故大乘戒蘊。是毘奈耶。：阿羅漢有恐怖。故歸依如來。是故阿羅漢及辟支佛。生法有餘。梵行未立。所作未辦。當有所斷。未究竟。故去涅槃遠。何以故。唯有如來。應正等覺。證得涅槃。成就無量。不可思議。一切功德。所應斷者。皆悉已斷。究竟清淨。為諸有情之所瞻仰。：世尊說。生不受後。有智者。謂阿羅漢及辟支佛。不能斷於一切煩惱。不了一切受生之智。：煩惱有二。謂住地煩惱。及起煩惱。住地有四。何等為四。謂見一處住地。欲愛住地。色愛住地。有愛住地。世尊。此四住地。能生一切。遍起煩惱。起煩惱者。剎那剎那。與心相應。世尊。無明住地。無始時來。心不相應。世尊。四住地力。能作遍起煩惱所依。比無明地。算數譬喻。所不能及。：如是無明住地。蔽四住地。

①正法念處65卷374頁：見刀口蟲。始於母胎初出生時。此蟲初生。以法勝故。始出胎藏。飲母乳故。是時此蟲。盡食餘蟲。後還雜食。以是因緣。蟲還生。此陰衰之患由。因邪見及與貪念。而相食噉。致成身中陰衰之大患。諸識種子。心所緣由。諸入等。涅槃經云。心緣異法。口宣異言。耳聞異聲。心解異義。身不由己。

過恒沙數煩惱所依亦令四種煩惱久住：唯有如來智所能斷世尊。如是如是無明住地其力最大世尊。如取為緣有漏業因而生三有。如是無明住地為緣無漏業因能生阿羅漢及辟支佛大力菩薩隨意生身。此之地隨意生身及無漏業皆以無明住地為所依處。彼雖有緣亦能為緣：無明住地異四住地。異四住地唯佛能斷。何以故。阿羅漢辟支佛斷四住地。於漏盡力不得自在不能現證。何以故。世尊言漏盡之增語。是故阿羅漢辟支佛及最後有諸菩薩等。為無明地所覆蔽故：以得有餘解脫非一切解脫。乃至有餘功德非一切功德。故知有餘苦斷有餘集證有餘滅修有餘道：名少分滅度證少分涅槃向涅槃界。若知一切苦斷一切集證一切滅修一切道。彼於無常敗壞世間得證常寂清涼涅槃：於諸法中見高下者不證涅槃。智平等者解脫等者清淨等者。乃證涅槃。是故涅槃名等一味。云何一味謂解脫味。世尊若無明地不斷不盡不得涅槃一味等味。641如來菩提佛金剛智所應斷法。一切皆是無明住地依持建立：以第一義無有二乘二乘者同入一乘。一乘者即勝義乘。世尊聲聞獨覺初證聖諦。非以一智斷諸住地。亦非一智證四遍知諸功德等。亦非以法能善了知此四法義：於出世智無有四智漸至漸緣。世尊出世間智無漸至法。如金剛喻世尊聲聞獨覺以於種種聖諦之智斷諸住地。無有出世第一義智。唯有如來應正遍知。非諸

聲聞獨覺境界。以不思議空性之智能破一切諸煩惱。破煩惱究竟之智。是名出世第一義智：真聖義者即非二乘。何以故。聲聞獨覺唯能成就少分功德。名之為聖：言聖諦者非諸聲聞獨覺之諦及彼功德。而此諦者唯有如來應正等覺初始了知。然後為彼無明蔽障世間眾生。開示演說故名聖諦：若於無量煩惱所纏如來之藏不疑惑者。於一切煩惱之藏如來法身亦無疑惑。642何等名為二聖諦義。所謂有作及以無作。作聖諦者是不圓滿四聖諦義。何以故。由他護故而不能得知一切苦斷一切集證一切滅修一切道。是故不知有為無為及於涅槃。世尊無作諦者是說圓滿四聖諦義。何以故。能自護故。知一切苦斷一切集證一切滅修一切道。如是所說八聖諦義。如來但以四聖諦說。於此無作四聖諦義。唯有如來應正等覺作事究竟。非阿羅漢及辟支佛力所能及。非壞法故名為苦滅。何以故。言苦滅者。無始無作無起無盡常住不動。本性清淨出煩惱。世尊如來成就過於恒沙具解脫智不思議法。說名法身世尊。如是法身不離煩惱。名如來藏。世尊如來藏者即是如來空性之智：唯佛了知及能作證。世尊此如來藏空性之智復有二種。何等為二。謂空如來藏。所謂離於不解脫智一切煩惱。世尊不空如來藏。具過恒沙佛解脫智不思議法。世尊此二空智諸大聲聞由信能入：如來藏者是法界藏。是法身藏。出世間藏。性清淨藏。此本性

淨如來藏者。如我所解。縱為客塵煩惱所染。猶是不可思議如來境界。何以故。世尊。剎那剎那善不善心客塵煩惱所不能染。何以故。煩惱不觸心。心不觸煩惱。云何不觸法而能得染心。世尊。由有煩惱。有隨染心隨煩惱染。難解難了。唯佛世尊為眼。為智。為法根本。為尊。為導。為正法依。如實知見。120卷 644若問如來。聲聞答者。非如來教。時舍利弗復白佛言。今此仙人有彼彼疑。我願解說。佛言不爾。汝於聲聞最為上首。若於我前有所解說。令諸眾生墮於惡趣。謗云。如來非決定智。或云。如來覺性了已。猶有我慢：若諸受者能令施主生於果報。是為施義。若有眾生發清淨心。以己財寶令執事人隨所施者。其財寶主名為施主。其執事人名為施者。若復有人。自持己物淨心施者。得為施主。亦名施者。三十二種不淨之施。汝今諦聽。若復有人。倒見施者。不名淨施。因報恩者。不名淨施。不哀愍者。不名淨施。為色欲者。不名淨施。645如何施與持戒毀戒而不滅壞。若復有人。淨信因果。發歡喜心。為諸眾生無有悔悵。亦不分別持戒破戒。五種施名為大施。何者為五。一者時施。二者道行之者。三者病人。及看病者。四者說正法人。五者詣他國者。復有五種無上之施。何者為五。一者施於如來。其施無上。二者施於眾僧。其施無上。三者施說法者。其施無上。四者施於其施無上。五者施母。其施無上。復有施者名為大施。所謂失位國王名為大施。福德果報亦復如是。

1 金剛喻定現在前時。剎那間斷佛地障。即入妙覺。17冊藏經。第一義法勝經(甘版837頁)：大仙人言。瞿曇豈不斷煩惱耶。佛言大仙。煩惱不了。我了煩惱。非斷煩惱。大仙人言。若如是者。汝則自在。佛言大仙。如是如是。以不實故。我則自在(煩惱妄所起。故不實。如來藏中無量煩惱所纏。佛自在。凡人非自在)

不在施主手中心中及於身中亦不相離：云何此識住於身中有所愛著：以天慧光明隨念憶知無量百千彼彼生處彼是我母曾五百世生育於我作是念已生厭離心唱言咄哉於此世間生死足矣劬勞諸有永願休息時廣博仙人復白佛言世尊彼識既能如是厭離豈不出離生死中耶佛言不也大仙彼識無出離之相能得解脫無有是處而彼識界於生死中雖爾厭離能出離者不應受生若不爾者或有修福及於造罪一切皆應趣向涅槃如汝所言識思惟者是識增上非智增上：識能分別智能了知識智和合乃如汝說⁶⁴⁶此識微細不可色見無有諸根亦不相離若諸丈夫有所怯弱或生恐怖或起尋思皆識增上非智作用：若有眾生堅固成就施香花鬘此人必當生持鬘天：彼天所食皆是甘果非餘搏食凡有飢想果自現樹：其所壽命天二百年將終歿時有二種相所居之樹其葉凋悴枝條垂下其花香氣自然隱沒所著花鬘忽然萎黃清涼之風變為毒熱最勝天城棄捨而去時諸天女見此衰相圍遶悲號歎言咄哉何彼無常無少慈悲今於我等愛重之者制不由己將捨我等在於須臾時彼天子漸為熱病之所逼迫遍體火現炎焰雖加而無熱惱心猶快樂⁶⁴⁸有諸天人報不純者雖同器食或感赤色或感蒼色乃至黃黑諸雜等色天容無別唯食有異：彼諸眾生先雖捨施後復悔恨由斯報故獲果如是：我之弟子最上聲聞驕

梵鉢提是婆羅門清淨族子住於禪定慈悲之心以彼等持開敷慈眼入三摩地每經七日方乃一度現出入息彼入定時有隨意風應念而至假使劫火燒於大地成一炎焰於彼禪身無能損害如芥子分：彼天帝者是無常身下劣之身如脆草器如假剪花：亦如工人刻木形像又如結花不久散滅何足稱歎：帝釋身比阿那律：乃至千分亦不及一佛言大仙於如是身不足希有獲福德者隨其所願身相成就⁶⁴⁹天帝最大夫人名曰舍支：耽愛垢重倍餘天女志意驕倨猶於彌樓及漫陀山幽邃難仰不肥不瘦不長不短體質香潔無諸穢惡風送妙花結而成蓋而此夫人常能發揮如來種性：三十三天無雜患累而恒遊戲樓閣宮殿其所壽命天一千歲壽將終時有五惡相一者清冷池沼淨如頗胝有所觸者令人欣悅微風輕搖雜花暉映如此池中將欲洗沐變成脂膩時彼天人見此相已心生怖懼從水跳出奔走林中時諸天女見彼惶遽亦疾隨從止一樹下心生憂惱喉中哽噎同聲告言仁者如何速捨我等孤居若此時彼天男聲漸哀切作如是言我從昔來未曾有此垢膩現身作是言已其兩腋下忽然流汗彼諸天女見此衰相皆即遠離於是彼天見諸女去憂惱喘息內增熱毒頭上花鬘颯便萎悴所著天衣忽復垢膩天之床敷雜玩等物皆不愛樂：憂歎未終復見諸女驚惶去來以手拭淚歔歔諮嗟容顏怖懼復傷怨言嗚呼愛者嗚呼親

者如何見我將行死路曾不與語我今臨茲生死長路不垂執別我與汝曹不復見矣：爾時妙耳瓊者釋提桓因與諸天眾百千圍遶并舍支夫人諸餘婦女及乾闥婆等奏美音樂隨從遊行見於彼天為五衰相之所逼害將趣死路皆生哀憐同聲歎言嗚呼奇哉彼之無常無少悲愍暴惡毒害釋提桓因以梵音聲告彼天言止天子我等皆當同歸斯路勿生戀著墮於惡趣時諸天眾亦同告言仁者應當具作諸善往生人間一切眾生修福業地於是彼天聞如是言便自思惟我於今時決定墜落合掌向彼諸來天言汝等諸人住天中者與我歡喜而我於今墜落時至作是言已長歎瞻視復現二相一者眼如赤蓮花二者身莊嚴具忽皆隱沒其餘諸天見此之相各持天花而散其上及奏天樂時臨死者見餘天眾鼓樂幡花以為贈送并相勸往即便樂生閻浮提中涕淚哀感自此而絕：在胎藏中母則相現喜笑歌舞心喜染欲心常歡喜喜樂華果樹林之處樂著種種雜色衣服常喜飲食雖住藏內母脇不苦不樂邪欲心喜善香華鬘莊嚴：既出生已身分平正掌文成就可喜柔軟腰細齒密身體柔軟其心愛樂勝功德欲性愛欲事心愛細衣樂林戲處身有勝香大富豐財金寶具足大姓種族常行施戒欲心多者則生貧家大方廣三戒經^{卷52}謂見諸法皆悉如幻云何如幻謂不說我想命想眾生想若有無想在於心者是人則著想及非想若著想非想

是則狂醉：為一切眾苦所迫。若為一切眾苦所迫，如來說名為狂。狂：住於狂亂，有妄思惟。若妄思惟，則有我我所。言一切諸法從思惟有，悉是我實。如來尚欲於不善法行於善法。若世眾生有我相者，於如來所是第一義。如來解如是我相者，則為非想。

卷54 希望利益求菩提者，不應親近於比丘尼。捨世利養，依乞食行，捨愛衣服，受糞掃衣。依陳棄藥，於諸眾生，生親愛想，修行慈心。當忍一切毀罵，擲打，捨離一切知識親族。修業自活，不應同彼在家之人。若違解脫戒，便違如來力無所畏等，則違過去未來現在諸佛菩提。如是罪報，若三千大千世界所有一切眾生悉墮地獄，是等眾生所受苦痛，比是苦痛。百千億乃至算數譬喻所不能及。應親近一法，云何一法。一切諸法悉無所有。應當親近二法，何等二法。一切諸法悉無所有，求集諸法不著集心。云何為集。如所集者都不可得，不可得中而不生心。

655 不能推求如是等經解其義趣，但能如是毀謗揚惡，身壞命終墮在惡道。

656 我終不聽著見眾生而得出家。強在我法而便出家，食重信施，無有真實持戒功德。寧六日斷於飲食，非著我見眾生見命見人見，乃至涅槃見，受食信施。

658 欲無定處，但虛妄說，是故如來如實而說。此欲非我。若執無著，是則著想。如須彌山，若人著想，當知是人敗失聖法。彼不能起於沙門法。癡者永不能起沙門法。何以故。是

著想者無量劫中，為無間獄之所攝。故暫一發菩提心，已怖畏地獄餓鬼畜生。於是菩提道起重擔想，求諸善根，不專思念，不好善求。是人為於心意所害，生起苦想。是名初法在家菩薩退無上道，疾墮聲聞而般涅槃。行施時瞋恚而與，與已生悔，是人不能至於佛智。是為二法在家菩薩退菩提心，疾墮聲聞而般涅槃。暫一發菩提心，不勤精進，集於多聞，是以少許善根，速入涅槃。一發心已，恪惜祕法。希望良時，求覓吉日。懶惰，不勤求助菩提之法。在家菩薩三法退菩提心，墮緣覺涅槃而般涅槃。佛說如來不思議祕密大乘經卷一者，業不可思議。二者龍不可思議。三者定不可思議。四者佛不可思議。唯佛如來不可思議。最上第一。所有諸佛阿耨多羅三藐三菩提法，由此四種不可思議共所成立。

2 卷670 一切男子女人童男童女，為貪瞋癡燒然其身。若能如實觀法身者，即能息除一切煩惱。法身非飲食力而能成故，亦非段食可能資養。菩薩了知如是相已，即為悲愍一切有情，現受飲食，雖有所取而無著相。於中示現生滅起作，但為成熟諸有情故。諸有生者，即和合義。於一切法應如是知。

3 卷672 了知彼一切法平等性者，是中無法亦非無法，而可取著。此即諸法無取著義。若或領解是義，即大無義。若無領解，彼即無義。亦非無義。以現前安立無義可見。故若或有慧可了知者，即為障礙。彼無礙慧，若或於慧

無障礙，故是即無著。若無著，即無住。若無住，即無論。即彼無論。此說是為沙門之法。一切處悉無所繫，以無繫故，無形顯色。及諸相狀，無色相故，即能隨順覺了。若能如是隨覺了故，即能一切差別分別。無有少法而可得者。此名隨順覺了。以覺了故，即是差別分別。此等名為菩薩心密，心業清淨。

4 卷672 菩薩心密者，謂修慈行，即知無我。若修悲行，即無眾生。修慧行，即心無伺察。若修四念處行，即心無念。亦無作意。修八正道，即得無所修心。修毘鉢舍耶，即得無所觀心。若修四聖諦，即得畢竟無了知心。若修僧作意，即得無住心。修成就諸相行，即得無相心。修降伏諸魔行，即得普攝一切有情心。清淨已，即得一切有情心。亦清淨。乃能隨入諸有情心。於一切處住隨入一切處。有四法。一者身清淨，故能成慧行。二者語清淨，故能成聞行。三者心清淨，故能成戒行。四者慧清淨，故能成智行。復有四法。一者方便圓滿，故能成熟有情。二者慧圓滿，故能降伏諸魔。三者願圓滿，故即如說能行。四者值遇佛故，即得一切佛法圓滿。

7 卷679 若有眾生於佛法中所應化度，宿種善根業障盡者。以其宿善力故，彼等眾生得佛如來殘食而食。食已飽滿。深心清淨，即發阿耨多羅三藐三菩提心。若諸眾生墮在地獄餓鬼諸惡趣者，即不能發大菩提心。

681 眾生心行，略有八萬四千種類。但為根性下劣眾生，令其解入。眾生心行，無其分量。

續後 識念極微細不可執持。佛之威神入彼微識皆令得度。此識教化非無識也。復次微識極微細過於微塵。因起惡意外尋來應。內有反臣。外臣便受害。細思之。隨念則對至。身內外無形眾生界其數無量。乃宿怨酬對。若深入經藏。引發無量佛智。解五陰則知業如影隨形。深解為何一念百劫殃。

：如來住世經百千劫，隨幾許壽量，極壽分限而亦不能說諸眾生心行邊際：如世間假法所成諸音樂器，隨彼所作而悉妙巧，手不觸近非假人力，微風吹動出美妙聲，其所出聲皆是先業差別風所吹擊：如來隨順一切眾生先業差別眾生境界，如應所說

9卷⁶⁸⁵無色界天眾生，生已，同以一識而為所緣，住八萬四千劫，彼識亦非隨餘識轉：如來亦復如是：成證阿耨多羅三藐三菩提，果：入無餘依大涅槃界，於其中間而佛如來無心可轉，無心伺察，無心不伺察，無心知解，無心思念。⁶⁸⁶菩薩苦行非一種相：五熱炙身，及餘一切威儀事等，悉為降伏眾魔外道，令其最勝最上，出過於彼所有禁戒修行諸難作事，彼諸外道不能作者，菩薩一切悉能現作，使其超勝：見其菩薩一足翹立：六日不食，或食穢豆：食乳滴，或常不食，或魔眾中住：及餘無量難行苦行，菩薩為降伏外道故，悉能現同彼苦惡相：六年現作諸相：有諸天人具大信解作善業者，彼見菩薩在寶樓閣中安庠而坐，入阿塞頗那迦定：為彼成熟如應說法，彼諸天人見是菩薩，聞所說法，悉無別異所作事業：名菩薩大智積集大悲方便，解入不思議甚深理法，降伏一切邪魔外道，入苦行智清淨法門

所成證耶，無綺飾行耶，被大悲鎧耶，令三寶種不斷絕耶，於一切法得自在耶

13卷⁶⁹⁴眾生樂以奢摩他為先導者，菩薩即為宣說毘鉢舍那：見眾生樂持戒者，菩薩先為宣說不究竟法，後復為說地獄等事，若見眾生樂多聞者，即為宣說無疑惑法，若見眾生樂三摩地者，即為宣說趣入慧法，若見眾生樂曠野住者，即為宣說心寂靜法，若見眾生樂修頭陀行者，即為宣說聖慧根法

14卷⁶⁹⁶彼蘊處界亦無所得，乃至若善不善有罪無罪，有漏無漏世間出世間，有為無為若染若淨，生死涅槃皆無所得：由無所得故，即於是中以通達智而乃授記

19卷⁷⁰⁶忍辱隨護眾生而為畢竟：精進善能圓滿一切佛法而為畢竟：勝慧息諸煩惱而為畢竟：聽法斷諸疑惑而為畢竟：問法離諸雜說而為畢竟：觀想離念為畢竟⁷⁰⁷世間眾生尊現世法，護正法者尊他世法，彼即世間相違法：無執無取即能攝護正法，若於一切法有相戲論無取無集，乃至一切分別遍計悉無分別，即能攝護正法

20卷⁷¹⁰賢劫諸佛如來，若諸清淨眾生方得值遇：濁惡時中，若能於一晝夜受持正法者，獲福多於百千劫中清淨佛刹持正法者

佛說普門品經⁷³²何謂菩薩等遊鬼神，心如門開，與色有像其身高大為不可及，諸念一會百千之眾^{念頭一起}亦無形像音響為應，譬如飲毒自害其己，其心一類無可畏者，皆由放恣遊盜自縱，因難所禁會有恐懼，此法無

有實也，眾想並來歸^{一念百劫殃也}，其想不可議無實

為空說，案內觀歷鬼神從何興也，其內鬼神若千百千之眾，其外亦然，內不發恐懼外則無畏，其內不悲哀外則不淚出，內發鬼神之想，外有若千百千鬼神之眾，皆來歸之緣，此致病，或至死亡受無數苦，皆由邪心不正故⁷³³菩薩以是四等心亦觀內色外色：皆從眼出入，眼者：二名，入色為金翅鳥，出色為文殊師利：一切諸名皆從眼入，動生死根本橫有所造，皆由金翅鳥故，號畜生：等觀人身中都計合之，亦為三千大千國土，國有百億之數：上有三十三天下至金剛剎土，其中間有大泥犁十八之難，諸天人民所居處各有宮殿，及非人鬼神龍飛鳥走獸，下及樹木草茅，其有形之屬皆在人身中，其數這停等一物，不等者其人使其短，物物相應無差特者，其人便聰明有智慧，若人盜賊虎狼毒獸，若墮溝坑樹木所拒蛇犬所害，皆從發外乃有應，崩身碎體當責現在之事，不可倚着前世宿仇，當自內外思惟：內眾生外眾生，內形外形等等無異，人人皆如是，內起惡意外尋來應，內有反臣，外臣便反害，便人身愚癡之人不能自知，坐^{因也}怨鬼神，一切由色入眼之物，眼為心候，主名百凶，快心之歡必有後患⁷³⁴菩薩摩訶薩身體病痛，小病大病一等無異，當知犯三界眾生，隨其痛處呼三界眾生名字，深自考責，投身散髮墮淚自懺悔三尊，三尊者內有六事，名曰六度無極治內病，外有三尊：六度無極治外病：內三

①長阿含經卷第20：一切人民所居舍宅，皆有鬼神無有空者…諸鬼神皆隨所依即以為名，依人名人…一切男子女人初始生時，皆有鬼神隨逐擁護，若其死時，彼守護鬼攝其精氣，其人則死。廣普經卷第二：心有所念幾念幾想幾識耶，彌勒言，拍手彈指之頃，三十二億百千念，念念成形，形形皆有識。續前

尊者第一心尊。於內三界安慰眾生。開示大明悉令安隱。⁷³⁵愚冥無限由不可得。空著無名。因倚有形。無有見者。永不可持。⁷³⁹悲從對起。因緣生對。無我號我。立無量事。如樹木生結恨急毒。悲因空生。悲還自燒。而危其身。佛說大乘菩薩藏正法經卷^{第746}謂我於先世為有為無。於先世為類何等。我於未來世當復何得。於內法中其復云何。有我無我。而生疑惑。以不平等如理觀故。如是乃有諸見生起。是故有我及有世間。即有緣法。是不究竟變壞之法。計為正住及正安立。此見成已。是故說名不如理作意。一切法無所了知。離心意識故。一切法無含藏。超越眼之境界。道故。一切法不可信。超越耳鼻舌身意境。界道故。^{法超越六根並離心意 識故則非六根之所及} 4卷⁷⁴⁷圓滿潔白法式儀範。乃至小罪猶懷大懼。以取法故。即生怖。由怖當墮惡趣中。若見如是怖起因。識法有故而生取。執者即是取之名。因取故生於三有。心根本處此當知。所謂內外十二處。從彼生起諸業因。業久住處謂思法。⁶卷⁷⁵²菩提心者。謂即彼心無諸過失。一切煩惱不能隨逐。彼心不樂餘乘。彼心堅固。不為一切邪外語言之所壞亂。彼心不破。一切魔眾而不能動。彼心決定長養一切善根本行。彼心不動。愛樂佛法。故。彼心善住。登菩薩地。故。彼心如金剛。一切佛法善決擇故。彼心平等。無高下故。彼心無垢。慧光照故。彼心廣大。容受一切眾生故。彼心無染。如虛空故。

彼心無障礙。觀無礙智故。彼心於一切處隨應了知。大悲無斷故。彼心現證。清淨稱讚故。彼心成就一切智種子。圓滿一切佛法故。彼心無害。具慧行故。彼心是真實根本。圓滿如來十力四無所畏十八不共法故。⁷卷⁷⁵⁴了知諸行無常。即能解入空無常性。若能了知諸行是苦。即能離諸願求。若能了知諸法無我。即能觀想空三摩地。解脫法門。若能了知涅槃寂靜。即能於諸相中有所修作。亦不非時取證實際。佛身無漏。⁷⁵⁵得安住無動等虛空身。法界最上混入虛空界。⁸卷⁷⁵⁶諸佛如來。離如來智。能轉諸法。不言不也。^{此與寶積37卷93頁下段倒之。行。如來不思議大智離識而轉不義異} 14卷⁷⁷¹云何如來。得證菩提。如來無根本。無所住故。乃證菩提。云何名根本。復何名住。謂有身見為根本。依虛妄分別而住。如來以其菩提平等故。平等了知。二法亦悉平等。是故說名無住無根本。⁷⁷²菩提入相入無相。何名為相。何名無相。此說相者。謂即所起一切善法。無相者。即一切法都無所得。又相者。謂心無所住分位。無相者。即無相三摩地法。又相者。即思惟稱量算數伺察。無相者。即出過稱量。云何出過稱量。謂識業無故。又相者。謂有為伺察。無相者。即無為作證。¹⁵卷⁷⁷⁴如來於修道者而行捨法。非修道者亦不棄捨。於修心者而行捨法。非修心者亦不棄捨。捨出世間不棄世間。於聖出離者而行捨法。非聖出離者亦不棄捨。¹⁹卷⁷⁸⁵眾生長夜居險惡。於諸聖道不了知。

駝驢畜類趣中生。備受廣多諸苦惱。常隨惡友教誨言。隨轉還歸惡趣地。相續駝驢中杻械。繫縛拘繫捶打身。遠離善友果報成。牛畜趣中業不壞。駝驢趣類受生已。連環執縛苦惡深。杖木鞭笞負重多。善友爾時難親近。人身最極為難得。善友親近亦復難。剎那親近善功成。歷久能拔諸艱苦。⁷⁸⁶如耽欲飛禽於空中。隨所住處驚怖艱險。邪見眾生亦復如是。破毀淨戒而常習行三不善根。在四趣中五蓋所覆。²⁰卷⁷⁸⁷長夜中遠離善知識親近惡知識。癡冥疲乏如瘖啞人。所有世間一切文句。與義句合。與法句合。法句合故。住於寂靜。與離貪合。寂滅正智。與沙門婆羅門涅槃同住。於一切處所作。我乃棄捨。眾生煩惱亦無因。無緣。此等無因。依止諸見。不能了知所作善業。唯造惡業。縱得人身。諸根殘缺。又於人中不能活命。不能行施。癡迷所覆。盲聾瘖啞。無諸色力。應當回發。是心親近善法。乃至不惜軀命。了知文義句合。於出離道涅槃同住。福智力得圓具故。所作慣習。而能積集菩薩藏正法。²³卷⁷⁹⁷菩薩摩訶薩住惡趣中。見諸殊妙母之種族。亦不發起貪愛之心。應當發起四種之想。何等為四。一者損減想。二者險難想。三者便利不淨想。四者膿血穢汚想。²⁴卷⁸⁰⁰若於菩提道而生退轉。起散亂意。一切惡魔即得其便。諸有魔障於長夜中。

①寶積經580頁：身之諸大諸入諸陰彼皆是識…并無色體受苦樂心皆亦是識…識無形質。如天等鬼神所著之體。311頁：及餘禽獸諸魅(惡趣)所持…常與諸魔作居止處。甘版楞嚴經簡釋本280頁下：鬼神分勝劣。均是惡趣。世之邪人固有積福。求成神道。不知墮惡趣隣地獄。易墜難昇。②17冊藏經未曾有經。佛宿世為王。貪欲故墮地獄中。身被楚毒。智慧力故即識宿命。心悔自責改惡修善。須與命終生餓鬼中…生畜生中受野干身。輪迴路遙。可不慎乎？

伺求其便，入菩薩心能令增長忿怒瞋恚

27卷⁸⁰⁹ 菩薩摩訶薩應當如是修學不退轉地，乃至發起一心，遍入過去未來現在一切有情無量無邊心行差別，若諸有情具足充滿貪瞋癡等一切煩惱，而復回入菩薩之心：菩薩以智慧力譬喻言辭種種推求，如是發起勇猛精進，見是色相一切有情貪瞋癡等之所燒煮：以諸方便普令止息一切苦惱：令修習趣涅槃道，我說是名菩薩不退精進之行：所有一切精進波羅蜜多，皆悉不離身語意業之所修習，然於三業發生精進，意為最勝：云何無分別，謂菩提心，云何有分別，謂於一切有情起大悲心，云何無分別，謂於忍智悟無我理，云何有分別，謂能攝受一切有情，云何無分別，謂雖能攝受一切有情而無取相：有分別者謂於正道而能求進：無分別者謂善能了知非因緣法：無分別者謂行正法行故，有分別者謂莊嚴法身，無分別者謂於法身離諸莊嚴，有分別者謂莊嚴語言，無分別者謂依諸聖能常寂默，有分別者謂依三解脫門而生樂欲

31卷⁸²⁰ 此菩薩摩訶薩清淨天眼，於諸有情而為最勝：天眼見色究竟，除無色界，所有十方世界無量有情，若生若滅，及彼業因一切根因，若增若減，若勝若劣，悉能了知

32卷⁸²³ 一切剎土隨意往來，此說名為神通。於虛空剎土智都無礙，此說名智：於諸世間善巧化導，此說名為神通。於諸世間都無繫著，此說名智：出過一切釋梵護世，此說名為神通。出過一切聲聞緣覺，此說名智：名神通智業圓滿

33卷⁸²⁶

若於菩薩藏不應生決定，如是諸智者得安住正行：法雖不可得，勿作於空解。況此正妙法，不同於虛空，若法同虛空，世間無領解，由無領解故，此非為正行。又此正妙法，無取無不取，是故法非法不應生執取，由無執取故，此即為法相。如是行相中，說名為正行

36卷⁸³¹ 於諸毀戒以法覆護，出離罪報，令住涅槃。⁸³² 聞彼正法：於說法者歡喜稱讚，於所說法，不生執著，亦無損壞，如是莊嚴解脫法門。⁸³³ 當觀念諸有情身由何所造，相續不斷，謂四大種及阿賴耶識造作執持，薰習功能，有無量力：外四大種，有種種門，種種處，種種名，種種相，種種物，由是一切有情任持命根，身四大種集起，亦復如是，有種種門，種種處，種種名，種種相，種種物，由是一切有情於其命根亦復任持：云何諸菩薩以心觀心念處，謂諸菩薩祕密守護正念不動，觀察此心速疾生滅：知初發心最極微量，遠離

心相，於其方分了不能得，是心所集一切善根最極微量，亦皆遠離及無方分，又於是心回向菩提，於自體相無心所了，無心所觀，無心所入，佛言是故得成阿耨多羅三藐三菩提，何以故，謂菩提心與彼善心，於其作用而不共行：回向心與菩提心，及善根心，悉不共行。藏心不因無明而動，楞嚴經言：因地發心與果地覺為同，為異其性必同，方相應。菩提心亦然，可參考佛學名詞頁之。應當如是觀察，不生驚怖，次復獲得甚深緣起不壞因果，然法性心即有情自性，如是還屬諸法因緣，無動無作及無主宰，彼如覆障不共相應，是故應知，此法性心亦不共行：法性心者，謂於是處悉無所施，若復以一切所有回向遍覆莊嚴佛剎，是心覆障如彼幻化，於剎那頃最極寂淨，名法性心

37卷⁸³⁵ 若以此善根迴向菩提，則是增語，所以者何，無有菩提可迴向故，於此善根則無破壞，何以故，如其發心不出三界故，若出三界於此善根即應盡盡，所以者何，如其發心於此善根則無有盡，此說是名第四正斷。文殊師利佛土嚴淨經^{卷上} 848 何謂出家所崇法行，曰修正真行奉一切法，何謂正真一切之法，曰分別曉了陰種諸入：有為無為法皆是五陰，解陰如幻所著，名為知陰本空，是謂曉了幻法本寂，從對而有剖判，本末不見有二，不見無念亦無妄想，此乃專修奉行出家，成菩薩行不捨眾生。⁸⁵³ 具足五陰乃能具三界一切普備十方諸佛之法。大聖文殊師利菩薩^{佛剎功德莊嚴經卷上} 861 由此三摩地

①無始一念無明，世界眾生相續，此皆幻。法緣起而有亦幻。然萬法皆空，業報不空，業果酬對，自有剖判，庸庸碌碌造業，大限一到悔之晚矣，何不早醒悟，精進修行，利人利己。17冊藏經佛說處處經485：八十億萬因緣經，都治人三病…經所以多者，譬如人服藥病不愈，當更服餘藥。佛言：人意多端 續

神境通故。令此三千大千世界。傍生焰魔界。苦悉皆停息。三摩地力故只暫停 862 發菩提心。即為滿足。菩薩律儀。即入菩薩藏陀羅尼根本處。心不散動。能行捨故。即入空性三摩地。住於正行。故即入無相三摩地。無所希望。故即入無願三摩地。性離貪欲。故通達蘊處界。於希望事而得覺悟。而於佛智正願無生。乃至通達一切法。於一切法分別無分別。悉皆斷除。由於彼等作如是見。是故名為性印法門。

卷864於淨戒律儀深生愛樂。晝夜專修梵行安樂。即佛法現前。與理相應。得實相觀。住實相觀。故得甚深忍。證深忍。故即得正見。由正見。故則正修行。由住正修行。故厭惡三界。865 懷出離見。故作是念言。我既有如是苦惱。一切有情亦應如是。我應為彼有情荷茲重擔。令彼獲得究竟安樂。即得大悲。既住大悲。發大精進。猶如救於頭衣之燃。不捨精進。即能獲得薩婆若智。世間智慧。工巧。呪術。醫方。難作。難成。悉皆遍學。如是學已。復作是念。而今此慧不能證入。離欲寂滅。亦復不能趣向神通。及以正覺。應更遍求法藥。工巧。以如是慧。令我得彼究竟寂滅。而彼菩薩求諸法本。不見少法。能起於法。以不見。故住於寂滅。住寂滅。故則無熱惱。無熱惱。故了知生死。為於有情而作利益。令諸有情滅除眾苦。卷869其心非色無名。乃至菩提。以名施設。是菩提及心亦不空。名亦不空。善男子。莫作如是密意而說。無所行句。是名為得。無所行者。不於三界中行。三界言說。所不能說。

正法無阿賴耶。亦無所行。故不能言說。無聲言說。亦無法可得。以無所得。是故名得。父子合集經卷第四。883 彼佛修行菩薩道時。所化眾生。唯純善行。設有先世不善故業。現善根力。銷伏不起。 884

聖主釋師子。彼牟尼世尊。過去已曾作八十俱胝佛。成熟諸有情。常以大悲心。嚴淨佛國土。淺識不能知。種種善方便。不捨初發心。隨機而應現。亦於未來世。復現無量身。或現為釋梵。或示作魔王。遍法界有情。莫能知少分。或現王宮生。成道轉法輪。乃至入涅槃。顯現佛功德。或隨其種類。現作女人相。不染世間法。為利彼眾生。現諸神變事。是故我稽首。不思議精進。普化諸有情。皆令入佛道。願我如佛真金色。圓光丈六常照明。行住坐臥威儀中。攝化有情。令出離。願我堅持諸禁戒。住勝最上三摩地。以方便智利眾生。皆使得成菩提道。願我此身永除斷。為他乘馭瞋恚心。885 迦樓羅眾興福行。誓求無上大菩提。當成無畏十力尊。獲斯勝報。名為佛。由彼淨心供養。故。定招相好。所莊嚴。十八不共法。難思。脫那羅延所乘馭。由是堅持於淨戒。安住清淨三摩地。修習勝慧六神通。嚴淨一切諸佛剎。由彼淨心供養我。後身脫此傍生報。以彼本有身金色。恃其大力。生憍慢。是故成佛。為有情。先令斷除憍慢法。

彼等過去無數劫。曾為苦行大仙人。其數六萬有八千。常樂修習神通事。彼諸仙人。得通已。謂已自在。世希有。雖持禁戒。具威儀。安住山林。生我慢。由是墮於金翅中。緣昔神通。有大力。以持戒。故見我身。忘失菩提。因我慢。我今與授成佛記。略說先因。令覺了。第7 891 爾時世尊。為彼大樹緊那羅王。釋諸疑故。以偈答曰。

緊那羅王。汝所問。既空依何而授記。由彼達法性本空。故得如來與授記。以何因緣。作是說。諸法若有實性者。則應不滅。亦不增。於一切時。無改轉。譬如圓鑑。挂空中。假明緣。故現色像。緊那羅王。汝當知。自性清淨。本如是。法性無垢。常湛然。亦無動亂。及變異。汝觀供養福業。因。於何法中。有其相。應知法界本寂靜。智者觀法。不可得。諸有取相。凡夫人。於此疑惑。不能了。汝問諸法。本無生。復說發心。求佛道。緊那羅王。汝當知。十力妙智。難思議。凡愚沒溺。三界中。於諸欲境。生耽著。由是常生顛倒心。故受生死。諸苦惱。從昔未聞。於正法。設得聞。已而不解。使令安住。實智中。漸能求趣。菩提果。汝問諸法。本無滅。何故如來。有滅度。為破常見。諸眾生。無有少法。為常者。汝問諸法。猶如幻。見生天者。故懷疑。為化凡愚。諸眾生。恃己所有。生憍慢。

續疾轉故多。經隨意療之。欲使疾解故。續後頁 貪恚狂癡念念傷害。無量劫來常受苦惱。我曠劫來已入大寂。無陰界入永斷諸有。金剛寶藏常樂我淨。249頁。六識為枝。妄念為本。無明波浪。心識策使。遊戲六塵。苦惱芽。無能制者。自在如王。是故我言。無明即主。念念傷害。眾生不覺輪轉生死。阿難。一切眾生。為此無明。起諸愛結。我見覆蔽。八萬四千煩惱。郎主役使其身。身心破裂。不得自在。可參考前寶積經節錄。第6頁之頁下

汝問諸法無所依 而見依止善知識
 若非依止說法師 畢竟世間無出離
 汝問諸法無主宰 而見世間有作者
 當觀車由眾分成 有於運載作用事
 為化著我諸眾生 及彼執著我所者
 我為彼說無堪任 是故但唯假名想
 汝問諸法自性空 復說觀空得解脫
 由彼分別執著心 故於空義不能了
 汝問諸行剎那滅 復云諸法性不滅
 為破著欲諸眾生 於非淨處生淨想…
 由彼愚夫顛倒心 則為彼愛所纏縛
 汝問諸法無所說 亦云謗者墮惡道
 愚夫聞已懷驚疑 智者聞之除障礙
 世間諸法本空寂 無智妄計執為我
 彼等若聞諸法空 則生斷滅怖畏想
 若人毀謗於空法 皆由執著我人相
 猶如繫縛於虛空 增長愚癡墮惡趣
 或說善業往天中 或生人間受快樂
 作者非實業不亡 如夢中境唯心造
 892 當知諸趣皆如夢 由迷真故不覺知
 夢中何有於去來 愚夫妄謂真實境
 我雖說有所作業 十方推求無作者
 譬如狂風吹樹枝 由相觸故生其火
 彼風及木無思念 謂言我能出於火
 兩相因故火發生 本無作者亦如此
 汝問福業無積聚 云何能得菩提果
 如世間有百歲人 雖經時分年無聚
 汝問諸法不可盡 云何復說業可盡
 觀空理者說無窮 隨世俗中則有盡

我雖演說真實際 由顛倒故於外求…
 一切諸相皆一相 善通達者謂無相…
 了知無相亦無名 則能具足菩提道
 若法可見可對治 是法非實非平等
 彼法自性離言詮 譬如虛空無相似
 法性無有種種相 亦非一相及異相
 非有冷相及熱相 如鏡中像不可得^{9第}
 899 愚夫謂水起妄心 求菩提者勿同彼
 諸有執著想見者 無智返怖於無相
 愚夫妄想趣非道 離此能得大菩提
 妄想邪思為苦本 隨生分別即為縛
 智者了此悉皆空 得勝總持寂靜樂
 妄想之心不平等 決定墮落於諸趣
 百千生中為苦緣 三世如來同此說
 若人取著於想者 則為陰界所纏縛…
 900 若於無相離狐疑 速證無上菩提果
 若人分別求聖道 分別求道即為縛
 智者在欲而行禪 彼則善修無相行
 諸法無體不可說 分別諸法性皆空
 彼無相法離思惟 如是菩提不難得^{10第}
 901 其國所有諸眾生 成熟善根無損減
 皆盡輪迴苦邊際 無一復受後有身
 亦無鬼畜地獄名 唯有遷流諸行苦⁹⁰²
 由於五欲生愛樂 備受生死諸楚毒
 諸蘊自性本來空 愚夫枉墜於諸趣
 彼無正智心狂亂 於諸苦境妄為樂
 為三毒火鎮燒然 未嘗覺悟生怖畏
 愚夫不厭諸垢惑 如隨怨賊為親友
 聞如來說勝義空 返生驚怖或輕毀

第16⁹¹⁸ 此界壞時，興大黑雲二十二重，遍覆
 三千大千世界，降霖^雲洪雨：晝夜傾注，相
 續不絕。如是時分經五十劫，其水積滿上
 至梵世：此內風或時上行，或時下行，或
 住腹間，或脇或背，或發癰腫，或聚成塊，或
 如刀裂，或如針刺，出入息等遍滿身支。
 919 若時業緣引生六處，諸處生已圍遶空
 界，此說名入內空界數：當知眼處畢竟
 空，故自性亦空：若自性無有，則無男相
 亦無女相，何有愛樂？若生愛樂是魔境界，
 若無愛樂是佛境界，何以故？若無愛樂則
 能遠離一切諸法。<sup>如上段之偈皆闡明無相無
 著不為法執方能遍一切智</sup>
 於死邊際，命根滅時，自分業報皆悉現前，
 猶如夢覺，念夢中事。大王識為其主業為
 攀緣，二種相因初識生起，或趣地獄，或墮
 傍生，或摩羅界及阿脩羅，若人若天，初識
 生已各受其報，同分心品相續隨轉，最後
 識滅名為死蘊，最初識起名為生蘊。
 第18⁹²³ 至命終時見昔所作心生恐懼，如
 彼睡覺念夢中事，最後識滅自業現前，大
 王識為其主業為攀緣，二種相因初識生
 起，作業受果皆不失壞，或趣地獄…
 第20⁹²⁸ 是故大王，應捨豪富，憍慢自在，安
 住淨心，莫生放逸，若離放逸利益自他，生
 諸善根，住平等理，則能證入真如法性，大
 王當知，若有為界若無為界二種平等，非
 有男相亦非女相，亦非過去現在未來，當
 於此法安住自心，決定正觀，勿隨他教

①佛說罵意經493頁：因夢人來殺之，皆有因緣，或前世後世或現世。上夜夢者，朝暮現在事，夢所為善惡，皆意所作，所對亦俱意，正法念處經65卷375頁：修行者內身循身觀，彼以聞慧或以天眼，見憶念歡喜蟲，作何疾病云何安隱，若蟲歡喜有力，多見諸夢或善不善，以蟲過故以蟲流行，於心脈故夢見眾相，觀憶念蟲已如實知身。②陰界即陰間諸入，五陰諸入，如涅槃經後分卷上：無明郎主恩愛魔王，役使身心策為僮僕，遍緣境界造生死業。續前頁